

Just
**DECRETA
SANCTIONES**

Et Univerſa Acta

SYNODI DIOECESANÆ

Etiam Ab *Camaldulensium*
ILLVSTRISSIMO, EXCELLENTISSIMO, ac REVE-
RENDISSIMO DOMINO

**D. CONSTANTINO CASIMIRO
BRZOSTOWSKI
DEI & Apoſtolicæ Sedis Gratiâ
EPISCOPO VILNENSI.**

Sanctiſſimi Domini Noſtri, D. CLEMENTIS Di-
vinâ Providentiâ PAPÆ ejus Nominis XI. Præla-
to Domestico, & Pontificij Solij Aſſiſtente

Anno Salutis *MDCCXVII.* Sub diebus *3tia, 4ta, & 5ta,*
Menſis Februarij, in ſua Cathedrali, Eccleſia Vilnæ.

C E L E B R A T Æ

Et per me **ALEXANDRUM JOANNEM ZEBROWSKI**
S. Theol: & J. U. Doctorem, Archidiaconum Albæ Ruſſiæ
Præſentis Synodi Secretarium

C O N N O T A T A.

VILNÆ Typis Academicis Societatis IESV.

Inſuli Vigenſis

In S T E M M A
ILLUSTRISSIMI ac REVERENDISSIMI
D O M I N I.



PASTOR cum SYNODO, quas firmat STAPEDE leges.
Est NODVS cuncti fortior ense mali.



AD
ILLUSTRISSIMUM
EXCELLENTISSIMUM
ac
REVERENDISSIMUM
DOMINUM
D. CLEMENTISSIMUM.

Oratio Dedicatoria.

AD Te suum Fontem, à quo nuper suavi pro-
manârunt scaturigine, superatis typogra-
phici praeli angustijs, redeunt angusta Sy-
nodalium sanctionum fluentia, ut Pontificia
crucis signata benedictione, uberiori alveo, in totius
Tuae Dioceseos, imò orbis universi fluant utilitatem
ILLVSTRISSE ANTIISTES. Sat diu quidem fer-

rea durante etate, in Caucasum pene durata malevolorum
pectora, inaccessibilem coacervata in montem, discordium
mentium & armorum pondera, in funestos colles, fera-
les pestilentiae collecti cineres, sexcentaq; alia adversita-
tum genera, marmoream induta cruditatem, suos intra
sinus, sanctiores hosce premebant rivus, quos nunc avi-
tus Tuus elicit STAPES, ac velut AGNI CLE-
MENTINI, quia inter fortunata CLEMENTIS
XI. universam hodie gubernantis Ecclesiam, imperia,
Tuō Dignissimi nostri Pontificis, pede, durior feliciter
calcata Tellus, non jam septem, ut olim Nilus in Ægy-
ptum, sed tot in Tuum, à Te profusos Clerum tulit tor-
rentibus, quot sanctas Sanctus Pontifex tulisti leges, quot
opportunas sanxisti Constitutiones, quot matura delibera-
tionis publicasti decreta, quot bene vivendi regulas præ-
scripsisti, explendo illud sapientis consilium: Deriven-
tur fontes Tui foras, & in plateis, aquas tuas di-
vide. Prov: 5. V. 16. Effudisti in nos Synodaliter colle-
ctos Divinioris vite Tue ac Eloquij fontes, quasi im-
ber super herbas, & quasi stilla super gramina, qui-
bus in meliorem aleremur vitam, atq; sic calitus planè
refecti, in majora virtutum, ad DEI & Ecclesie glo-
riam, surgeremus incrementa. Invalescente namq; vi-
tiorum aestu, jam virvida caperat probitas arescere, au-
dita petiisse coelos, terris Astra relictis, langvescens in
plateis corruisse veritas dicebatur, plaudebatq; iniquitas
sibi


sibi, cum Te versatum in laboribus & ærumnis, in-
vigilijs multis, periculis in civitate, periculis in so-
litudine, periculis in falsis fratribus confectum cre-
deret, Tuaq̃ inter discrimina, grandia sibi incrementa
promittebat: verum insigniter mentita est iniquitas
sibi, delusa impietatis omina, cum superatis tot insult-
ibus invictus CONSTANTINVS, hac eti-
am in atate, in qua plures corpore & animo defici-
unt, ad oculum Sarmatico demonstrasti Orbi, quid Pa-
storales Tui valeant humeri; quibus Divinior Hercu-
les, tot superbas haresum hydras, & innumera vitiorum
monstra profligasti, fractaq̃ non semel ferocientis in Tuas
Oves orci potentiâ, victor vel ipsis inferis dedisti le-
ges, cum subiecto Tibi Vniuerso Clero Populoq̃, tum edi-
tis decretis, tum vel maximè sanctioris vitæ exemplis,
omnigenam probitatem imperasti: ut verò unita virtus
esset fortior, Synodali vinculo, unito scilicet cum Tu-
is operarijs federe & labore, Iustitiam & Pacem, veri-
tatem & pietatem in unum hoc opus collegisti, quæ vè per
uniuersum Tuum Diœceseos Vilnensis regimen, annis tri-
ginta protractum (& utinam diutissimè protrahendum)
gloriosissimè sanxisti, huc in unum compendium redegi-
sti: ac per hoc ipsum, quod infirmum fuit consolidâ-
sti, quod ægrotum sanasti, quod confractum alligâ-
sti, quod abjectum reduxisti. Ezech: 35. Ipse vi-

*va omnium rectè factorum & faciendorum Idea, primumq;
vite exemplaris exemplar, primum eximie probitatis
Prototypum, primum propagata per Tuos subditos san-
ctimonie fundamentum: ac ut aptè ad inchoatam loquar
allegoriam, Fons primus, in tot sanctioris vite profusus
flumina. Et hinc est, quòd in his etiam Sancitis Tuis,
scilicet Nobis Tuum proponas jugum, & onus leve, ut-
pote, quod ipse ab adolescentia Tua portare didicisti, Tu-
osq; tollere docuisti, ut proinde dicere cogamur, quòd præ-
cepta Tua sint Lex gratia, lex sapientis, Fons vitæ.
Proverb. 13. Quem in Te, simul & in his pauculis Tu-
is utiq; contemplare pagellis; quas ego cum omni sub-
missione Pastoralibus substerno Plantis.*

*Illustrissimæ, Excellentissimæ, ac
Reverendissimæ Dominationis
Vestræ
Devotissimus Servus*

*Et Humillimus Cliens
ALEXANDER ZEBROWSKI
Sac: Th: & J. U. Doctor, Ar-
chidiaconus Albæ Rufæ,
Synodi Secretarius.*

Ad Le-



Ad Lectorem.

Non mireris Amice Lector, quod Synodalibus Sancitis & assertis, infero Acta Illustrissimi Antistitis, plus enim ponderis habent præclare gesta, quam gloriose dicta, magisq; exempla movent Facientis, quam verba Docentis. Quod tamen utrumq; pari junctum excellentiâ in Illustrissimo Nostro experiris Præsule. Multi sanè magna legum compilârunt volumina, satisq; insignes benè vivendi tradiderunt regulas, quia tamen ad earum normam, suas non regulârunt actiones, nec à se digestam, gestis comprobârunt doctrinam, hinc *perijt cum sonitu memoria eorum*. Ille Legislator, Evangelico magnus argumento, qui suis Legum sancitis connectit acta, qualem vel ex parvo hoc opere, discies esse Nostrium Pontificem Illustrissimum. Quanquam & Acta hæc, Synodalibus præinserta statuta, lex sunt & Canonicae sanctiones; utpotè, quæ mirâ symmetriâ, pulchrâ Sacrorum Rituum repræsentant varietatem, non proprio elaboratâ ingenio, sed operosâ optimi Præsulis industriâ, labore, experienciâ, & sedulitate comparatâ: lex inquam sunt & regulæ; tum quia multos secuturo regulabunt ævo; in re passim non obvia, ritè, gnâviter, & exactè expedienda, tum quia ipsa fundantur in Jure, probatis & approbatis Authoribus. Quæ Acta pro majore legentium utilitate, in Capita & Paragraphos distincta, antequam legere incipias, Theoricam Synodi notitiâ primò perscrutari non graveris. Synodus porro vox Græca, latine Congregationem seu cætum designat. *Cap: 1. S. Synodus dist: 15.* Originem habet ab Apostolis, non immodò *Generalis Act: 15.* sed etiam *Diocesana Act: 20. N. 18.* ubi in causa Pauli, D. Jacobus Episcopus Hierosolymitanus collegit Seniores, id est Presbyteros *Garv: & hæc definitur communiter esse: Congregatio legitima totius Cleri Diocesani, ab Episcopo Diocesano, in ordine ad tractandâ ea, quæ tunc Pastoralè incumbunt, ritu & Ceremoniâ ab Ecclesiâ præscriptis*. Ejus celebrationem quotannis faciendam rigide præcipit Jus commune, constituens pœnas in omittentes. *Cap: sicut. 25. de accusat. innovat Concil: Trid: Sess: 24. Cap: 2. de reform: adiung; Patres S. Concilij Trid: apud Garv: cap: 2. S. 1. n. 6. b. tit. esse hujusmodi celebrationem de præcepto, nisi iusta causa excuset, quæ in Nostria Patria tandiu perdurabat, quamdiu metum incutebat hostili-*

118. Ad eam venire tenentur non tantum Sacerdotes, beneficia curata, & simplicia habentes, sive sint Sæculares, sive Regulares exempti, sed etiam Abbates, Collegiatae, Capitulum & Canonici; qui si recusent interesse, cogi possunt per censuras. *S. Congregat: in Oriolen: in R. sp. ad 19. dub: apud Barbosam in collect: coll. 694. N. 9.* Absentes subjacent pænæ arbitrariæ Ordinariorum Loci, imò censuris obnoxij *Rottheus: sed communius afficiuntur multa quatuor aureorum, pijs locis applicandorum, Gav: nisi sint legitimè impediti, & eo casu debent mittere Procuratores, cum debita, de statu Ecclesiæ suæ informatione.* In ijs Synodaticum seu Cathedraticum, jure Diocesano, debetur Episcopo, idq; in signum subjectionis, & honorem Cathedralis. *Gl. in Cap: Pastoralis de doct. Abb: ibid: N. 7. Henr. Rottheus apud Pinsec: in praxi Episcopali parte secunda. cap. 2. a. 2. N. 13.* In ijs Episcopus cum Consilio Capituli (quod tamen sequi non tenetur) fert decreta & Constitutiones, quæ obligant tam Clericos, quàm Laicos, existentes intra limites suæ Diocesis, *uti deducit Massobrius de Synod: cap: 4. dub: 77. & seq. apud Gav: ubi supra.* Et hæc est Theorica & methodica Synodi Diocesane notitia; nunc, si exactam ejus expediendæ requiris praxim, sequentia patienter revolve folia, & compos voti fies. Vale.

Etatum Amaldudensium M
Ex mi Insub Vigrensi

INDEX SYNOPTICUS

Summulam totius hujus Opusculi complectens.

PRÆFATIUNCULA AD LECTOREM

Continet Synodi vocabulum seu nomen, definitionem, divisionem, ad eam veniendi necessitatem, Synodaticum, constitutionum Synodaliū obligationem.

P A R S P R I M A.

De Actis Synodum antecedentibus.

CAPUT 1um. Complectitur Synodi indictionem præviâ Decanorum convocatione, numero 1. Edictum Convocationis numero 2. Prorogationem termini numero 3. Publicationem ex suggestu in Festo Epiphaniæ numero 4. Recommendationem Eiusdem Suffragijs Cleri & orationibus Populi ac enuntiationem in Ecclesia Cathedr. per hebdomadam à numero 7.

CAPUT 2dum. tractat de Officijs Principalibus uti Promotoris numero 10. Secretarij numero 11. Notarij 13.


CAPUT 3tium. de Scrutatoribus & Tabella Scrutinijs à numero 14. de Iudicibus querelarum 18. de Procuratore Cleri 21. de Magistris Cæremoniarij 24. de Officijs & Præfectis hospitiorum 25 26. de Oeconomo 27.

CAPUT 4tium. refert Instructionem Cleri de methodo Synodali à numero 9. pag. 22. Ordinem Processionum ante & post Synodum à numero 31. fol. 25. 22. quæ agebantur pridie Synodi. numero 37.

P A R S S E C U N D A.

De ordine Sessionum Synodaliū.

SESSIO 1ma ostendit Ritus & praxim inchoatæ Synodi à numero 42. pag. 29. Decreta Præliminaria à numero 49. Officialium publicationem à numero 53. Instantiam Promotoris contra Absentes & Rogitum Notarij numero 57. 58. Continuationem eiusdem Sessionis à prandijs numero 60. Decreta de Clero vocando, Synodatico solvendo



numero 63. Scrutinio peragendo numero, 64. de Officio mōrtuorum 72. capita orationis à numero 74.

SESSIO 2da præmissis officio mortuorum & processione pro Defunctis inchoata *numero 82. In ea, instante Promotore promulgati Iudices Synodales numero 86. Examinatores numero 88. Testes numero 89. Testium Synodaliū seu Decanorum iuramentum. numero 91. Lectio decretorum Conc: Trident de residentia & aliorum à numero 92. Continuatio Sessionis 2dæ à numero 94. Capita orationis à numero 87. Conferentia cum Præfctis Scrutinij numero 98.*

SESSIO 3tia Post Missam de SS. Trinitate inchoata ad instar priorum *numero 100. In ea publicatæ Constitutiones Synodales. Audita desideria Cleri per eorum Procurators numero 102. à Prandijs completa reliquorum Decanatum vocatio. Procuratoribus data resolutio. Synodus mediantibus decretis conclusa. Illustrissimus Episcopus processionaliter reductus ad Palatium.*

P A R S T E R T I A.

Decreta & constitutiones Synodales complectitur.

Ad Eius initium Epistola Pastoralis, modus & ordo boni regiminis Nicolai Pac, & decreta Synodi ab Alexandro Kotowicz celebratæ reasumuntur à *numero 113.*

CAPUT 1mum. mandat Congregationes Decanales bis in Anno institui, præscribendo earum modum, praxim & materiam, quæ tractari debet à *numero 116.*

CAPUT 2dum. in S. 1mo. Prohibet extra Ecclesias baptismum administrari, matrimonia celebrari, exactiones temporalium ab administratione Sacramentorum, à Loco Sepulturæ, ab introductionibus nēonuptiarum fieri pag. 60

In S. 2do. adhortatur Parochos ad Infirmorum curam, cum informatione ferendi viaticum ad Illos *numero 122.*

In S. 3tio præscribit Confessarijs modum audiendi Fidelium confessiones, præmissâ prius instructione in principijs fidei à *numero 124.*

In S. 4to. determinat tempus Communionis Paschalis à Dominica Lætare ad sex Septimanus.

In S. 5to. in quibusdam Ordinandos præcavet *numero 128.*

CAPUT 3tium. Obligat Curatos ad conciones in Ecclesijs suis institui.

stituendas, ad librorum in eum finem necessariorum conservationem concedendo etiam ex libro Parochianorum instructionem pagina 63.

CAPUT 4tum. severè præcipit sub excommunicationis pæna, quatenus Curati doctrinam Christianam disseminent *numero 132.*

CAPUT 5tum. Obligat Ecclesiarum Rectores, ne Officia Divina à S. Ecclesia præscripta intermittant, & ut libros ad eum effectum necessarios conservent à *numero 134.*

CAPUT 6tum. mandat Ecclesiarum vetustate collabentium intra triennium restorationem, non Parochis solum, sed etiam Patronis, sub iuris Patronatus amissione, cum inhibitione, ne in jis comitiola peragi permittantur *pagina 67.*

CAPUT 7tum. Quilibet Parochus habeat Catalogum suorum Parochianorum, & statum Animarum sibi Commissarum noscat *numero 140.*

CAPUT 8vum. declarat medium ad delimitationem Parochiarum *numero 141.*

CAPUT 9num prohibet bonorum ad Ecclesias pertinentium arendationem & oppignorationem *numero 142.*

CAPUT 10num. interdicat Parochis in prædijs distantibus ab Ecclesia residentiam, & ministeriorum sæcularium susceptionem *numero 143. & seq.*

CAPUT 11num. Beneficiorum incompatibilium retentionem prohibet *numero 145. nisi alicui Suffragetur S. Sedis Apostolicæ dispensatio.*

CAPUT 12num. Provisores ad solvendos ducentos florenos cum visu suis Prouisis, Provisos ad recitandas duas Missas præter alia consueta obsequia obligat *numero 147.*

CAPUT 13tium. tollit pæna Clericorum se invicem percutientium *numero 149.*

CAPUT 14tum. Regulares præmonet, ne Personas sæculares ad eligendam apud se sepulturam inducant, sed id Eorum arbitrio relinquunt *numero 150.*

CAPUT 15tum mandat universo Clero, ut non modò ab actionibus externis, Eorum vitam infamantibus, abstineant, & librorum lectioni, conscientiae discussione, casuum resolutioni incumbant; verum, ut etiam tam exercitia Spiritualia, saltem quolibet biennio absolvant; quàm vestitu decente & honesto incedant, baculos ferro factos, & annulos



portare; nisi quibus. per dignitatem convenit, minimè præsumant à numero 151. pag. 72.

CAPUT 16tum. Ieiuniorum quidem ab Ecclesià præscriptorum observantiam præcipit, nè tamen aliqua exotica & superstitionem redolentia instituantur, interdicit, à numero 157.

CAPUT 17tum. constituit Censores librorum, & Bibliothecarum revisores numero 160.

CAPUT 18vum. Archivium ordinatissimè custodiri præcipit, & pro eius revisione Commissarios designat. numero 161.

CAPUT 19num. Commissarios ad Seminarium Cleri determinat numero 162.

CAPUT 20tum pro Officio B. Michaelis Giedroyc declarat Romanam supplicationem numero 163

CAPUT 21tum. interdicit ædificationem Fanorum Synagogarum, Moschæarum, & publicam cadaverum d. ductionem Hæreticis & Infidelibus. numero 164.

CAPUT 22dum. Inculcat magis doctrinam in Epistola Pastoralis de sagis & Maleficis expressius traditam. numero 166

CAPUT 23rium. Taxam Fori Iudicialis declarat numero 168.

CAPUT 24tum. Casus Episcopis reservados demonstrat. pag. 81.

CAPUT 25tum. refert propositiones prohibitas, quas sequi non licet pag. 82.

CAPUT 26tum. explicat impedimenta dirimentia matrimonium à numero 172. pag. 86

CAPUT 27num. Praxim publicandi Bullam Cænæ Domini exhibet numero 173.

CAPUT 28vum. Praxim expediendæ Inquisitionis & Testium examinis describit à numero 174. pag. 94.

CAPUT 29num. mandat observationem constitutionum Synodaliū. Sequuntur Sermones in Synodo habiti à folio 104. ad totum 133.


ORDO Ecclesiarum & Catalogus universi Cleri Diœcesis huius à pagina 135. ad finem.



PARS PRIMA

*Acta Synodum antecedentia
complectens.*

CAPUT . imum. De Synodi Indictione.

I.  Ost expeditam tum perse, tum per designatos
Visitatores, totius ferè suæ Dioceseos ILLU-
STRISSIMUS, EXCELLENTISSIMUS, ac RE-
VERENDISSIMUS DOMINUS LOCI-OR-
DINARIUS Vlnensis præcedentibus annis Vi-
sitationem, tandem anno immediatè elapso 1716. die 8^{va} Maij,
facta convocatione Archi-presbyterorum, seu Decanorum, ad-
hibitisq; tum ex Venerabili Capitulo, tum ex Theologix, ac Sa-
crorum Canonum Doctoribus, gravibus, & prudentibus Viris,
de eorum consilio, indixit Synodum Diocesanam, per sequens
in tenore sequenti.

2. Edictum convocationis
Diocesanae Synodi.

CONSTANTINUS CASIMIRUS
BRZOSTOWSKI

DEI & Apostolicæ Sedis Gratiâ Epi-
scopus Vilnensis, Sanctissimi Domini N.
D. CLEMENTIS D. P. PAPÆ XI. Prælatus
Domesticus, & Pontificij Solij Assistens.

Illustrissimis, Reverendissimis Episcopis, Suffraga-
neis, Perillustribus Prælatiis, Canonicis, totiq; Al-
mo Capitulo, Fratribus Nostriis: Cancellario Diœ-
cesano, Archidiacono Albæ Russiæ, Venerabili U-
niverſo Clero, tam intra quàm extra Vilnam, vi-
delicet Abbatibus, Præpositis, Decanis Foraneis,
Parochis, Commendarijs, Vicarijs, Altaristis, ac
Religiosis curam animarum administrantibus, cæte-
risq; quibuscvis Diœcesis nostræ Vilnensis Presby-
teris, Mansionarijs, quomodocunq; Beneficiatis,
Salutem, & Pastoralem Benedictionem.

SI beata usquequaque, & nullis omninò impedimentis, nec
viarum comœatûsq; difficultatibus sollicita tempora ex-
pectanda forent, evenisset forsitan, ut rerum humana-
rum, in deterius prolabantium semper conditione ita exigen-
te, synodum tam districtè Canonibus Sacris præscriptam,
tam

tam impensè Sanctorum Patrum exemplis commendatam, nunquam celebrare nobis liceret. Quando enim, aut consuetæ de anno in annum molestiæ, à proposito Nos non retardant? aut emergentes continuò novæ difficultates non absterrent? Verùm omnibus illis vehementius oraculum Spiritûs S. Eccl: II. v. 4. *Qui observat ventum non seminat, & qui considerat nubes, nunquam metet*, acriores Pastoralis nostræ sollicitudini stimulos admovet, quàm ut deinceps non sentiri possint, aut retundi. Certè dum Sanctissimos Pontifices Romanos, circumfremente gentilium Tyrannorum rabie, & undiq; fervente persecutionis æstu, nihilominus alios in cryptas, & cavernas terræ, alios in maris exiliq; suas avias, & inaccessas insulas Synodos convocasse, mente revolvimus, meritò confundamur necesse est; vel temporum iniquitati, vel humanæ imbecillitati, tam multum nos potuisse indulgere. Sub hanc à multis jam annis in Dioecesi nostra Synodorum cessationem, ob hostilitatem scilicet, famem, ac pestilentiam grassantem, velut opportunitatem corruptelis indultam, qui non superseminati abusus? quæ non pervulgata scandala? quæ non religionis ac Virtutis germina læsa atq; violata? quibus pro munere Officij Nostri partim evellendis, ac extirpandis, partim restituendis, ac consolidandis, hanc præsentem Synodum Dioecesanam censuimus indicendam, vocandosq; in partem sollicitudinis ac laboris omnium Ecclesiarum Pastores, nobis subordinatos; ut quicumq; super damna ista vineæ Domini Sabaoth dolent nobiscum atq; plangunt, junctis nobiscum viribus, ad remedia industriam conferant ac laborem. Proinde omnes, & singulos Directis nobis in Christo Prælatos, atq; Canonicos Ecclesiæ Nostre Cathedralis Vilnensis, omniumq;

Parochialium, & quarumvis Ecclesiarum Dioecesis ejusdem, Abbates, Decanos Foraneos, Presbyteros, Rectores sive Parochos, Præpositos, Curatos Beneficiatos, sive Altaristas, Vicarios, Sacellanos, qui ejusmodi Synodis de jure aut consuetudine debent, aut ex privilegio possunt interesse, requirimus, hortamur, admonemus, & eorum singulis, in Virtute Sanctæ Obedientiæ, ac sub excommunicationis, alijsq; censuris, & jure ipso statutis, & arbitrio nostro statuendis pænis, mandamus, ut per semetipsos, aut si legitimo impedimento detenti fuerint (de quo nos in veritate docere teneantur) in tali casu, per speciales nuntios, aut procuratores, huic S. Synodo, Anno præsentis, Mense Octobri die 12. præcisè, interfint. Ante omnia antequàm à suis Ecclesijs abscedant, unusquisq; Sacramentorum administrationem, Ecclesiæ & ægrotorum curam alteri Presbytero ad Synodum non obligato sæculari, sive Regulari, non tamen vago, sed certo & idoneo, & ad Confessiones approbato, nec censuris innodato committat, similiter & curam rei familiaris cuivis bene sibi visc; tum ipsi pro die designato Vilnam, cum honesto Clericali habitu, & superpelliceo mundo se conferant, designatâ quâvis horâ, & Ordine præscripto, in Ecclesia Cathedrali affuturi; nec inde discedere quisquam eorum præsumat, nisi eadem Synodo dimissâ, & absolutâ. Adferent verò secum, qui extra Vilnam degunt Sacerdotes, Breviarium quo quisq; utitur, Rubricellam, Epistolam Pastoralem: curati verò etiam attestationem de Oleis Sacris hoc anno renovatis, Præfectis Scrutinijs exhibenda. Quia verò proxime celebratâ coram Nobis Congregatione Decanali, non omnia desiderata potuerunt obtineri, habebit unusquisq; Originalia suarum Foundationum Præpositalem, Parochialium, Altari-

stica-

ficarum, five quovis alio titulo Beneficiorum, ad Archivum Dioecesanum comportanda, eorumq; legitima transumpta comparanda, tum ut constet in præsentì, an fiat satis menti & erectioni Fundatorum, tum ut accessio, decessioq; in iisdem, eorumq; causæ innotescant. Dabunt præterea in scripto, adinstar libelli in folio, mundè, & accuratè informationem quid accesserit, decesseritvè, in bonis, redditibus, ædificijs, suppellectiliq; Sacra Ecclesiarum? de bonis arendatis, de suppellectili Sacra aurea argenteave, similiter de Cimmelijs Sacrarum imaginum actu existentibus, de perditis, pignoratis, fidei commissis: in specie quid? ejus ponderis, ac valoris? à quo? quare? & apud quem impignortum depositumq; sit. De Altarijs, circa eas obligationibus Fundatorum quoad personas beneficiatas, quoad numerum & locum Sacrificiorum, & legatas pensiones, & quare alicubi non satisfiat? De Oratorijs, Privatorumq; Sacellis Aulicis, conjuncta, an disjuncta à profanis ædibus? & ubi intra suæ Parochiæ limites habeantur? & in ijs, utrum de indulto Nostro adhuc vigente, an jam, & quando evanido, aut nullo, & per quos Sacerdotes Sacrificia celebrentur. De præjudicijs etiam, si quæ à Religiosis, & quibus? si quæ item à Græco-Unitis in administratione Sacramentorum, aliorumvè Parochialium jurium violatione patiuntur. De vitâ item scandalosa suorum Parochianorum, si qui in eis notorij homicidæ, adulteri, seortatores, usurarij, tragi, venefici, blasphemî, Hæreticorum fautores, librorum prohibitorum lectores, ac retentores inveniuntur? & utrum post admonitiones Pastorales, in pertinacia peccandi hæreant incorreci? Quot in ejus Parochia sint sana A catholicorum, ad singula quot Prædicantes, & quot circiter Familiæ ad quodvis fa-

num pertinere possint? Quot iterum Tartarorum Moscheæ? quot Synagogæ Judæorum, & posteriores nominatim, utrum recenter, & an cum Loci-Ordinarij permissione erectæ? De Familia Christiana, apud utrosq; infideles, tam Tartaros, quàm Judæos, quot in illo obsequio personæ esse possint, an non aliquæ cum periculo sacrilegi commercij? utrum templa frequentent diebus festis, & hoc saltem anno singulæ communionem confessionemq; Paschalem absolverint. De censibus Ecclesiarum suarum apud Judæos, an integrè? quare non, & à quo tempore solvantur. Deniq; de Ecclesijs (ut quæ alicui est vicinior) desolatis, pluribusq; in unius possessione, & administratione existentibus, seu Parochi simplicis, seu Cathedralibus titulis insigniti, utrum stabiles, ac idoneos Vicarios habeant? præsertim an juratos. Præterea hortamur præfatos omnes, aliosq; Ecclesiastici Ordinis, tam Sæculares quàm Regulares, ut si quid singuli in proxima Synodo corrigendum noverint, circa prædicta omnia, item circa obsequia Spiritualium erga sæculares, item de negotiatione, de clamosa venatione, de habitu, & habitibus scandalosis Clericorum, item si quid decerni dignum, pro suæ conscientiæ, ac Prudentiæ dictamine duxerint, maturè ad Nos, aut Vicarium nostrum, scripto deferre non graventur, ut pro rei qualitate, quod fuerit expediens, decernamus.

Per præsentem quoq; demandamus, ut post indictam, promulgatamq; hanc Synodi convocationem, in omnibus hujus Civitatis ac Diocesis Ecclesijs, Parochialibus & Præpositilibus, quoad ipsa Synodus absoluta fuerit, Missa de Spiritu Sancto, vel saltem Oratio, si rubricæ Missam non permiserint, dicatur. Ac tandem Christi Fideles quoscunq; monemus,

nemus, atq; in Domino ferventer hortamur, ut suis ardentissimis precibus, Sacerdotes præsertim in Sacrificijs immaculatis, ad opus quod aggredimur, à DEO Optimo Maximo auxilium studeant implorare, ut in ijs quæ necessaria fuerint, promovendis, decernendis, & exequendis, adesse nobis Divinus Spiritus lumine suo dignetur. Ac demum ut Civitas hæc, & Diœcesis salutaribus nostris admonitionibus erudita, fructus in Domino afferat quàm uberrimos. Dabantur in Arce Nostra Verkoviensi Anno Salutis 1716. die septimâ Mensis Augusti.

CONSTANTINUS

Episcopus.

(L.S.)

*Trojanus Filipowicz
Aëtorum Curie suæ Cel-
situdinis Notarius.*

3. Appropinquante termino indicto, quoniam ob strepitum armorum, & imbrium ac fluviorum insperatam inundantiam, Clerus Diœcesanus congregari non poterat, prorogatus est terminus viâ cursoriâ per omnes Decanatus ad diem 3tiam Februarij anni currentis.

4. In Epiphania Domini Anno præsentis, Admodum Reverendus Dominus Vice-Decanus Ecclesiæ Cathedralis, pluviali indutus, immediatè post concionem, enuntiando in cantu ex Pontificali Romano festa mobilia ex suggestu, adjecit suo loco, quòd scilicet *die 3tia Februarij Diœcesana Synodus habebitur.*

5. Mox ex Cancellaria suæ Celsitudinis emanatæ, omnium Ecclesiarum tam Sæcularium, quàm Regularium, intra, & extra urbem existentium valvis, affixæ erant schedulæ in tenore sequentis:

CON-

CONSTANTINUS CASIMIRUS BRZOSTOWSKI

DEI & Apostolicæ Sedis Gratiâ Episcopus Vilnensis, Sanctissimi Domini Nostri D. CLEMENTIS D. P. PAPÆ XI. Prælatus Domesticus, & Pontificij Solij Assistent.

Universo Clero tam Sæculari, quàm Regulari Diocesis Nostræ Vilnensis, in Urbe & extra reperibili, Nobis in Christo dilecto, salutem in Domino. Cum sit in proximo terminus Synodi Diocesanæ, quam juxta speciale convocationis nostræ edictum, feriâ 4tâ post Dominicam Sexagesimæ, hoc est, die tertiâ mensis Februarij Anni currentis, DEI annuente misericordiâ celebraturi sumus; ideò insistentes Cæremoniali Episcoporum, omnibus, & singulis, Parochorum, Concionatorum, & Verbi DEI Prædicatorum Officio fungentibus, in Virtute S. Obedientiæ, & sub &c. præcipimus, & mandamus, quatenus tribus Dominicis Synodum antecedentibus, incipiendo à Dominica prima post Epiphaniam, incidente in diem 10. Januarij, usq; ad Festum Purificationis Beatissimæ Virginis Mariæ inclusivè, in omnibus Ecclesijs tam Sæcularibus quàm Regularibus, cujuscunq; Ordinis, & Instituti, intra Missarum Solemnia ex suggestu, imminentem Synodum denuntient, populumq; universum ardentissimis suis exhortationibus ad orationes, jejunia, Sacramentum Pænitentiae, Sanctissimæ Eucharistiæ sumptionem, aliaq; pia opera, eo fine facienda, ut actio Synodalis, DEI favente gratiâ, felicem & fructuosum

PRIMA

9

sum fortiatur effectum, ferventer commoveant, & accendant. Ipſi verò Sacerdotes in Eccleſijs Parochialibus, præterquam, quòd Miſſam de Spiritu Sancto ſaltem unam, ſingulis his tribus ſeptimanis dicere requiruntur, etiam in quotidianis Miſſarum actionibus, addendo collectam de Spiritu S. pijs ſuſpirijs tam grande negotium, quod Divinæ conſili miſericordiæ aggredimur, Deo Optimo Maximo recommendent, quatenus per illud Civitas, & Dioceſis hæc, ſalutaribus noſtris admonitionibus erudita, fructus in Domino afferat uberiores. In Quorum Fidem &c: Datum in Arce noſtra Verkoviænſi die 4. menſis Ianuarij anno Domini 1717.

CONSTANTINUS Episcopus.

Loco Sigilli.

6. Vigore quarum in omnibus Eccleſijs denuntiata fuit & publicata dies Synodi; ipſaq; Synodus orationibus Fidelium per Concionatores, & Parochos commendata, ordinatis in eum finem ubiq; Miſſæ Sacrificijs de Spiritu Sancto, alijsq; orationibus, ac ſuffragijs.

7. Ultimâ Septimanâ Synodum antecedente, Hebdomadarij ſingulis diebus lectioni ex Martyrologio enuntiata in Prima, adjuſcebant ſequentem monitiunculam in cantu ejuſdem toni: **NOVERITIS FRATRES** chariſſimi, quòd annuente **DEI** miſericordia, feriâ 4tâ poſt Dominicam Sexageſimæ, die tertiâ Februarij ad ejuſdem **DEI** Omnipotentis, Beata Mariæ Virginis, Sancti Stanislai Martyris, & Pontificis, Aliorumq; Sanctorum huius Eccleſiæ Ant.ſtitum, & Patronorum laudem Iſœceſana Synodus habebitur. Pijs igitur precibus inſtate dilectiſſimi, ut Civi-

C

tas

tas, & Dicoesis hac, salutaribus Vitæ Christianæ institutis augeatur; & suffragantibus eorundem Sanctorum meritis, ex ijs uberriores fructus inales ferat in Domino, Cui est honor, & gloria in Secula Seculorum. Amen.

8. Pridie Synodi hoc est die 2. Febr: affixæ erant Valvis Ecclesiæ Cathedralis, & aliarum Schedulæ denuntiantes horam Synodi, crastinâ die inchoandæ, juxta tenorem inferius suo loco apponendum.

CAPUT II. De Officialibus Synodi Principa- libus.

9. **A**ctio Synodalis ut eò exactiore methodo institui, & expediri valeret, tēpestivè in ante-Synodalibus, consultationibus, Personis idoneis distributa sunt Officia varia: ex ipsa namq; Personarum multitudine consilio metuenda foret, nisi huic occurrisset malo, ea Officiorum distributio, quæ singulis, terminos suæ activitatis præscripisset. Porro Officia hujusmodi divisa fuerant in duas classes; Alia enim erant duraturæ ad sequentem Synodum, alia cum Synodo expiratura. Primæ Classis Officia erant *Judicum, Examinatorum, Tertium Synodaliū, & Pun-
dicatorum.* Quos ex nominatis ab Episcopo, tota Synodus approbare debuerat. Officia 2dæ Classis erant: *Promotoris, Secretarij, Notarij, Præfectorum Scrutiniij, & Hospitiorum, Ostiariorum, Iudicum querelarum:* quæ solus Illmus Loci Ordinarius de Consilio Consultorum, Personis idoneis contulit. Hæc rursus bifariam divisa. Alia enim Substantialia, & Principalia, alia minùs Principalia: uniuscujusq; obligationem breviter attingemus, & primò quidem Principaliū, tum aliorum.

§. I. mus

De Officio Promotoris

10. **I**pfius munus erat urgere actionem Synodalem pro emit-
tenda Professione fidei, pro Clero vocando, & Scrutinio ejusdem. pro electione Examinatorum, & Iudicum, pro Decretorum promulgatione, pro pœnis contra absentes, pro rogatu Notarij. Huic injunctum erat habere Formulas ordine conscriptas, & inclusas in libro aliquo decente, quibus uteretur, rem suam promovendo. *ad* ut incipiens loqui, & finito sermone præstaret reverentiam, & profundam Capitis inclinationem Illustrissimo Loci-Ordinario, nec prius recederet ex loco, donec ipsi responderetur ab eodem, & decretum ferretur.

§. II.

De Officio Secretarij.

11. **S**ecretario commissum erat totius actionis Synodalis magisterium, & Ministerium, ut scilicet & agenda in Synodo ordinaret, & Statuenda debito Ordine disposita, ad formam Decretorum reduceret, & singulorum Officiorum functiones, designatis pro unoquoq; Officio Personis exhiberet. Porro in particulari ipsius erant functiones, quæ sequuntur:

1^{mo} Ordinare lectionem Decretorum, juxta consilium Consultorum, & Congregationum ante-Synodaliū.

2^{do} legere ex suggestu decreta, tum Præliminaria, tum etiam approbanda à Synodo, quærereq; ex Clero per hæc verba *placetne vobis*, legere item Decreta SS. Concilij Tridentini de pro-

fessione fidei facienda, de Residentia, & electione Examinatorum, ac Iudicum Synodaliū. *Uc:*

3tio. Indicare, & limitare Sessionem juxta mandatum Episcopi.

4to. Vocare Clerum ad professionem faciendam Fidei. *Uc:*

5to. Curare publicationem Schedulingum pro Synodi inchoatione, Cleri instructione, Scrutiniū expeditio, Capellarum pro iisdem designatione.

6. Promulgare Officiales in Synodo, tempore, & loco ubi eos Episcopus promulgare mandaverit, de quibus tamen tacere debet, ante eorum publicationem.

7. Suggestere Episcopo, & revocare ea, quæ sunt agenda in ejus Palatio, antequam descendat pro Sessione.

8. Cantores, Musicos, capita orationis ordinare, Officialibus designatis, quatenus singuli ritè suas obeant functiones, modum, formam, & praxim præscribere, instructionem præbere. Ultimò deniq; satagere omni conatu, ut tota actio Synodalis exactissimè peragatur, adhibitis in eum finem Magistris Cæremoniārum, indiceq; pro qualibet Sessione connotato, quid, & quando Ipse, quidvè, & quando Alij omnes, agere debeant in singulis Sessionibus.

Propositum erat ut designandus pro Secretario sit Doctor in Jure vel Theologia, conformiter ad *Pontif. Romanum*, ubi lectio Decretorum committitur Archidiacono, qui secundum *Conc. Trid.* debet esse Doctor, & ita fieri decrevit Illissimus Loci-Ordinarius.

12. Concessa est ipsi mensa tapete tecta, ad sinistram Episcopi prope suggestum, in qua habere debuerat Catalogum Cleri bene ordinatum, catalogum Confessariorum, tabellas Processionis, scrutiniū, Capitum Orationis, Indicem agendorum in Sessione.

Acturo decreta præscriptum, ut ea acciperet ab Episcopo

PRIMA

13

cum debita reverentia; ut primum Decretum legeret stando, aperto capite de incepta Synodo, reliqua sedendo.

Permiffa eidem electio, & designatio Socij nominandi, *Le-
ctor Decretorum*, qui adjuvaret Secretarium in legendis Decretis, si plura fuerint, custodiret notata, & Acta Secretarij in mensa jacentia, dum Secretarius est in suggestu.

§. III.

De Officio Notarij

13. **H**ic erat designatus Cancellarius Diocesis, utpote in cujus manibus erant Acta, & Archivum: Officium ipsius erat,

1^{mo} ea, quæ agebantur in Synodo, connotare.

2^{dò} Dum rogaretur à Promotore de Instrumenti confectio-
ne, respondere, se facturum assumptis testibus aliquot ex Clero.

3^{tiò} Clerum Vocare ex eo loco, ubi desijt Secretarius.

4^{tò} Absentes notare.

5^{tò} Eorum qui Fidei Professionem in Synodo emiserunt Schedulas recipere, & in libro postea describere.

Locus ipsi assignatus erat ad mensam à sinistris Episcopi positam, una cum Secretario propè suggestum.

CAPUT 3tium.

De Officialib9 Synodi.

De Præfectis Disciplinæ Synodalis, & Scrutiniij.

14. **C**um ob temporis angustias, & Scrutandorum pluralitatem, Illmus Loci-Ordinarius singularum Ecclesiarum statum, & Cleri Personas perscrutari non valeret, ideo juxta usitatam praxim, exposuit Sacerdotes, ætate, prudentiâ, virâ exemplari, ac zelo Ecclesiastico excellentes, & conspicuos, pro dictis scrutinijs, in forma sibi danda expediendis.

15. Numerus eorum qualis erat, patebit ex annexenda suo loco Officialium tabella: locus pro Scrutinijs cuivis designatus, Capella certa in Ecclesia Cathedrali, tempus præfixum horis pomeridianis, dum vocabatur Clerus in Sessione Synodali: verum ob pluralitatem scrutandorum manè, & vespere extra Sessiones Synodales Præfecti continuabant in suis Residentijs scrutinia, secundum sequentem tabellam:

TABELLA Scrutiniij
Seu Instructio data Præfectis
Disciplinæ Clericalis, juxta quam expedita
sunt scrutinia.

16. Observata quædam.

1. **S**crutatores non prius se contulerunt ad executionem Commissi sibi Officij, donec in Synodo promulgatum fuit decretum de eo faciendo.

2. In singulis Capellis erat mensula tapete tecta, habens in se Imaginem Crucifixi, & hujusmodi tabellam.

3. Subibant Scrutinia singuli sigillatim juxta Catalogum distributionis à Secretario Scrutatori cuiq; datum, non verò bini, terni &c: propter vitandam confusionem.

4. Ex Scrutatoribus unus inquirebat, alter mox in folio justo cum marginib; annotabat, cujusq; comparentis nomen, cognomen, ætatem, baptismum, doctrinam, ordinem, Officium, & beneficium: describebat iterum graphicè cujusq; habitum, seu Vestitum, in quo quis erat, uti vestibus talaribus honestis indutus, superpelliceum, collaria habet munda, vel sordida, cingulum, Pileum, nigri, vel alterius coloris, tonsuram, capillos, an utitur baculo, annulo, & id genus &c:

17. In actu Scrutiniij inquirebat unus, alter annotabat

Sequentia, pro formali
Scrutinio necessaria.

1. **I**dem baptismi?

Formatas?

Approbationem?

Provisionem, seu titulum Ecclesiæ ad quam ordinatus, & an ei inservit? vel eam deseruit, & quare? ac ubi est nunc.

Rubricellam?

Breviarium?

2. **E**X Beneficiatis inquirebant:

Præsentationem ad Beneficium à quo? Institutionem?
Facultatem absolvendi à reservatis?

Epi-

Epistolam Pastoralem?

Oleorum Sacrorum hujus anni testimonium?

Indultum pro Ecclesia, si non est consecrata?

3. Introductionem, per quem peracta? & quis tradidit Ecclesiam in realem possessionem? Inventarium rerum Ecclesiasticarum, apparatus scilicet, & omnis suppellectilis cum subscriptione Introducentis?

Fundationem Beneficij? extractum authenticum? se u copias?

Dotationes, Legationes?

Quot Missæ debent dici ex obligatione?

Liber in quo scribuntur Missæ, ex vi obligationis impletæ, juxta Epistolam Pastoralem?

Summæ Widerkassales an sunt aliquæ?, & an in loco securo locatæ? utrum annuus currit census?

An Originalia data ad Archivum Perillustri Adm: Rado Dno: Cancellario Diocesano, Transumpta verò cum ejus subscriptione, & sigillo an apud se retineant?

4. De Ordine Officiorum Divinorum in Ecclesia, nimirum Matutinum, & Vesperæ diebus Dominicis, & Festis an decantantur in Ecclesia?

Missæ pro Parochianis cantata?

Et Concio an solet esse? quâ horâ?

Cathechismus, seu explanatio Doctrinæ Christianæ an instituitur singulis Dominicis, & quo tempore? & quare ita?

An recitatur cum populo vernaculâ lingvâ oratio Dominica? Salutatio Angelica? Symbolum, Præcepta Decalogi, & Ecclesiæ?

An Soleant esse aliquæ Processiones cum Venerabili? & quando? & cum cujus consensu?

5. An habeant connotatum statum, aut numerum animarum in sua Parochia, cum id requirat Concilium Tridentinum, ut noscat suas Oves Pastor?

An sciant Parochiani ea saltem, quæ sunt necessaria ad salutem necessitate medij, & unde hoc constar?

An

P R I M A

17

An horum ignorantia intellecta, ante confessionem illos primo instruunt, tum demum Confessiones audiunt?

An omnes Parochiani confessi in Paschate, & unde hoc constat?

An aliqui etiamnum reperiuntur non confessi, & qui sunt, & an moniti?

An sunt aliqui blasphemii, perjuri, Concubinarij, venefici? ad quos etiam alij recursum forte faciunt?

An Obstetrices sunt examinatz, & doctz baptizare in necessitate?

6to. In Parochia an reperiuntur aliquæ Ecclesiæ, & Domicilia Religiosorum, & an exercent curam animarum? cum cujus consensu? nonne cum Præjudicio Parochorum? Item quot sunt Personæ Religiosæ in singulis?

Nonne absolvunt Missas in ædibus privatis, & ubi? an est ibi Indultum? & à quo tempore?

Item inquirebant de Ruthenis tum Unitis, tum etiam Schismaticis, nonne celebrant in privatis ædibus apud Catholicos?

Quot sunt Synagogæ Iudæorum in Parochia, & quando extructæ, & cum cujus consensu? Quot iterum Molchæ Tartarorum? quot sunt Fana Hæreticorum?

Quot Christiani in obsequijs Iudæorum, Tartarorum, Hæreticorum? an solent esse in Ecclesia? an continentur?

An reperiuntur aliqua loca miraculosa, aut imagines, & quis eas approbavit?

Nonne aliquæ superstitiones scandalosæ, & nocivæ praticantur in Parochia, & quales?

7mo. Ipsi ubi resident? an ad Ecclesiam, an in Prædialiolo? & in quanta illud distantia ab Ecclesia, & quoties Ecclesiam in hebdomada accedunt?

8vo An habent Vicarios, & quos, vel quem nunc reliquerunt loco sui in Ecclesia?

9no Ecclesia hæc quando visitata, & à quo? & ubi Decretum reformationis? & an impletum?

10mò. An habet certos fines Parochia, seu limites?

11mò Prædia Beneficij nonne sunt alicui locata, arendata, & cum cujus consensu? qui si est, debet exhiberi. Item pro quali summa, pro quo tempore? cui? nonne est periculum alienationis?

Item ex supellestili Ecclesiastica nonne aliquid oppignorat-um? & à quo & cui? & in quo pretio? & ex qua ratione? & quo tempore id factum?

De Absentibus inquisiti sunt Decani, & proximiores Parochi in ordine ad dandam relationem de statu Ecclesiæ absentis.

Secundum hanc tabellam expedita sua scrutinia Præfecti in sequenti scribebant forma.

Nos infra scripti, discipline Clericalis Præf. Et, post publicatum in Synodo de instituendo per Nos scrutinio decretum; illud, DEI invocato nomine instituimus, & ejus adjutrice gratiâ peregrinamus iuxta porrectam à Synodi Secretario tabellam: tum præinsertâ tabellâ: de verbo ad verbum in folio iusto cum marginibus, annotabant per puncta singulorum de statu suarum Ecclesiarum informationem, in fine subcribebant nomina sua, cognomina &c: & reddebant Secretario,

S I I.

De Judicibus Querelarum

18. **A**udiendas esse in Synodo Querelas, certum est ex Pontificali Romano, sed quia hujusmodi audientia, si tempore actionis Synodalis fieri deberet, partibus quidem modicum adferret levamen, toti verò Synodo, in expediendis suis negotijs gravem faceretur difficultatem, ideò Illmus Dñs Antiquorum consuetudini insistens, eam extra actum rejiciens, maturioris Consilij Viros, prudentiâ, & juris-peritiâ commenda-
tos, ad audiendas, & præviâ discussione decidendas hujusmodi

Que-

Querelas deputavit: Qui nimirum sub directione sui Generalis Vicarij summario processu, servatâ tamen formâ juris, de plano universis recurrentibus, non modò jus dicerent, sed occurrentes controversias de Ordine sedendi, procedendi in Processionibus, citia præjudicium utriusq; partis componerent, & Supplices Libellos pro excusatione absentium examinandos post Synodum reciperent.

19. Iudiciorum hujusmodi Majestas, & Autoritas cò gravior apparebat, quo frequentior ea Prudentium virorum cingebat Ceror. 2. Perro Querelarum audientia fiebat in loco Iudiciorum solito, bis de die, matutino, & Vespertino tempore, Sessione Synodali non impedito, in qua nè Querulantium multitudo faceret confusionem, tantum erat, ut Querelæ ex registro præviâ citatione inscriptæ acclamarentur, Actaq; ac decisiones Iudicum in libro ad id specialiter præparato annotatæ conservarentur, & partibus legitimè extraderentur.

20. Audientiam hanc à Iudicijs Ordinarijs distinguebant sequentia.

1. In Ordinarijs Iudicijs causæ solenni processu, hic de plano terminabantur.

2. Ibi per Patronos, & Procuratores, hic si placuerat etiam per se ipsas partes controvertabant.

3. Ibi ferix certæ & dies Iudicii sub nullitate Processus instituti, hic absq; respectu feriarum, & dierum ex Synodi Privilegio semper discutebantur, & concludebantur Querelæ.

4. Ibi solus Iudicis non Assessorum sententia jura dabat: hic votorum pluralitas concludebat.

5. In ijs appellatio interponi non potuit, nisi ad superiorem Episcopi, hic ad ipsum Episcopum.

6. In ijs dilationes plures adinventæ, hic tantum tres concessæ, nimirum *Patronus*, si quis eum habere voluit, *Copie documentorum*, & *formalis partium audientia* cum subsekvuta in instanti decisione.

7. Ad illa omnes Episcopo subiecti, huc soli Clerici, qui ad Synodum venire tenebantur, tametsi a Laicis aditari poterant.

§ III.

De Procuratore Cleri.

21. **P**Ræter Querelas, cum soleant in Synodo tractari, & resolvi multa particularia negotia secum convenientia, ne eadem Propositiones à pluribus cum temporis dispendio repeterentur sine fructu, ideò pro singulis quatuor Decanatibus designatus erat Vir certus, ingenij facilitate, & Iudicij maturitate comendatus, qui singulorum petita in unum supplicem libellum generaliter redacta, nomine omnium in Synodo proponeret, peteretq; resolutionem.

22. Ad eos recurrerant omnes ex designatis cuiq; Decanatibus, suum aut suæ Ecclesiæ, vel Parochianorum interesse proponentes, & illi Recurrentium onera gratis, & benevolè suscipiendo, nomine suorum Clientum in Synodo agebant, & resolutionem ab Episcopo per Secretarium recipiebant.

23. Porro petita sua, & propositiones dabant Procuratores in scriptis cum debita reverentia, & brevissima rei expressione, Episcopo, qui mox, vel in altera Sessione ob negotij gravitatem, singulis per suum Secretarium itidem in scriptis respondebat.

§ IV.

De Magistris Cæremoniarum

24. **H**is commissâ fuit attendentia omnium, & singulorum Rituum, ac Cæremoniarum totius actionis Synodalis tam ante, quam post inchoatam Synodum contingentium.

Eju-

Ejusmodi erant: Publicatio Synodi in festo Epiphaniz, Ordo Processionum ad præscriptum Secretarij, Habitus Cleri, Ordo item standi, flectendi, sedendi, reverentiam exhibendi, Missæ Synodalis, & in ea totius Cleri incensandi, communicandi cura, & vigilantia, Officialium informatio juxta puncta data à Secretario, verbo, eorum omnium quæ insinuata sunt, & mox insinuabuntur promptissima executio &c:

S V.

De Ostiarijs & Præfectis Hospitiorum.

25. **O**stiarijs commissa erat imò Exclusio Laicorum Ex Ecclesia, paulò antequàm inchoaretur Sessio. 2dò Admonitio eorum, qui forte de Clero tempore actionis Synodalis vagarentur per Ecclesiam, & inutilibus distraherentur confabulationibus. 3tiò Occlusio Portarum, & Ianuarum Ecclesiæ tempore Sessionum, & tandem tertia die post finita omnia, populo pro Gratiarum actione confluenti, apertio.

26. Præfectis Hospitiorum injunctum fuit imò habere Catalogum totius Cleri pro Synodo confluentis, de eorumq; scire Hospitijs. 2dò. Notationes Hospitiorum à Decanis recipere, & apud se ordinatè descriptas tenere, ut sciatur, ubi singuli quærendi pro varijs negotijs. 3tiò. Visitare subinde eorum hospitia, observando, utrum modestè se gerant, an non computationibus indulgent, &c: aliàs fraternè admonitos, si viderint contumaces, Præfectis Scrutiniij, aut Vicario Generali deferre. 4tò. Deniq; præstare id non modò per se, sed etiam per adlectos sibi idoneos Commiñstros in hoc Officio onus relevaturos.

De Reliquis Officialibus Synodi.

27. **O**Economus, ut moris est, licet fuit designatus Magister Curie Episcopalis, nihilominus ad solvendum Synodaticum speciali lege nemo obligabatur, nisi, qui, & quantum volebat, contributionem hujusmodi pro libitu suo faciebat.

28. Electi quoque erant ante Synodum Candidati pro variis Officiis ad sequentem Synodum duraturi: nimirum; Examinatores, Judices, Testes Synodales, Censores Librorum, Punctatores, & ceteri, suo loco per Synodum approbandi, de quibus ibidem dicitur à numero 84.

C A P U T 4tum,
De ijs, quæ immediatè Synodum antecedeabant.

§ I.

*Instructionem Cleri de methodo Synodali
complectens.*

29. **A**D congressus Synodales, ut omnes, & singuli, qui ijs de jure, vel consuetudine interesse tenebantur, instructiores accederent, sequentium præmonitionum Tabellæ de mandato suæ Celsitudinis, ad vaivas Ecclesiæ Cathedralis, & Episcopalis Palatii, tempestivè erant publicatæ in his punctis.

30. Imò Meminerint omnes, & singuli ad Synodum accessuri

P R I M A

23

furi, pridie illius, aut ipso die summo mane, antequam inchoetur actio Synodalis, expiandam esse conscientiam per Confessionem Sacramentalem, coram aliquo ex Confessarijs Synodalibus, specialiter ad id designatis, & publicatis instituendam.

2dò. Confessione peractâ nullus debet communicare privatim, nec Presbyteri Missas habere, sed communicabunt omnes ex manibus Illustrissimæ Domini in Missâ Solemnî, ad initium Synodi habenda de Spiritu Sancto, & quidem Clerici in superpelliceis, Presbyteri verò stolas rubei coloris habentes.

3tiò. Die prima Synodi, id est tertiâ Februarij conveniunt omnes tempestivè horâ septimâ matutinâ ad Palatium Episcopale, vestibus talaribus induti, habentes secum superpellicea munda, Parochi insuper stolas, Decani verò etiam Pluvialia, si fieri potest, Coloris rubei, quibus postea parabuntur ad Processionem ex Palatio ad Ecclesiam Cathedralē instituendam. Personæ Cathedralē habebunt sua propria insignia.

4tò. Qui post obtenta beneficia Professionem Fidei in nulla Synodo emiserunt, habeant secum schedulas, cum descriptione nominis sui in ijs, cognominis, tituli, & Decanatus, cui qui subijcitur, quas Professione emissâ, tradent Notario Synodi.

5tò. Habeant secum Breviaria, & in ijs signatum imò. Canticum *Benedictus*: Hymnum, *Gaude Mater Polonia*: in Processione 2dò. Psalmum: *Salvum me fac DEVS*, pro prima, & 3tia die, & *DEVS venerunt gentes* pro 2da die. 3tiò. Hymnum *Veni Creator Spiritus* pro omnibus diebus cantandum.

6tò. In Processione bini æquè procedent, certum inter se spatium servantēs, Decanus solus in medio.

7mò. Tempore actionis Synodalis sine attentissimi ijs, quæ dicuntur, leguntur, aguntur, in summo silentio, ab omnibus confabulationibus, & perturbationibus rei Synodalis omnino abstinentes.

8vò. Ubi vocabitur Clerus, nominatim respondeat unusquisq;

vocatus: *Adsum*, & præstet obedientiam, & reverentiam Illustrissimo Domino, prout docebuntur à Magistris cæremoniarum, quorum ordinationem tam in Processionibus, quàm confessu, genu-flexionibus &c: ad amussim exequantur.

9^{mò}. Si aliqui habuerint querelas, noverint eas non in ipsa Synodo, sed coram Judicib9 ad id specialiter deputatis. horâ per affixionem schedulæ in Palatio Episcopali evulgandâ, esse proponendas, per se ipsos, vel etiam Procuratores, summario tamen processu, licet servatâ formâ Iudicij. Eidem Iudicio Libelli supplices absentium, & excusationum examinandi post Synodum committuntur.

10^{mò}. Quodsi aliqui suum interesse ad ipsam Synodum habuerint, illud Synodi Procuratoribus exponent, qui nomine Cleri confectis libellis, petitiones, & desideria singulorum, tempore actionis Synodalis Illustrissimo Domino explicabunt.

11^{mò}. Hospitia sua si non simul, saltem non longè distantia à suo Decano habeant, & mox ei suum hospitium significant: Decanus verò descripta suorum Comparochorum hospitia, & suum, Præfecto Hospitiorum deferet, ut sciatur, ubi quis querendus.

12 In hospitij9, & incedentes per plateas, omnem modestiam, & gravitatem observent, à compotationibus abstineant, sub feram noctem domo non exeant, verbò, in omnibus se ipsos præbeant exemplum bonorum operum in doctrina, in integritate, ut is qui ex adverso est vereatur, nihil habens malum dicere de nobis.

13 Decani si qui maturius præ alijs ad urbem se contulerint, cæremonias Synodales à Magistris cæremoniarum addiscere satagant, easq; intellectas, suis etiam Comparochis communicent, ut omnes in re passim non obviâ instructiores reperiantur.

14 Triduo ipsius Synodi, horis pomeridianis, sciant instituendum scrutinium singulorum coram deputatis ad id Præfectis. Pro quo ferant secum ad Ecclesiam Cathedralem, vel ubi examinabuntur, Rubricellam, Breviarium, Schedulam Vice-Custodis

Cathe.

Cathedralis de Oleis sacris hoc anno receptis. Formatas, Institutionem, approbationem, Indultum pro Ecclesia si non est consecrata, Epistolam Pastoralem, Fundationem, & Inventarium nitidè descriptum, & in Folio justo cum marginibus, & hæc omnia exhibeant Præfctis disciplinæ Ecclesiasticæ, seu scrutinij.

15. Circa finem Sessionis nemo à suo loco discedat, nisi post abitum à suo Sessionali loco Illustrissimi Domini, exhibunt autem ex Ecclesia non raptim, & turbulenter, sed gravi, decoroq; incessu, nec ex urbe præsumant discedere, nisi eadem Synodo dimissâ, & absolutâ, idq; si coram Præfctis scrutinij in examine comparuerunt, aliàs etiam post Synodi conclusionem absq; hujusmodi examine abire prohibentur.

16. Meminerint interim omnes usum baculi, & annulorum sibi prohibitum esse sub amissione eorum, & alijs pænis in contravenientes arbitrio ejusdem Illustrissimi designandis &c.

S. I I.

Ordinem Processionum ad initium, & in fine Synodi expeditarum insinuans.

31. **D**Uæ Processiones in Synodo sunt expeditæ, ad initium pro deductione Illustrissimi Episcopi ex Palatio ad Ecclesiam Cathedralem prima, Altera pro ejusdem post Synodi conclusionem reductione ad idem Palatium. Utriusq; ordo in tabellis descriptus, & unâ cum Cleri instructione ad valvas affixus, hic erat observatus.

32. Prodromus erat universo Clero unus ex Magistris Cæremoniarum superpelliceo indutus cum Virga solita. Hunc se-

quebatur Clericus cum Cruce Cathedrali lignea, associatus hinc inde à duobus Clericis Ductoribus, pluviabilibus rubri Colbris indutis, baculos, seu clavas Cathedrales ferentibus: succedebant imò Clerici minorum Ordinum. 2dò. Subdiaconi, 3tiò. Diaconi: 4tò. Presbyteri non beneficiati. 5tò. Altaristæ eo ordine, qui Parochis erat præscriptus, omnes superpelliceis. albis induti. Quem ordinem secutus alter Cæremoniarum Magister, in simili quo primus ornatu habens superintendentiam in hac parte Cleri.

33. Secundus ordo erat Parochorum, & Commendariorum, seu commendatas Ecclesias habentium, qui superpelliceis, & stolis rubei coloris induti, secundum ordinem Decanatum bini, & bini servantes inter se duorum pedum spatium processerunt hoc modo: 1mò. Decanatus Knyszynensis. 2dò. Augustoviensis, 3tiò. Bobruyscensis, 4tò. Radoszkowiensis. 5tò. Minscensis. 6tò. Orsensis 7mò. Witebscensis. 8vò. Wolkovyscensis 9nò. Režanensis 10. Slonimensis. 11. Novogrodensis. 12. Polocensis. 13. Olwitenfis. 14. Caunensis. 15. Grodnensis. 16. Siemnensis. 17. Trocensis. 18. Braclaviensis. 19. Kupiscensis. 20. Radunensis 21. Svirensis. 22. Oszmianensis. 23. Poboyscensis. 24. Vilnensis, singuli cum suis Decanis supra stolam, & superpellicem pluviabilibus rubri coloris indutis. Hos sequebantur superiores Collegiatarum, Canonicorum Regularium cum Mucetis, & Rochettis ex singulari concessione suæ Celsitudinis pro hac sola vice, & post eos Cæremoniarum Magister

34. Tertium Ordinem anteivit Clericus Seminarij, deferens insigne Nominis Mariæ, hunc sequebantur Vicarij Ecclesiæ Cathedralis in suis Dalmutijs, sine ijs, sed cum stola AA. RR. DD. Pænitentarius, qui & Vice Custos, ac Contionator Cathedralis, Prothonotarij Apostolici, Hospites Prælati ex alijs Dioccesibus, Præpositi & Abbates Insulati cum Insulis. Hoc loco deferiebantur quatuor Insulæ pretiosæ per quatuor Sacerdotes Pluviabilibus indutos, in fine hujus Ordinis, primus, & principalis Cæremoniarum Magister.

35. Ante ultimum V. Capituli Ordinem præferebatur Crux argentea associata duobus hinc inde Ceroferarijs, quam subsequuti Perillustres Reverendissimi AA. RR. DD. 1. Archidiaconus Albæ Russiæ cum Cancellario Diocesano. 2dò. Canonici. 3tò. Prælati Ecclesiæ Cathedralis cappis Romanis seu togis induti. 4to. Illustrissimi tam Senatores quam Episcopi Suffraganei, quisq; suo loco, tandem ipse Illustrissimus Dominus Loci Ordinarius Vilnensis in Cappa, & bihetto, medius inter Diaconum, & Subdiaconum Dalmaticis rubei coloris paratos. Immediatè post eum ex Clero unus portabat Mitram à Dextris, alter baculum à sinistris, Capellanus togam sublevabat.

36. Comitabantur Illustrissimum pro Custodia Corporis Cives Vilnensis jurisdictioni temporali suæ Cellitudinis subiecti cum Vexillo expanso. Processione durante decantabatur Canticum *Benedictus*, ut in laudibus: *Psal: Confitebor tibi Domine*: ut in Vesperis Dominicæ, Hymnus *Gaude Mater Polonia* ex Vesperis D. Stanislai.

§. I I I.

De ijs quæ agebantur
pridie Synodi.

37. **U**ltimâ die Synodum præcedente, Ecclesia Cathedralis ornata usq; ad valvas aulæis, columnæ propiores Altari, peristromatibus pretiosioribus, pavementum frondibus, Altaria Tobaleis mundis, & candelarum Reliquiarumq; in arcu-
lis argenteis pulchro ordine collocatis varietate, Valvæ, Ianua, imò Porticus ramis, & frondibus virentibus decorata cernebantur. Ad dextram valvarum partem in tapete pendeat charta continens nomina, cognomina Officialium Synodaliū post eo-

rum in ima Sessione Promulgationem affixa, ad alteram itidem in tapete Ordo Processionis, instructio Cleri.

38. Pendebant ibidem & aliæ schedulæ horam Synodi inchoandæ denuntiantes, Confessarios tam ex Clero, quàm ex omnibus Religionibus designatos, viros discretos, & prudentes, Sanctitate, ac doctrinâ illustres continentes, quibus data erat facultas absolvendi ab omnibus reservatis universos, & solos ad Synodum confluentes, non alios, duratura ad decursum ante, & post expeditam Synodum unius septimanæ.

39. Præparata quoq; erat pro Illustrissimo Episcopo in Ecclesia triplex sedes, Prima in throno Ordinario ad cornu Evangelij, in qua semper sumebat paramenta, dum Pontificaliter celebraret. 2da ante infimum gradum in Faldistorio. 3tia deniq; in ipso plano Altaris, ubi sedebat tempore actionis Synodalis.

40. A dextris, & sinistris Illustrissimi Episcopi disposita cernebantur in semicirculum sedilia ab Altari ad stalla Canonico- rum, in quibus sessuri erant Illustrissimi Insulati, Dignitates, & Canonici. Post ea, præparatæ erant duæ mensulæ Tapetibus tectæ, una à dextris pro Vicario Generali ad deponenda in ea Decreta, altera à sinistris pro Secretario, Notario Synodi, Actisq; eorum. Ad hanc alteram mensam constitutus fuit suggestus, tum pro sermonibus in Synodo habendis, tum pro Decretorum lectione, Officialium promulgatione, alijsq; negotijs publicandis. In loco ab Altari remotiore erat mensula parva pro Oeconomo præparata, ubi ipse tempore vocationis Cleri pro more assideret, si forte aliquis vellet juxta Canonicam dispositionem aliquid offerre in honorem Cathedræ.

41. Pridie Synodi potissimum sub noctem præcedentem pulabantur campanæ, tam in Cathedrali quàm etiam alijs Ecclesijs totius Urbis festivo sonitu, imitantibus idem suâ sponte Dis- unitis.

Post Vesperas de die, ante Synodum, quibus aderat Illustris-
sime.

simus. Loci-Ordinarius, & Completorium: celebratum pariter fuit matutinum, & laudes sequentis diei, ut ejus functionibus majus temporis spatium remaneret.

PARS SECUNDA

De Ordine Sessionum Synodaliū.

SESSIO PRIMA

Quæ fuit die 3. Februarij. anno Domini 1717.

42. **H**Orâ per Schedulas affixas designatâ, expeditis suis Confessionibus convenit. universus Clerus ad Palatium Episcopale, ex quo omnes superpelliceis mundis, Parochi insuper stolis, Decani uerò etiam Pluvialibus, quantum fieri poterat. rubri Coloris induti, unâ cum Clero Seminarij, Cathedrali, Canonicis, ac Prælati, omnes supplicantes, psallentesq; processionali ritu deduxerunt Illustrissimum Dominum Loci-Ordinarium suum ad Ecclesiam Cathedralem, Ordine supra expresso, pulsantibus continuò in omnibus Ecclesijs campanis, & musicâ resonante:

43. In porta Ecclesiæ sumpsit aquam benedictam Illustrissimus, quâ se, & alios aspersit, tum ante majus Altare procumbens supra Faldistorium ante infimum gradum oravit aliquantum, deinde surgens factâ Cruci reverentiâ ivit ad thronum, ubi depositâ Cappâ sumpsit paramenta rubei Coloris pro Missâ solemnâ de Spiritu S. dicenda cum *Gloria, & Credo*. Similiter &

Canonici pro assistentia Illustrissimo exhibenda parabantur Dalmaticis ejusdem Coloris, interim Nona decantabatur.

44. In Missâ nulla fuit commemoratio dier: in ea incensabatur totus Clerus, & communionem de manibus sui Pastoris sumpsit, Presbyteri habebant stolas rubei coloris, dum communicabant.

45. In fine Missæ benedictio non erat data, sed reservata ad finem Sessionis, post quam Illustrissimus Dominus, exutus in sede vestibus Sacris usq; ad tunicellam inclusivè, accepit Pluviale rubri coloris, Canonicis Dalmaticas retinentibus, ut in Missâ.

46. Facto silentio, Diaconus stans à dextra Episcopi, facie versâ ad Clerum cantavit *Orate*, in tono *levate* mox omnibus genu flexis, & aliquantum Illustrissimus itidem à throno ad Altare, ante infimum gradum progressus, ibidemq; procumbens supra Faldistorium, depositâ Mitrâ, inchoavit Antiphonam *Exaudi nos*, Vicarijs Ecclesiæ Cathedralis prosequentibus: quâ finitâ, surrexit, & sedit in Faldistorio, facie versâ ad populum, surgente quoq; & confidente Universo Clero decantabatur Psalmus *Salvum me fac DEVS* per choros alternatim.

Psalmo finito, & repetitâ Antiphonâ surrexerunt omnes cum Illustrissimo, qui depositâ mitrâ conversus ad Altare recitavit Orationem: *Adsumus Domine* & secundam ut in Pontificali, stantibus omnibus usq; ad finem Orationis secundæ, tum cum Episcopo procumbente ad Faldistorium assumptâ Mitrâ, omnes genuflexi cantabant Litanias, intonantibus Vicarijs Cathedralibus, Clero respondente.

Ubi ventum fuit ad verba ut *Omnibus Fidelibus &c.* surgens sum Mitra, & baculo, Clero genu flectenti benedixit, & iterum procubuit ad finem Litaniarum.

47. Post Litanias Surgentibus omnibus Episcopus depositâ Mitrâ stans in loco suo versus Altare dixit: *Oremus* Diac: *Flectamus genua* Subdiac: *Levate. Da quasumus.* Tum processit ad Sedem sibi paratam, in mediò Altaris in plano ejus, ibidemq; bene-

S E C U N D A

31

benedixit incensum, & mox benedictionem dedit Diacono, more solito, uti in Missa pro cantando Evangelio. Qui accepta benedictione comitatus à duobus Acolythis cum candelis, accedens ad dexteram Episcopi in plano Altaris, Subdiacono librum tenente, cantavit Evangelium prout in Pontificali, Subdiaconus detulit librum Episcopo osculandum, quem etiam assistens Presbyter Prælatus stantem, & baculum in manibus tenentem, incensavit.

48. His peractis Episcopus depositâ mitrâ genuflexus versus Altare incepit Hymnum *Veni Creator* prosequentibus omnibus, post decantatos 4. Versus surrexit, pariter omnes cum Episcopo surgentes stabant ad finem Hymni. Ostiarij interim exclusis laicis januas occluserunt. Post finitum hymnum, confidentibus omnibus, incepit Illustrissimus Episcopus cum Mitra allocutionem Cleri *VENERABILES FRATRES*, quam ultra explanavit proprio sermone infra apponendo. Quo expleto, Vicarius Generalis, comitatus à Cæremoniario detulit, cum solitis reverentijs, ad Illustrissimum Episcopum Decreta SS. Concilii Trid: & Decreta Præliminaria, quæ accepta Illustrissimus mox tradidit Secretario leganda, quibus ille reverenter susceptis ascendit ad suggestum & stans, aperto capite legit.

D E C R E T U M I.

De Synodi inchoatione.

49. **I**N nomine Sanctissimæ & individue Trinitatis Patris, & Filij, & Spiritûs S. Ad DEI Omnipotentis laudem, & gloriam Beatissimæ semper Virginis DEI Matris singularem cultum, Beatorum Petri & Pauli Apostolorum, nec non Sanctorum Stanislai Martyris, & Pontificis, Ladislai, & Casimiri Confessorum, ac aliorum
San-

Sanctorum hujus inclytæ Ecclesiæ nostræ Cathedralis Patronorum Venerationem, Nos Constantinus Casimirus Brzostowski, DEI, & Apostolicæ sedis Gratia Episcopus Vilnensis, Sanctissimi Domini Nostri Clementis D. P. Papæ XI. Prælati Domesticus, & Pontificij Solij Assistent &c: in præsentia, assistentia, & de consilio Venerabilis Capituli Nostri in termino hodierno post multiplicem indicationem nostram longè antepremissam, & legitimè publicatam incidente, Synodum Diocesanam DEI nomine invocato feliciter inchoamus, & inchoatam esse denunciamus. Faxint superi precibus Virginis Beatissimæ, & eorundem Sanctorum, ut quemadmodum speramus ex hoc Sacro cætu Spiritûs S. illuminatricem gratiam ad Officia nostra secundum voluntatem DEI, peragenda reportemus.

Finito primo Decreto legit Decreta ulteriora lecto capite.

DECRETUM II.

De præjudicio non inferendo.

50. **S**I cuipiam in hac Synodo sedere, incederè, vocari, aut quid aliud agere præter suæ dignitatis gradum, & conditionem contigerit, nemini propterea novum jus acquisitum fuisse decernimus, sed omnia in eo statu, in quo erant ante Synodi inchoationem firma remanere declaramus.

DE-

D E C R E T U M I I I.

De modo vivendi tempore
Synodi.

51. **C**UM non modò lege Divinâ, & Canonicâ, verùm etiam, naturali rationis lumine, ad rectum populi regimen, necessarium est exemplum, bonorum Operum, in Ecclesiasticis, nec solùm quo ad externam speciem, si in intimis plùs, quàm laicè diffueremus, quod esset hypocrisis, sed etiam internum, conservando conscientie candorem; idèò Clerum nostrum hic præsentem Paternè adhortamur, & per viscera misericordie DEI nostri obsecramus, ut hoc vel maxime tempore durantis Synodi in conversatione, & charitate Laicis hominibus præluceat Omni Virtutum splendore, ut videant omnes opera ejus bona, & glorificent Patrem nostrum qui in cælis est. Observantes tabellam disciplinæ Synodalis ad valvas publicatæ.

Hoc loco legitur tabellam Instructionis Cleri à numero 4to ad finem

D E C R E T U M I V:

De Oratione publica.

52. **Q**Uoniam antiqua praxi, & consuetudine habetur introductum in Synodali conventu Orationem fieri, idèò in omnibus precibus maxime in Sacrosanctis Missarum Officijs orandum edicimus pro Sanctissimo Domino

nostro Clemente XI. totoq; Collegio Cardinalium, pro Serenissimo Rege Augusto, pro constanti perpetuoq; Cleri, populiq; hujus Dioecesis profectu, ac Salutari præsentis Synodi successu, pro pace Regni, & Statuum Reipublicæ concordia, ac tranquillitate, ut omnes quæ publicæ quæ privatæ totius Ecclesiæ, ac Patriæ nostræ necessitates, ex Suffragijs Orationis nostræ emolumentum reportent.

DECRETUM V.

De Officialibus Synodi.

53. **S**ynodus hæc Sancta, quatenus exactius, & cum majori fructu peragi valeret, Officia illius in sequentes Personas distribuimus, adhortantes unumquemq; in Domino, ut in designatis sibi, præsertim Scrutinijs functionibus omne Studium, & diligentiam adhiberent.

OFFICIALES SYNODI

Promotor.

Perillustris A. R. D. IOANNES DĄBROWSKI, Auditor curiæ Illustrissimi Domini nostri Loci Ordinarij.

Secretarius.

Perillustris A. R. D. ALEXANDER ZEBROWSKI, S. Th: & I. V. Doctor Archidiaconus Albæ Ruffiæ.

NO-

Notarius Synodi.

Perillusttris A. R. D. IOANNES BYCHOWIEC,
Cancellarius Diœcesis Vilnensis.

Magister Cæremoniarum.

Illusttris A. R. D. PETRUS SCHENFELTT,
Canonicus Smolenscensis Magister cæremoniarum Ec-
clesiæ, Præpositus Ecclesiæ Sanctissimæ Trinitatis.

Præfecti Scrutiniij,

Sen disciplinæ Ecclesiasticæ erant Perillustres
Admodum Reverendi Domini Canonici Vilnenses,
quorum unicuiq; commissum erat Scrutinium qua-
tuor Decanatum: & pro relevando eorum labore
fuerunt additi ad singulos ex Clero tum Urbano
tum Foraneo tres Personæ, vitâ, moribus, & re-
rum peritiâ, commendatæ, Qui singulorum Scruti-
nia in justum redacta volumen, juxta præscriptum
Tabellæ Scrutiniij, suæ Celsitudini exhibuerunt.

Judices Querelarum.

Perillusttris Reverendissimus Dominus GEOR-
GIUS ANCUTA, I. U. Doctor Canonicus, & Offi-
cialis Generalis Vilnensis.

Perillusttris A. R. D. FRANCISCUS GIECE-
WICZ Canonicus Vilnensis.

Perillustriſ A. R. D. ADAMVS KIELPINSKI,
Canonicus Vilnenſis.

Perilluſtris A. R. D. IOANNES BYCHOWIEC,
Cancellarius Dioceſanus.

Perilluſtris A. R. D. ALEXANDER ZEBROW.
SKI, S. Th: & I. U. Doctor Archidiaconus Albæ
Ruſſiæ.

Illuſtris A. R. D. IOSEPHVS PUZYNA, S. Th.
Licentiatus, Canonicus Smolenscenſis, Parochus U-
cianenſis.

Procurator Cleri.

Illuſtris A. R. D. MATTHIAS EYGIRD Deca-
mus, & Parochus Poboyſcenſis.

OEconomus.

Magnificus Dominus IACOBVS WOLSKI Pro-
theſaurarius Nowogrodenſis, Mareschalcus Curia
Illuſtriſſimi Loci-Ordinarij.

Oſtiarij.

A. R. D. FRANCISCVS GAYDAMOWSKI, Vi-
carius Vilnenſis ad Eccleſiam Parochialem S. Io-
annis.

A. R. D. ADAMVS WYSOGIERD, Parochus
Lawariſcenſis.

54. **D**Um vocarentur Officiales, singuli respondebant.
Adsum; factâq; reverentiâ Illustrissimo Episcopo
 in medio, occupabat quilibet locum suum: Secretarius verò,
 finito hoc Decreto, descendit de suggestu, & unâ cum Pro-
 motore accessit ad Illustrissimum Episcopum. Promotor ini-
 stitit pro Fidei Professione in hæc verba: legens ex Schedu-
 la in libro suo contenta.

Illustrissime ac Reverendissime Domine.

*Statuit Sacrosancta Tridentina Synodus, ut quicunq; beneficia
 Ecclesiastica obtinent, & Synodo adesse tenentur, quò primum tem-
 pore hæc habebitur, eiq; interfuerint, Fidei professionem emittant
 prout illud Tridentina constitutione expressum est. Ideò Ego Io-
 annes Dabrowski, Auditor Curie sue Celsitudinis, hujus Syno-
 di Promotor, humiliter peto, illam constitutionem legi, & ad præ-
 scriptum ab ijs, qui tenentur, omnia & singula præstari.*

*Responsum dedit Illustrissimus Episcopus, decernimus ita fieri.
 Mox ei factâ reverentiâ recesserunt, Promotor ad locum suum, Se-
 cretarius ad suggestum, in quo recto capite legit.*

D E C R E T U M VI.

De Professione Fidei faciendâ.

55. **S**ancitum est in Sacrosancto Concilio Tridentino, ut qui-
 cunq; Beneficia Ecclesiastica obtinebunt qui item ad Diœ-
 cesanâ Synodum convenire debent, omnes in ipsa Synodo, ad quam
 primò convenient, Professionem Fidei emittant. Verba Conc: Trid:
 hæc sunt Sessione 25. cap: 2. quod caput legit usq; ad finem.
 Subjunxit tandem finitâ lectione.

Procedant in medium omnes, & singuli, tam Persona Reverendissimi Capituli, quam ex Clero universi, qui post obtenta Ecclesiastica beneficia in nulla Synodo Professionem Fidei emiserunt, & genuflexi in medio ante Illustrissimum Dominum, Fidem unà mecum profiteantur.

Mox Ipse descendit de suggestu, & genuflexus cum omnibus alijs, prælegente sibi ex Pontificali Romano Professionem Fidei uno ex lectoribus, eandem Professionem omnes simul emiserunt, & in fine primò Prælati, & Canonici, tum Clerus Cathedralis, deniq; universi beneficiati bini, terni, quaterni ad Illustrissimum Episcopum accedentes, jurarunt super expositis Evangelijs ante thronum, in hæc Verba: *Ego idem N: N: Spondeo &c.* Redeuntes interim à loco juramenti reddebant singuli Notario Synodali Schedulas, nomina sua, cognomina, beneficiorum titulos &c: continentes, ut libro inscriberentur, & occuparunt sua loca, ubi quisq; sedit, ante Professionem.

56. Secretarius de suggestu indixit continuationem Sessionis, fore post Completorium, in hæc verba:

Illustrissimus, Excellentissimus, ac Reverendissimus Dominus Loci Ordinarius indicit continuationem hujus Sessionis fore hodie post-Completorium, in qua vocabuntur omnes ex Catalogo, & Scrutinium fiet à Praefectis, pro quo ut omnes parati, & cum debitis requisitis juxta instructionem ad valvas affixam, & immediate lectam convenirent ad Ecclesiam Cathedralē, injunxit: Iudicia Quæclarum fundabuntur in Palatio Episcopali a prandijs hora secundâ.

Post denuntiationem descendit de suggestu, & Promotor accersito Notario, institit contra Contumaciam absentium his Verbia.

Illu-

Illustrissime ac Reverendissime Domine.

57. **C**um jam dies tertia mensis Februarij anni curren-
tis venerit, quâ omnes, & singuli Ecclesiastici Ordinis
homines, in hac Diœcesi Vilnensi reperibiles, ad præscriptum legiti-
mè moniti, Synodo huic jam præsentès adesse debent, nec tamen buc-
usq; comparuerunt, aut sua non comparitionis per Procuratorem,
justam rationem attulerunt, ideò pro mei muneris Officio Ego Io-
annes Dabrowski, &c: Promotor Synodi, eorum Contumaciam ac-
cusò, simulq; in isto apud suam Celsitudinem, quatenus contra illos
Citationem Valvis hujus Ecclesiæ Cathedralis affigi, & cum iisdem,
tanquàm inobedientibus agi jubeat, prout juris est, & Sacrorum
Canonum ratio postulat.

58. His dictis, & accepto responso Illustrissimi Domini
conversus ad Notarium dixit. Ego qui supra &c: Promotor, ro-
go te Perillustrem Admodum Reverendum Dominum IOAN-
NEM BTCHOWIEC, Cancellarium Diœcesis Vilnensis, &
Notarium Synodi, ut de Omnibus, & singulis in hac Sessione peractis,
unum, aut plura conficias Instrumenta. Respondente Notario:
Conficiam assumptis testibus &c: recessit ad suum locum.

59. Ianuis apertis, exiit Illustrissimus Episcopus Pont-
ficalia, cappam induit, dataq; manu tantum benedictione Cle-
ro, nam Solemniter benedicturus erat in fine Sessionis, ac
factâ brevi oratione in Faldistorio, recessit, assistente sibi Cle-
ro Cathedralis Ecclesiæ, cæteris ad propria hospitia abeunti-
bus. Mox singulis Capellis affixæ cernebantur tabellæ di-
tributionis Cleri pro Scrutinio peragendo.

Con-

Continuatio primæ Sessionis horis pomeridianis

60. **P**ost Vesperas, & Completorium Illustrissimus Dominus Cappâ indutus à suo Capitulo absq; associatione totius Cleri, deductus ad Ecclesiam Cathedralem, oravit de more ante SS. Sacramentum, & ante majus Altare apud sedem suam accepit amictum, stolam, Pluviale, Mitram, & baculum, tum descendit ad sedem Synodalem, Canonicis ut manè paratis.

Diaconus assistens à dextris cantavit *Orate* & omnes genu flexi pro Oratione: post modicum spatium surgens Episcopus recitavit orationem: *Adsummus* tum confidentib9 omnibus. Promotor instituit pro Clero vocando, Scrutinio peragendo &c: his verbis.

Illustrissime ac Reverendissime Domine.

61. *Sancitum est Concilij Generalibus, & præcipuè Tridentino quod omnes Ecclesiastici Viri, qui jure, vel consuetudine, Synodo Diocesana interesse debent, si negligentes fuerint, penas Sacris Canonibus sancitas incurrant, quamobrem eos omnes ex suggestu vocari publicè, & successivè Cathedralicum jure Diocesano debitum persolveri, tum Scrutinium à Præfatis à sua Celsitudine ad id munus designatis, Sapienter institutum haberi, humiliter peto.*

Facto mandato, Secretarius de suggestu legit.

DECRETUM VIII.

De

De Clero vocando, Synodatico Solvendo.

63. **V**Ocatio Cleri à Pontificali Romano præscripta, ut commodiùs peragi valeat, insistentes praxi aliarum Synodorum, hodie eam inchoari mandamus, revocantes in memoriam eam obligationem, quam tradit idem Pontificali, ut vocati assurgentes modestâ voce respondeant: *Adsum*, & debitam Episcopis exhibeant reverentiam. Beneficiati verò redeuntes à Nobis, accedant ad Oeconomum nostrum, & secundùm jura Canonica Synodaticum exolvant.

D E C R E T U M IX.

De Scrutinio peragendo.

64. **S**crutinium Synodale sancta consuetudine introductum à Patribus, tempore Vocationis Cleri, à Præfectis ad hujusmodi Officium designatis, institui decernimus, hoc est: dum alij vocantur, vocatorum, & eorum Decanatum qui hodie vocari non poterunt, fiat Scrutinium in Capellis hujus Ecclesiæ, per schedulas affixas, distributis; ad quas quàmprimùm Perillustres Admodùm Reverendi Domini Canonici, expletâ suâ vocatione accesserint, Illustres Admodùm Reverendi Domini, Decani ex ordine suo unumquemq; submittent.

65. Præfecti itaq; Scrutiniij Synodalis, pro sua quisq; timorata, religiosaq; conscientia, in veritate, & justitia Scrutinium agent, præscriptum tabellæ editæ ad unguem observabunt, curabuntq; aptè, & distinctè connotare, quæ reper-

rint, & rebus à se notatis unusquisq; ex Scrutatoribus subfrabet, testimoniumq; brevissimum peracti Scrutini, singulis extradet.

66. Ijdem audito pulsu campanulæ sacristiæ, mox ad propria loca redibunt, Scrutinia intermissa post completam benedictionem, in iisdem Capellis, vel etiam in propria Residentia, continuabunt.

67. Qui ad Scrutinia non accesserint, perinde punientur, ac ij, qui ad hanc Synodum nullâ causâ legitimè invitati, venire neglexerunt,

Publicato Decreto Scrutini.

Scrutatores maximè ij, quibus assignata fuit ultima pars Cleri, uti Decanatus Knyszynensis, Augustoviensis, Bobruyscensis, Radolzkowiensis &c: Scrutandi, accesserunt ad Capellas, & ibi juxta tabellas sibi datas à Secretario, instituerunt examen, seu Scrutinium.

68. Secretarius verò incepit Vocationem Cleri ex libro ad id specialiter præparato, vocando ex suggestu imò. Illustrissimos Episcopos, & Reverendissimum Capitulum Cathedrale. 2dò. Perillustres Abbates, & Præpositos Insulatos. 3tò Clerum Cathedralem 4tò. Clerum Urbanum. 5tò deniq; Clerum foraneum, incipiendo à Decanatu Vilnensi &c.

69. Secretario vocante Clerum, Notarius Synodi in Catalogo notavit calamo absentes. Unusquisq; vocatus respondit clarâ voce: *Ajsum*, & Illustrissimo exhibuit debitam reverentiam.

70. Oeconomus ad mensam, remotiori in loco ab Illustrissimo Episcopo sedens, recipiebat Synodatum, si quis illud contribuit; & notavit solventes in libro suo.

71. Vocatione Cleri ob pluralitatem vocandorum in Crastinum limitatâ, datum erat signum campanulæ Sacristiæ, ut

relieto Scrutinio redirent omnes ad sua loca.

Facto silentio, Secretarius ex suggestu indixit pro sequente die Officium mortuorum his verbis.

DECRETUM X. De Officio Mortuorum.

72. **N**E Defunctorum etiam in Domino, Fratrum nostrorum, omnem videamur deposuisse curam; ideò pro Sacerdotibus, & Clericis, qui post ultimam Synodum obierunt, solemnem fieri commemorationem, crastinâ die volumus, pro quibus, ut singuli Presbyteri Missam numero uno, in Missali positam cum Oratione: **DEUS** qui inter Aplicos Sacerdotes &c. absolvant, disponimus, & mandamus.

Deinde Sessionem secundam denuntiavit.

DECRETUM XI. De Sessione secunda

73. **D**Ecernimus quoq; & indicimus Sessionem sequentem crastinâ die fore, tempore matutino horâ 7mâ, pro qua, ut omnes, audito pulu Campanæ majoris, ad Ecclesiam Cathedralem conveniant, præmonemus.

Promotor 2dò institit contra contumaces absentes, & pro rogitu Notarij modo supra expresso a numero 57.

Præfectus Cantûs stans in suo loco ad cornu Evangelij cantavit: *Orate*, tum Illustrissimo Episcopo, & alijs omnibus

genuflexis ad orandum; proposuit capita orationis mentalis in tenore sequenti.

I.

74. **ORATE** Fratres charissimi, & corporibus prostrati, mentes ad calum erigite, suppliciter deprecantes, ut **DEVS**, & Dominus noster veniam peccatorum concedat, errata & delicta, quæ in Clericali disciplina, & Officijs Sacerdotalibus, multipliciter commisimus, condonet.

Psalm: Confitebor tibi Domine in toto corde meo. 110.

II.

75. **ORATE** sine intermissione Patrem misericordiarum, & **DEVM** totius Consolationis, quem esse in medio Nostri piè credimus, ut nobis Spiritus S. dona largiri dignetur, quatenus ejus gratiâ adjuti, dignè ambulantes voce rione nostra, quâ vocati sumus, Sacramenta ritè administremus, verbum **DEI** fructuosè prædicemus, animas sollicitè curemus, religiosè vivamus, in patientia possideamus animas nostras.

Psalm: Deus misereatur nostri. 66.

III.

76. **ORATE** pro Ecclesia Sancta **DEI**, toto orbe terrarum diffusæ, ut **DEVS**, & Dominus noster eam custodire, & gubernare dignetur, una cum Famulo suo Papa nostro Clemente, totius Cardinalium Collegio, ac universo Spirituali statu.

Psalm: **DEUS** in nomine tuo Salvum me fac. 53.

77. Incipiebat quodlibet caput quo ad tonum per notas **Fa, mi, re, Fa fa, vg: Fratres charissimi &c:** terminabat per **Fa, re.** In fine orationis, manente Clero genibus flexis, Episcopus surgens de more, benedixit eidem solemniter sine Indulgentiis

S E C U N D A

45

tamen. Recessit ex Ecclesia Cathedrali cum Cappa: ex Clero alij ad sua hospitia, alij ad continuationem Scrutiniorum, alij ad iudicia Quærelarum, post Sessionem limitatam, se contulerunt.

Finis Sessionis Primæ.

S E S S I O I I.

78. Die 4ta Februarij, summo mand dato signo campanæ, convenit Clerus ad Ecclesiam Cathedralē, ubi cantatus erat Officij Defunctorum unus Nocturnus, ob temporis brevitatem, tempore ejus, privata Missa De Requiem, cum unica oratione: *DEVS qui inter Apostolicos*, Epistolā, & Evangelio, ut in Missali ima Missa (Gav: pag: 50. num 2.) celebrabatur continuè.

79. Descendit Illustrissimus Cappā indutus, ad Ecclesiam Cathedralē, assistente sibi VV. Capitulo, cum solitis, aspersione, & oratione mentali, ante majus Altare.

80. Cantata fuit Missa ab Illustrissimo pro Defunctis cum unica Oratione, ut dictum immediatè, in qua observabantur omnia, ut in Missali & Cæremoniali.

81. Finita Missa, instituta est Processio Generalis pro defunctis, ut in Commemoratione Omnium Fidelium Defunctorum, cum solitis, incensatione, & aspersione; Illustrissimus Episcopus tunc indutus erat amictu, albā, Stola, & Pluviali coloris violacei cum Mitra.

In Processione processit Reverendissimum Capitulum, Vicarij & soli Decani, ceteris manentibus in suo loco, ob angustias loci. Post Processionem facta est de more absolutio in loco solito.

Subdiaconus tenebat crucem, & Acolithi candelabra ad caput panni contra Episcopum; Interim à choro cantabatur Respon-

itorium: *Libera me*, & reliqua (uti asperſio, & incenſatio) executioni mandata de more. *Oratio: DEVS qui inter Apoſtolicos.* Tum duo Vicarij Eccleſiæ Cathedralis cantârunt. *Requieſcant in pace: & amotus pannus.*

82. His peractis Illuſtriſſimus Episcopus mutavit paramenta: aſſumendo ea in colore rubro. Canonici item ut heri Dalmaticis pariter coloris rubri parati fuerunt, tum cum baculo aſcendit ad fal-diſtorium, juxta inferiorem gradum ſibi paratum, ut heri annotatum.

Diaconus cantavit *Orate*, & genu ſectentibus omnibus, Illuſtriſſimus Episcopus incepit genuflexus Antiphonam, præintonnante ſibi uno ex Vicarijs Cathedralibus, *Propitius eſto ſine Mitra: quâ finitâ ſurrexerunt omnes, & ſedentes teſto capite, cantârunt Pſalmum: DEVS Venerunt Gentes &c: alternatim uſq; ad repetitionem Antiphonæ incluſivè.*

83. Poſt Antiphonam repetitam, Illuſtriſſimus Episcopus depoſitâ Mitrâ ſurgens, & ſtans verſus Altare, dixit: *Oremus: Miniſtri: ſectamus genua, levate. DEVS qui nos ut in Pontific: &c: dictâ hac Oratione, ut heri, aſcendit ad planum Altaris, ad locum ſibi præparatum, & ibi ſedens, benedixit incenſum, & Diaconum, ibiq; ante ſedem ſtabat tenens baculum, dum cantabatur Evangelium, & oſculatus eſt librum à Subdiacono porrectum, & incenſatus à Prælato, ut heri, tum genuflexus incepit: Veni Creator ut heri. Poſt decantatos, 4. Verſus, ſurrexit cum omnibus, & ſtetit uſq; ad Concluſionem, interim Oſtarij excluſerunt Laicos ex Eccleſia, & januas occluſerunt, ut heri.*

Hymno dicto, Illuſtriſſimus ſedens cum Mitrâ, allocutus eſt Clerum: *Venerabiles &c: ut in Pontific: & habitus eſt ſermo per Vicarium Generalem.*

84. Quo expleto, inſtitit Promotor pro Electione Examinatorum, Iudicum, & Teſtium Synodaliū in hæc verba:

S E C U N D A

47

Illustrissime ac Reverendissime Domine.

Sacrofanctum Concilium Tridentinum inherendo Constitutionib9 Bonifacij VIII. decrevit, ut, cum Diocesana Synodus celebratur, sex ad minus ab Episcopo, vel ejus Vicario, Examinatores nominarentur, quorum tres ab Episcopo eligendi simul cum Eodem ad Ecclesias Parochiales Promovendorum, Examen instituant. Mandavit amplius, eligi, Quibus dignitate aliqua, Personatu, aut Cathedralis Ecclesie Canonatu fulgentibus, præter locorum Ordinarios, causa Ecclesiastica, & Spirituales ad forum Ecclesiasticum spectantes per Apostolica sedis Literas, aut Legatos committi possint: sicut etiam viri probatæ vitæ, juxta Sacrorum Canonum præscriptum in Testes Synodales admittendi sunt: quapropter Ego hujus Synodi Promotor, humiliter peto, ut à Celsitudine Vestra proponantur ij, quos ad prædicta peragenda possit hæc Sancta Synodus designare.

85. Mediante decreto suæ Celsitudinis, Secretarius ascendens suggestum, legit primò constitutiones Sacrosancti Concilij Tridentini Session: 25. de refor: Cap: 10. § Quoniam ob malitosum, & Bonifacij VIII. ex Corpore Juris de re scriptis in 6to incipit Statutum De Judicibus Synodalibus: Subjungens: Ut igitur jussu illius Decreta executioni mandentur, deputamus pro Locis Synodalibus, quibus causæ à S. Sede Apostolica, vel ejus Nuntiatura delegabuntur judicandæ sequentes Personas, quæ sequuntur.

JUDICES SYNODALES.

86. Illustrissimus Reverendissimus Dominus ALEXANDER HORAIN, Episcopus Smolenscensis, &c.

Nuntius

natus Samogitiensis, Archidiaconus Prælatus Vilnensis.

Illustrissimus Reverendissimus Dominus MATHIAS ANCUTA, Episcopus Minsopolitanus, Nominatus, Coadjutor, Suffraganeus, Custos Prælatus Vilnesis, Referendarius M. D. L.

Illustrissimus Reverendissimus Dominus CAROLUS PANCERZYNSKI, Episcopus Hieropolitanus Suffraganeus Albæ Russiæ, Cantor Prælatus Vilnensis, Notarius M. D. L.

Perillustris Reverendissimus Dominus BOGUSLAVUS CORVINUS Gosiewski, Decanus Prælatus Vilnensis.

Perillustris A. R. D. CHRISTOPHORUS BIAŁOZOR, I. V. Doctor, Canonicus Vilnensis.

Illustrissimus Reverendissimus Dominus LUDOVICUS OGINSKI, Nominatus Episcopus Smolenscensis, Canonicus Vilnensis.

Perillustris Reverendissimus Dominus GEORGIUS ANCUTA, I. V. Doctor, Canonicus, & Officialis Generalis Vilnensis.

Perillustris A. R. Dominus ALEXANDER ZEBROWSKI, S. Th. & I. V. Doctor, Archidiaconus Albæ Russiæ.

Illustris A. R. Dominus IOANNES TOL-

SCIKIEWICZ Canonicus Smolenscensis Protonotarius Apostolicus, Parochus Vilnensis.

87. Post Eorum Nominationem quærens ex Clero: *Placent ne Vobis?* qui respondit, *Eos sibi placere.* Tum legit ulterius ex Sess: 24. de reform: Cap: 18. Concilij Trid: Paragraphum: *Examinatores &c:* subjurgens: *Hujusmodi igitur Sanctionibus obsequentes, proponimus Vobis Viros, pietate ac doctrinâ præstantes, qui examinatorum Officio fungantur, quoad altera Synodus habebitur.*

Examinatores Synodales

88. Perillusttris Reverendissimus Dominus GEORGIUS CASIMIRUS ANCUTA, I. V. Doctor Canonicus & Officialis Generalis Vilnensis.

Perillusttris A. R. D. IOANNES BYCHOWIEC, Cancellarius Diæcesarus.

Perillusttris A. R. D. ALEXANDER ZEBROWSKI S. Th: & I. V. Doctor Archidiaconus Albæ Ruffiæ.

A. R. P. PETRUS PUZYNA, Soc: IESU Theologus noster.

Illusttris A. R. D. PIETRUS PROCEWICZ S. Theol: Doctor Canonicus Regularis Lateranensis,

A. R. P. IACOBUS CIBULNI, Præpositus A. M. S. Domus Vilnensis.

A. R. P. PLACIDUS KNIECZON Ordinis Prædicatorum.

Publicatione completâ, quæſivit: *Placentne vobis?* & reſpondit Clerus: *Placent:* Subdidit deniq; .

De Testibus Synodalibus.

DECRETUM XII.

89. **V**etus est consuetudo legitimè introducta, ut in singulis Dioceſanis Synodis certæ Perſonæ, vitâ & moribus graves, ac probatæ virtutis delegerentur, quæ ſeculò invigilarent, & animadverterent: an aliquid in Vrbe, vel Dioceſi fit, quod corrigi, emendarivè debeat, ac ſi quid tale cognoscerent, ut Nobis, vel Vicario nostro Generali, cum ſumma integritate deferrent ac ſignificarent.

Nè igitur hoc Sanctum inſtitutum in noſtra Dioceſi omittatur, pro hoc Officio in ſingulis Decanatibus Illuſtres A. RR. DD. Decanos designamus, & deputamus.

90. Poſt lectionem Subjungens: *Placentne hoc Vobis?* Reſpondente Clero: *Placet,* Primus Prælatuſ ſtolâ ſupra Rochetum & pluviali rubri coloris indutus, præcedente Magiſtro Cæremoniarum, comitantibuſvè quatuor Clericis cum intortitijs æcenſis, detulit Sacras Reliquias D. Stanislai Epiſcopi & Martyris ex Sacriſtia ad Illuſtriſſimum; qui aſurgens cum Clero apprehendit illas utraq; manu, deponendoq; in gremio conſedit cum Mitra, Et Secretariuſ ex ſuggeſtu vocavit Illuſtres Adm. RR. DD. Decanos ad præſtandum Iuramentum dicens: *Prodeant in medium Illuſtres Adm. RR. DD. Decani omnes, & genuflexi præſtent iuramentum, ſe fideliter adimplendo ſuo Officio, juxta diſpoſitionem juris Canonici*

nici, ut videre est apud Pirrhing tit: 24. de Officio Archiepiscopi lib: 1: N. 12. pag: 508. Mox Illustres A. R. R. DD. Decani prodeuntes in medium, ibidem q; flexis genibus, præstiterunt juramentum in formula sequenti, quam prælegit unus ex lectoribus Decretorum.

Forma juramenti Decanorum.

91. **E**GO N. N. spondeo ac juro, quòd nullum Confratrem Parochum, aut quumvis Beneficiatum, vel Eorum Vicarium, sive quozis titulo Presbyterum, aut Clericum, penes quamvis Ecclesiam in meo Decanatu existentem, ex odio, aut aliquo malo pretextu, ac colore quesito, sed ex charitate, & necessitate correctionis, ac debito Officij Decanalis exigente, ad te Illustrissimum & Reverendissimum Episcopum, aut Vestra Celsitudinis Officium deferam. Tum quòd derelicta post intestatos Parochos & quozis Clericos fideliter conscribam, & conscripta intactè restituam, ad quem de jure non immutabo res meas, aut alienas pro rebus melioribus defuncti intestati ponendo, neq; miki quidquam ex derelictis usurpabo, aut alteri dabo, sine expressa licentia Illustrissimæ Celsitudinis Vestrae. Item quòd ultimas voluntates Parochorum non infringam, neq; suppressam, imò contra suppressores agam, & illos propalabo, Item quòd sæpius visitabo annexas miki ex vi Officij Decanalis, Parochias, earum Personas: Decreta & ordinationes ab Illustrissima Celsitudine Vra aut à Visitatoribus juxta in Visitatione Generali, pro statu meliori, & regimine Ecclesiarum factas, aut faciendas, fideliter exequar.

De Vita & moribus prædictarum Personarum, & de alijs excessibus inquiram, ut Vestra Celsitudini aut Officio juxta ut gratias excessuum postulaverit, puniendas deferam, Convocationis Do-

canales instituam singulis annis, ordinationem S. Concilij Trid: & Vra Celſitudinis fideliter exequar, ſic me DEVS ajuvet, & hæc SS. DEI Reliquia.

Juramento expleto tetigerunt ſinguli Reliquias SS. & occupârunt loca ſua, ubi quiſq; ſedit at Reliquiæ SS. eodem modo & ordine delatæ ſunt ad Sacriſtiam, quo fuerant allatæ.

92. Examinatores declarati & acceptati, quia non omnes præſentes hîc & nunc adfuerant, ideo, ex mandato Illuſtriſſimi Episcopi ijs injunctum eſt, ut privatim coram ſua Celſitudine juramentum ad præſcriptum SS. Concilij Tridentini præſtarent.

Tunc Promotor inſtitit pro legendis Decretis in Synodo his verbis.

Illuſtriſſime ac Reverendiſſime Domine.

CAvit Sacrum Concilium Tridentinum, ut quedam Decreta nominatim de reſidentia, in ſingulis Synodis relegerentur, quare, ut unicuiq; facile ſit exequi, quod exequendum eſt,

Ego NN. Promotor Synodi ſuppliciter inſto, ut quæ Celſitudo Veſtra pro recta hujus Eccleſiæ gubernatione, aut jam Sancita renovare, aut noviter ſancire judicaverit, unâ cum Decretis de Reſidentia promulgari iubeat, unâ Clerus hîc præſens omnium obſervantiam, & in ſe recipere valeat, & præbere.

Et Illuſtriſſimus Episcopus delata ſibi à Vicario Generali Decreta reddidit legenda Secretario: Qui ijs cum reverentia acceptis, aſcendit iterum ſuggeſtum, & legit imò. Decreta ex Conc: Trident: Seſſ: 6. Cap: 1. Eadem Sacroſancta & infra: Omnes Patriarchalibus &c: Item Seſſ: 23 Cap:

1. de refor: *Cum præcepto Divino: & infra: Nè verò ea de Residentia: Tum Constitutiones in præfente Synodo enuntiandas & publicandas ad locum sibi delignatum, juxta ordinationem Illustrissimi Domini.*

93. Horâ competente Secretarius de Mandato suæ Celsitudinis indixit Continuationem Sessionis tempore Pomeridiano futuram: & alia omnia expedita sunt per Promotorem & Notarium Synodi uti annotatum à numero 56. ad n: 59.

Continuatio secundæ Sessionis horis pomeridianis.

94. **P**ost audientiam Querelarum, per Judices designatos, in Palatio Episcopali expeditam, descendit Illustrissimus Episcopus cum suo Capitulo ad Ecclesiam Cathedralem, in qua, peractis ijs, quæ juxta hesternam annotationem à n: 60. ad 61. adimpleri debebant, Promotor institit, pro Continuatione heri intermissorum, in tenore sequenti.

Illustrissime ac Reverendissime Domine.

Quoniam hesternâ die ob temporis angustias Vocatio Cleri, ejusdemq; Scrutinia compleri non poterant, Ideoq; Ego NN, hujus Synodi Promotor, instanter peto suam Celsitudinem, quatenus ea, quæ sunt feliciter cæpta, continuentur, nè aliàs opus remaneat imperfectum.

95. Illustrissimus Episcopus delatorum sibi à Vicario Generali Decretorum mandavit Continuationem.

Secretarius acceptis ijs reverenter, ut heri, ascendit suggestum

legens aliquantum: tum resumpsit vocationem Cleri à Decanatu Wilkomiriensi, & continuavit ad Stoninensem: interim, ubi incepit vocatio, mox Præfetti Scrutiniij, conferentes se ad Capellas designatas, reassumpserunt Scrutinia, maximè eorum Decanatum, qui heri erant vocati, continuantes illa, usq; dum campanulâ Sacrificiæ signum daretur.

96. Dato signo, convenientibus omnibus, Secretarius Indixit Sessionem 3tiam, promotor institit pro Contumacia Absentium & pro rogatu Notarij ut supra, à n: 57: tum Præfetus cantûs proposuit, ut heri à n: 73. tria Capita Orationis in tenore sequenti.

I.

97. **O**RATE Fratres charissimi DEVM Patrem omnipotentem, ut respiciat in faciem Christi sui, ac ejus intuitu meritorum, super Familiam suam, pro qua idem Dominus noster non dubitavit manibus tradi nocentium, & Crucis subire tormentum, respicere dignetur.

Psalm: 83. Quàm dilecta tabernacula tua

II.

ORATE Filium DEI Unigenitum Dominum messis hujus, ut mitiat operarios in messem, viros secundum cor suum, non quærentes quæ sua sunt; sed quæ ejusdem IESV Christi.

Psalm: 22. Dominus regit me & nihil mihi deerit.

III.

ORATE Spiritum Sanctum Dominum & Virificantem, ut ignem sui amoris in cordibus nostris accendat; quantum gratiam per impositionem manuum Presbyteri acceptam, nunquam extinguamus, sed eam cæteris communicantes, verbo & exemplo, cunctis lucere possimus ad salutem & vitam eternam.

Psalm. 31. Beati quorum remissæ sunt iniquitates.

Ora.

98. **O**rationem subsecuta est benedictio solennis Episcopi ut heri.

Post secundam Sessionem Præfecti Scrutinij convenientes ad Palatium Episcopale, factâ secum collatione, retulerunt Illustrissimo Episcopo, in præsentia Vicarij Generalis, & Secretarij, ea; per quæ communius peccatur contra disciplinam Clericalem, ideoq; interpositæ sunt aliquæ Constitutiones, publicandæ eo fine, ut huic malo, ante Synodi dimissionem consuleretur.

Finis Sessionis secundæ.

S E S S I O I I I.

99. **H**orâ designatâ, audito pulsu Campanæ majoris, congregatus est Clerus ad Ecclesiam Cathedralem, descendente mox ad eam Illustrissimo Episcopo, cum solitis aspersione & oratione, ante. V. Sacramentum

Tempore nonæ lectæ, sumpsit apud sedem Paramenta in colore albo, & celebravit Missam de SS. *Trinitate* cum addita *Oratione pro gratiarum actione* sub duplici clausula, in qua incensatus est totus Clerus, ut in prima Missâ, sine benedictione tamen in fine, utpotè dilatâ ad finem Sessionis.

100. Missâ finitâ mutavit Colorem album in rubrum, & cum Diacono, ac subdiacono in dalmaticis ejusdem Coloris, invitante ad Orationem Diacono, per verbum decantatum: *ORATE*, accessit ad Altare, & ibi depositâ Mitrâ procumbens in Faldistorio ante infimum gradum, incepit Antiph: *EXAUDI*, prosequentibus Vicarijs Cathed: usq; ad finem, tum sedit versus ad Clerum, & expleta sunt omnia, ut heri n: 83. annotatum, exceptis Orationibus, quæ erant propriæ pro Sessione 3. in Pontific: Sermonem habuit Perillustris A. R. D. Iacobus Szczuka, Canonicus Vilenensis, Præpositus Grodnenensis.

101. Immediatè post sermonem, Promotor institit pro lectione eorum, quæ supererant, his verbis.

Illustrissime ac Reverendissime Domine.

Cum neq; in præcedenti Sessione, etsi longiore, Decreta omnia hujus Synodi legi & publicari potuerint; Ideò Ego N N. hujus Synodi Promotor instanter rogo suam Celsitudinem, quatenus, antequàm Synodus dimittatur, omnia & singula, quæ desiderantur, adimpleri valeant.

Et Illustrissimus Episcopus, delatas sibi à Vicario Generali Constitutiones, traxit secretario ad legendum usq; ad finem; quas & legit ex suggestu.

102. Completâ lectione, Procuratores Cleri, præmisso brevi accessu, exposuerunt illius delideria, porrectis eo fine supplicitis libellis Illustrissimo Episcopo, & Secretarius ex mandato suæ Celsitudinis indixit Continuationem Sessionis à prandijs, rejecto ad eum terminum Procuratoribus Responsio.

Reliqua expedita juxta annotationem à n: 5. 6. ad 59.

Continuatio Sessionis 3tiæ horis pomeridianis.

103. **I**mmediatè post prandium audiebantur Querelæ in Palatio Episcopali per Judices designatos in forma superius expressa n: 18 & seq; tum horâ competente descendit Illustrissimus Episcopus ad Ecclesiam Cathedralē in Assistentia Cleri Cathedralis, accedendo ad continuationem Sessionis modo supra expresso n: 60. & 61.

S E C U N D A

53

104. Promotor institit pro vocatione reliquorum Decanatum, & vocavit eos Secretarius usq; ad finem Catalogi, absentes per Notarium notati: interim Scrutinia in Capellis continuabantur. Secretarius verò expedita vocatione aperuit sensum Illustrissimi Episcopi, & fecit declarationem ac resolutionem super propositionibus, ab universo Clero per suos Procuratores in supplicibus libellis porrectis: quibus omnibus ritè peractis, institit Promotor pro Synodi Conclusionem his verbis.

Illustrissime ac Reverendissime Domine.

105. *Cum omnia, & singula, quæ in hac Synodo agenda, & tractanda erant, cum DEI gratia ad optatum finem perducta sunt, idè Ego NN: hujus Synodi Promotor, demissè suam Celsitudinem rogo, ut ipsam Synodum concludere, & cum benedictione dimittere velit.*

Secretarius de mandato suæ Celsitudinis legit Decretum de Synodi Conclusionem in hac forma.

D E C R E T U M XIII.

AD Fortunatum Synodi Dioecesanæ finem, **DEO** **AO:** M: adjuvante, pervenimus, quapropter eam, cum gratiarum actione Divinæ Bonitati, concludendam esse decernimus, prout concludimus, & conclusam enuntiamus.

106. Promotor institit ultimò pro rogatu Notarij hoc modo.

Illustrissime ac Reverendissime Domine.

UT eorum, quæ Divinâ favente clementiâ, in hac Vilnensi Synodo sub felicissimis auspicijs suæ Celsitudinis, ad Omnipotentis DEI gloriam, animarumq; salutem, acta

acta sunt, legitimum testimonium in omne tempus habeatur; Ego NN: hujus Synodi Promotor, humiliter insto mandari Perillustri A. R. Domino Ioanni Bychowicz, Cancellario Diocesis, Notario Synodi; ut unum, vel plura, publicum, & solemne de his Synodalibus actionibus, prout moris est, instrumentum conficiat.

107. Pronuntians Illustrissimus Episcopus: *decernimus ita fieri.* Respondente Notario se facturum: incepit allocationem Cleri circa decretorum observantiam ex Pontif: *Fratres dilectissimi* explanando illam proprio sermone ut infra, quo completo Ostiarij aperuerunt portas Ecclesiæ: & decantatum est *Te DEVM* laudamus pulsantibus campanis, in omnibus Ecclesijs totius Urbis, omisâ tandem processione circa ambitum Ecclesiæ, obâeris tempestatem, incepit Illustrissimus Pontifex orationem ex Pontific: Romano Stans: Capite aperto: *Nulla est Conditio.* Præfectus verò Cantûs, dalmaticâ rubri coloris indutus proposuit tria Capita orationis ut nudius tertius n: 73. & heri:

I.

ORATE *Fratres Charissimi pro Serenissimo Rege nostro Augusto, Pro Principibus, Senatoribus, & Universo Populo Regni hujus, ac subjectarum ei Provinciarum; ut cum pace & salute communi, manus suam unanimes exequantur, recta semper sentiant, & operentur; Ecclesiæ Defensores se præsentent, & vitam sempiternam mereantur.*

Psalm: 116. Laudate Dominum omnes gentes

II.

ORATE *& pro Illustrissimo Antistite Nostro Constantino, ut Divino Spiritu illustratus & roboratus, unâ cum Venerabili Capitulo, ac universo Clero, & Populo sibi Commisso æterna beatitudinis præmia consequatur.*

Psal

S E C U N D A

55

Psalm: 132. Ecce nunc benedicite Dominum omnes servi Domini

III.

ORATE toto cordis affectu pro afflicto statu Regni nostri, ut DEVS & Dominus avertat à nobis Imminentia pericula, hostiles compescat insultus, Orthodoxam conservet Fidem, peccata eliminet, augeat devotionem, concedat abundantiam fructuum terræ, ad eorum felicitatem.

Cant: Nunc dimittis servum tuum Domine Luc: 2.

108. Secretarius ascendens suggestum legit.

D E C R E T U M XIV.

De Synodi dimissione.

AD DEI Omnipotentis laudem & Gloriam, Beatissimæ semper Virginis DEI Genitricis Mariæ, singularem Cultum, Beatorum Petri & Pauli Apostolorum, nec non SS. Stanislai Martyris & Pontificis, Ladislai, & Casimiri Confessorum, ac aliorum Sanctorum & Sanctarum, hujus inclytæ Ecclesiæ Nostræ Cathedralis Patronorum venerationem, Synodum præsentem feliciter peractam, dimittendam decernimus, ac propterea cuiq; qui Scrutinia sua peregit, & vocationi præsens aderat, eundum esse ad proprias Ecclesias, post dictum *Nobis Vale* in Palatio, denuntiamus: Adhortando interim Fraternitates vestras, ut tales vos præbeatis in ministerio vestro, quales maximè decet Sacerdoti, ab omni mundanorum cura segregato; illudq; maximè cùm rediëritis præstandum erit, ut populus omnis, vos, ab hac Synodo non mediocrem fructum reportât.

tâsse intelligat: id fiet, si novo Spiritûs S. lumine illustrati, quæ magna Synodorum est vis ac virtus, cæteris in omni opere vrõ, in posterum præluere studueritis, & in omni parte Officij vestri omnem diligentiam adhibueritis.

Quodsi aliqui hodiè Scrutinium non expediêrint antequàm illud absolvant, hactenus non discedant: pro quo tempus post conclusionem designatum hodiernum vespertinum, & dies crastina integra.

Iudicia querelarum immediatè post deductionem Illustrissimi D. ad Palatium instituentur, quæ etiam crastinâ die ad causarum inscriptionum conclusionem durabunt.

109. Omnibus tandem genuflexis Illustrissimus Episcopus dedit solennem benedictionem, tam Clero, quàm Populo; disponente ad eam uno ex Prælati per verba: *humiliate vos ad benedictionem* & attingente baculum Pastoralem. Hoc loco publicatæ sunt Indulgentiæ 40. Dierum.

Diaconus cantavit: *Recedamus in pace*; Respondit Clerus, *in Nomine Cbristi*, & pulsata Organa cum varij generis Musica in choro præparata, similiter & campanæ in omnibus Ecclesijs.

110. Illustrissimus Episcopus depositis paramentis, ac factâ oratione ante Altare majus, reductus est à toto Clero ad Palatium, eo Ordine, quo prima fuerat Processio, & in eodem habitu, in quò primâ die ad Ecclesiam descenderat; scilicet Capâ indutus.

111. Ingressus Palatium, ascendit supremum gradum ante Portam Curix, confidens ibi in Faldistorio, super tapete, versus Clerum, ordine per Decanatus stantem, audivit gratiarum actionem, & simul valedictoriam per unum ex Clero habitam, tum omnes & singulos per Decanatus excepit ad Osculum Pacis.

Finis Sessionis Ultimæ.

PARS



PARS TERTIA

Decreta & Sanctiones Synodales
Complectens.

CONSTANTINUS CASIMIRUS
BRZOSTOWSKI.

DEI & Apostolicæ sedis Gratiâ Episcopus Vilmensis, Sanctissimi Domini Nostri Domini Clementis Divinâ Providentiâ Papæ XI. Prælatus Domesticus, & Pontificij solij Assistens.

112. **C**Um experientiâ constet, multitudine legum indies subnascentium, obrui memoriam, hebetari observantiam, & contemptum, atq; oblivionem earum induci: nè Sanctissimæ quoq; Sanctiones, & Decreta hujus nostræ Synodi, in subversionem potius disciplinæ Ecclesiasticæ ipsâ cedant copiâ, quàm in renovationem; brevibus comprehendere statuimus, quod in longævam posteritatis observantiam cupimus transmittere.

113. Inprimis ergo, nè jam Sancita iterum cum fastidio repetamus legentium; Epistolam nostram Pastoralem, anno Domini 1710. emanatam reassumimus, eiq; vim ac robur, Constituti-

tutionis Synodicæ, autoritate præsentis Synodi tribuimus, ut Universam Diocesim nostram non minus obliget, quàm si in Synodo Diocesana, contenta ejusdem Decreta fuissent. Inveniuntur absq; dubio, qui illam non obiter legunt, Disciplinæ Ecclesiasticæ medullam, morum laudabilium, & rituum probatorum nucleum inibi contineri, cum exquisita Romanarum decisionum & quidem novissimarum peritia. Qui verò eandem in usum constanti executione deducunt, statum quoq; Ecclesiarum suarum reflorescere, atq; instar Aquilæ innouari, experiuntur. Hortamur proinde, & in eo amore, quem animarum suarum saluti, & commissarum Ecclesiarum sollicitudini quisq; debet, obligamus universum Clerum nostrum, ut omnes, ac singuli, lectionem ipsius Epistolæ quotidianam, familiaremq; sibi faciendo, ad eam, veluti ad regulam se, suaq; omnia componant. Scribimus quidem illam turbatissimo Patriæ statu, cum & arma undiq; obstrependo, legibus reverentiam, & efficaciam adimerent; & pestis atrocissima grassando, ipsos Auditores factoresq; legibus subduceret: minimè tamen dubitantes, eam tranquilliori profuturam ævo. Si igitur, cum conderentur illæ leges, observari non poterant, observentur jam nunc; cum per DEI gratiam ex illo calamitatum diluvio eluctatæ res, intra suos alveos, quodammodo se receperunt.

114. Debemus quoq; hunc respectum Prædecessoribus Nostris, ut quæ illi laudabiliter constituerunt, nostro etiam calculo confirmemus, & momentum ipsa ratificatione addamus. Proindè modum, & ordinem boni regiminis à Nicolao Stephano Pac Prædecessore nostro Sancitum Anno 1682. & Decreta Synodi celebratæ, sub Alexandro Kotowicz Antecessore nostro pariter innovamus, in vigoremq; ac valorem, quem à principio habuerant, asserimus. Atq; horum jam satis, superq; esse poterat; nisi executio inculcanda, atq; omni optimo modo restaret promovenda, cæteraq; nonnulla declaranda, quæ vel non plenè in Epistola nostra Decessorumq; nostrorum statutis exprimuntur:
vel

vel quæ, ob temporum proximè præteritorum malignitatem, Sacerorum Canonum oblivione, aliòvè abusu tam damnabilia irreperunt, quàm laudabilia obsoleverunt; novarum Sanctionum auxilio, seu dissipanda sunt, seu instauranda.

C A P U T imum.

De Executione Epistolæ Pastoralis, & aliarum Sanctionum Synodaliæ auxilio Decanalium Congregationum.

115. **F**Rustra leges conduntur, nisi & servantur. Servari autem nequeunt, nisi in memoria tenaci vigeant. Hoc verò ipsum ut obtineatur, necesse est quospiam designari, qui earundem legum observantiam efficacissimis quibusq; medijs promoveant.

116. Illustres ergò AA. RR. Dominos Decanos Foraneos jure, & praxi Ecclesiæ designatos; quos in hunc finem titulis insignioribus decoravimus, quatenus eis majorem foris, maxime apud subiectos auctoritatem conciliaremus, in Conscientiis obligamus; ut Congregationes Decanales saltem his in Annum, temporibus sibi benè visis instituant, non longè à quatuor temporibus Anni, in quibus prælegantur Capita Epistolæ Pastoralis ex Ordine, ut scilicet per Annum totius Epistolæ cum appendice textus percurratur. Ad singula vero capita, eorumq; Paragraphos subsistendo, fiat disquisitio, an, & quomodo observentur? tum ratio ineatur efficax, quomodo deinceps observari queant. Undè & sequenti Congregatione in primis disquiratur an illud
jam

jam executioni sit mandatum? de quo in priori lectum, & actum fuerat. 2dò. legantur cum brevissima ad singulos explicatione Casus reservati tam Papales ex Bulla Cænæ, &c: quàm Episcopales. 3tiò. legantur pariter impedimenta Matrimonij, tam dirimentia, quàm impediencia. Item index sententiarum in praxi prohibitarum, quorum tabula in Calce Synodi exhibetur.

117. 4tò. Fiat Conferentia de Casibus Conscientiæ, unum, alterumvè Casum ex ijs, qui maximè occurrere solent, resolvendo. 5tò. Si qui Processus à Nobis emanaverint, accuratè perlegantur, intellectoq; quid sonent, ac velint, disquiratur: an Viâ Cursoriâ ritè sint communicati, & ad executionem deducti? cujusvè vitio aliquid negligentia sit commissum? ab eaq; negligentia mutuâ se cohortatione desvesfaciant. 6tò. Consultationem instituant de statu Ecclesiarum, OEconomiarumq; suarum, semper in melius promovendo.

118. Cæterùm quidquid difficultatis occurrerit in rebus majoris momenti, ille Parochus ad Nos, sive ad Officium nostrum deferat, in cujus Parochia illa congregatio celebrabitur. Celebrantur verò Congregationes per Ordinem, quem sibi primò apud Decanum præscribent,

C A P U T II.

De Sacramentorum admini- stratione.

SEptem in Ecclesia S. Sacramenta credimus, & Confitemur: de singulorum verò ritibus, Cæremonijs, alijsq; Circumstantijs cum in Epistola Pastoralis abundè præscriptum sit, hæc in particulari adduntur, seu declarantur.

De Sacramentis Baptismi & Matrimonij.

119. **I**NNOVAMUS omnium anteriorum Constitutionum rigorem, strictè prohibendo, tam, nè infantes in ædibus privatis baptizentur, quàm nè in iisdem, sed in facie Ecclesiæ matrimonia contrahantur. Licet verò infirmitas Infantium attendenda sit, nec debilis ætas, mortis utriusq; periculo obijciendas advertendum tamen, nè eadem infirmitas obtendatur, quando defecto non est. Item, licet prolibus Magnorum Principum, pro qualibus Regni nostri Senatores accipiuntur, aliquid in hoc genere indulgeri soleat, non statim tamen hic Principum titulus ad quosvis notabiliores, absq; scitu nostro est extendendus, nisi fortè ad proprios Ecclesiæ suæ Fundatores & Collatores.

120. Ab iisdem Sacramentis ut spontanea honoraria non respuenda, ita nihil omnino à non valentibus, vel non volentibus exigendum; nam ejusmodi exactio, & Exactores ipsos depretiat, ac infamat, & salutaria Sacramenta plebi reddit odiosa, cum magno periculo damnationis, & Dissidentium in Religione scandala ciet, atq; subsannationes, nec sine quadam Simonix specie. Quod quidem turpe lucrum licet omnes omnino Curati cavere, & horrere debent, illi tamen vel maximè, quibus Fundatores, justos redditus assignando, illud exactoris acquisitionis genus, præclusum esse voluerunt.

121. Eadem occasione innovamus prohibitiones exactionum, ab introductionibus Neonuptarum, Puerperarumq; in Ecclesias: & à loco sepulturæ, ut absq; omni turpis lucri specie, DEO Domino nostro, animarumq; Saluti, intuitu solius denarij æterni serviatur.

De Confirmatione, extrema unctione, & Viatico.

122. **H**Oc maximè commendamus, atq; statuimus; ut ad Confirmationis Sacramentum creditas sibi animas Parochi, doctrinæ Christianæ explicatione, inculcationeq; benè præparent, atq; ad ejus susceptionem omni bonâ occasione nondum confirmatos, manducere curent. Ad extremam verò unctionem impertiendam, de vitâ periclitantibus promptos se, atq; expeditos exhibeant: idem faciendum cum viatico, atq; ultimariâ in viam æternitatis expeditione.

123. Quod, ut cum majori decencia, & populi ædificatione adimpleant, sint induti superpelliceo mundo infra vestem superiorem, si fortè longius aggrediendum iter ad infirmum: Particula verò Venerabilis Sacramenti, inclusa in vasculo argenteo intus deaurato, cum operculo, involvetur corporali mundo, & deferetur in bursa, stolæ ex humeris dependenti, ante pectus Sacerdotis assuta cum campanula.

§ III.

De Sacramento Pænitentiae.

124. **U**T omnis error in substantia, circa valorem Sacramenti caveatur; jurisdictio in scriptis quotannis tempestivè renovanda, non post elapsum prioris cum tempore vigorem, sub pænis arbitrio nostro infligendis. Habenda casuum reservatorum Papalium, Episcoporumq; peritia, cum sententijs prohibitis, juxta quas in praxi procedere non licet: im-

pedi-

pedimentorum quoq; dirimentium, ac impedientium matrimonia: quorum omnium tabella sub fine istius libri exhibetur.

125. Porro cùm experienciâ compertum sit, ex malè administrato Pœnitentiæ Sacramento, venenum porrigi, locò medicinæ, & Pœnitentem sacrilegè aggrauari, defectu doctrinæ anticonfessionalis; ideò generaliter pro omnibus Confessarijs statuimus; quatenus, nemo eorum ad excipiendas Fidelium confessiones se conferre audeat, nisi primò intelligat suum Pœnitentem, in principijs fidei, saltem necessitate medijs requisitis esse instructum, nimirum: *quòd DEVS sit, & quòd quærentibus se sit Remunerator*: Item: *de mysterio Sanctissimæ Trinitatis, & Incarnationis*:

126. Quare consultissimum, imò necessarium judicamus, ante simplicium confessiones, præsertim, quæ in majori peraguntur frequentia, uti Paschali tempore, præmittendam omninò esse brevem doctrinam, tum de principijs fidei supra insinuat, tum de modo & requisitis ad rectam Confessionem, cum adhortatione ad servandam sinceritatem, & Christianam simplicitatem, in aperienda conscientia, allato in eum finem, aliquo claro exemplo.

§ IV.

De Communione Paschali.

127. **C**ommunio Paschalis, quò cum majore perfectione, præ cæteris anni Communionibus, expediri deberet, eò sæpius, hinc temporis angustia & populi concursu, illinc Sacerdotum obstante inopia disturbari consuevit: Quare singulorum commoditati, in tam arduo negotio consulere volentes, secuti hac in parte aliarum Diœcesium praxim, tempus dictæ Communionis, à Dominica *Letare*, 4tâ. Quadragesimæ, ad Dominicam 3tiam post Pascha inclusivè, autoritate præsentis Synodi prorogamus.

De Sacramento Ordinis.

128. **I**llud maximè cavendum est, nè ullus Fori sæcularis rigorem subterfugiendo, Clericalem habitum induere præsumat, rebus compositis illum deindè positurus: collidit enim graviter jurisdictiones ejusmodi sycophantia & cursum justitiæ inhibet, & statum sanctiorem odijs, sinistrisq; interpretationibus exponit. Proindè contra ejusmodi simulatores, Officio nostro procedendi juredamus negotium, nè cuiquam sua fraus profit.

129. Admonemus quoq; Sacrorum Ordinum Candidatos, ut omnia impedimenta, seu ab jure, seu ab homine sibi obijcienda, removeant à se tempestivè, ut securè de illis denuntiationes publicæ, citra periculum malignæ impeditionis affigi possint. Quæ denuntiationes licet hactenus dissimulatæ sint, ob Cleri miserabile per pestilentiam excidium, melioribus tamen temporibus, & suppleto utcunq; Ecclesiarum ministerio, DEO adjuvante reassumi debebunt, ut Sanctitati Ordinis Ecclesiastici quàm maximè consulatur, dum nonnisi electi, & undequaq; probati operarij, sine ullo nævo, ac labe, in Vineam Domini intromittentur.

C A P U T III.

De prædicatione verbi Divini &c.

230. **A**D Conciones artificio Oratorio instituendas, Pastorem nullum sua cogit obligatio: sed à verbi Divini facienda semente, nullus eloquentiæ, nullus eruditionis, nullus temporis, familiaribus negotijs occupati excusat defectus. Ad prædicandum ergo verbum DEI, Domini curati Ecclesiarum,

rum, libros idoneos habere curent, lingvâ plerumq; patriâ, idq; tales, ex quibus Auditores plus ædificationis, quàm curiosæ voluptatis percipere possint: talium Authorum conciones, si dicturi memoriæ tradere non possint, etiam ex libro in nomine Domini distinctè, clarèq; legant. Nemo illis ob hoc succensbit, quòd maiorem fructus Spiritualis, quàm proprii plausûs habeant rationem.

131. Ad doctrinam quoq; Christianam habeant accommodatum librum, qualis est Catechismus Romanus, ex Decreto Concilij Tridentini, Canisij quoq; Catechismus aut Bellarmini, vel certè Nucleus Catecheticus P. Bernadini Mercatoris, ex talibus libris Auditores suos alloqui, examinare, & instruere cuiq; licet, si memoriæ propriæ non fidat. Nos quoq; brevi aliquod compendium catecheticum in lucem dare curabimus, quod singuli Pastores animarum habere, atq; explicare teneantur.

C A P U T IV.

De Doctrina Christiana.

132. CUM indubitatum sit, plurimas Fidelium animas, præter gravia delicta, ob solam ignorantiam myseriorum Fidei, necessitate mediij requisitorum ad salutem, æternaliter perire; eamq; iacturam provenire ex doctrinæ catechetice a Curatis omissione; idcò inhærentes dispositioni S. Concilij Tridentini, omnibus, & singulis Ecclesiarum Parochialium Rectoribus, eorumq; Vicarijs, sub interminatione indignationis Divinæ, & excommunicationis pœna, in casu contraventionis huic decreto ferenda, præcipimus; quatenus doctrinam catechetica, singulis diebus dominicis & festis instituant, pueros, & rudes, fidei rudimenta, & obedientiam erga DEUM & Parentes edoceant; completoq; Catechetico opere, ora-

tionem Dominicam, salutationem Angelicam, Symbolum Apostolorum, præcepta Decalogi, & Ecclesiæ, numerum Sacramentorum, vernaculâ lingvâ cum populo catechizato recitent, Actus fidei, spei, charitatis, contritionis adjungentes. Tempus disseminandi hanc S. Doctrinam, pupulumq; rudem instruendi, aptissimum est, sub tempus strenæ, visitando Parochianos: sed in Ecclesia, nullum commodius designari potest, quàm hora aliqua ante summum sacrum, vel post lectum Evangelium, locò concionis; si fortè illa non erit, nam ipsâ catechismi auditione, melius ad Divinum Sacrificium animi præparantur.

C A P U T V.

De Divinis Officijs, cantu, librisq; ritualibus.

134. **I**Niquitas temporum Officiorum Divinorum Ordini, atq; splendori multum derogasse dignoscitur; nam per longas cessationes plerisq; locis, in devertutinem abivisse videntur: *Matutinum*, cujus tempus & modus in Epistola Pastoralis præscribitur. *Aspersio* aquæ benedictæ super populum cum *processione* Parochiali, qualis pro singulis Dominicis in rituali Romano notatur. *Missa cum cantu choralis*, *Vesperæ* quoq; diebus festis, utraq; fermè oblivione perpetuâ jam damnantur. *Ritus Cinerum*, Officium *Hebdomadæ Sanctæ*, maxime sabbati majoris, & sabbati ante Pentecosten cum processionibus per Octavam Corporis Christi, etiam, ubi alioqui commodè, ad devotionem populi institui possent, culpabiliter omittuntur; atq; pleriq; istarum cæremoniarum ignorantur; triste per templa dominatur silentium, satisq; putatur, si *Missa* utcunq; pro populo perlegatur. Non possumus, ulterius pati, tantum Cultus Divini, Fide-

T E R T I A

66

Fideliumq; devotionis dispendium; proinde auctoritate præsentis Synodi gravamus conscientias RR. DD. Parochorum, ut istam abominationem desolationis, ex loco Sacro amoveant, cantum firmum, ejusq; usum, inter Divina Officia restitui curent, existimentq; se frustra sacerdotes esse ac vocari, nisi divinis sacrificijs, & Officijs debitum splendorem restituant.

135. Ad hunc finem, qui non habent in suis Ecclesijs libros Rituales, eos sine mora comparent, incipiendo à missalibus, quæ alicubi ita lacerata, ac detrita inveniuntur, ut nequidem Missas ordinarias, dictas de ea habeant. Aut igitur Missalia, quæ adhuc reparari possunt, instaurari curent, adscriptis ijs quæ vetustas detrivit, innovato quoq; Canone Missæ, & appositis missis novis, quæ utiq; non difficilè comparari possunt; aut si vetera non sint reparationis capacia, nova de toto substituant. Agenda major, Graduale, Antiphonarium, & Psalterium, Agenda deniq; minor templi Bibliothecam absolvunt.

136. Cum verò libri per se vocales non sint, conducantur peritæ cantus, & commodâ voce præditæ Personæ, quæ non modò Officijs Divinis inserviant, sed etiam scholam cantus Ecclesiastici ubiq; collapsi restituere possint.

137. Ad hanc curam cantûs choralis, non omittatur, ubi fuit in usu, reducat ubi omisâ, inducatur ubi nondum usitata fuit, devota consuetudo, canendi Rosarium Marianum, Offitium Immaculatæ Conceptionis B. V. M. Litanias Lauretanæ, omniumq; Sanctorum cum alijs pijs Cantuunculis, sive rotulis temporî servientibus: ad quem cantum svaüter, ipsa Nobilitas, sexusq; devotior, cum teneriore ætate, non difficilè induci potest, ut tempore sacri matutini in laudes Divinas resonet, tempusq; illud totum, quod ante sacrum Summum computationibus, vanis, & sæpè malis colloquijs traduci solet, pio cantu, in gloriam DEI consumatur. Restituant & Organa ubi fuerunt, curentur ubi esse possunt: adhibeant verò Parochi illam sollicitudinem, & solertiam, ad res cultûs Divini, quam homines privati

vatis suis emolumentis adhibere solent, & non poterunt de sumptuum requisitorum penuriâ querulari.

C A P U T VI.

De Ecclesiarum, apparatus- tuumq; nitore.

138. **C**UM quorundam Beneficiatorum Ecclesiâ vetustate, aut certè eorum incuriâ proximè collapsuræ, adeoq; ad peragenda in ijs Officia Divina minus idoneæ censentur, ideò inhxrentes textui expresso SS. Concilij Tridentini, omnibus earum curam habentibus, districtè, & sub fructuum sequestratione præcipimus, quatenus intra triennium à publicatione præsentis decreti, Ecclesias squallidas, & ruinam minantes, ex proventibus ad eas, quomodocunq; pertinentibus, restaurare conentur; imploratâ etiam Parochianorum, & à potiori suorum Patronorum ope; Qui si valentes, pro dicta reparatione quidquam contribuere noluerint, sciant se jure Patronatûs termino elapso privandos.

139. In restauratis verò apparatus nitor, corporalium, purificationum, tobalearum, aliorumq; ex lino mundities, & omnium rerum cultui Divino servientium decor, & ordinatissima dispositio, omninò conservetur. Cuj cum plurimum obsit congressus Nobilium pro comitiolis, aut alijs publicis consilijs, ideò præsentè Synodo, omnibus curam Ecclesiarum habentibus, seriò interdiximus, nè deinceps ullos hujusmodi conventus in suis Ecclesijs fieri permittant, propter multas inconvenientias, & abusus.

C A P U T VII.

De notitia suarum Ovium à Pastore, & statu earum describendo.

140. **Q**Uoniam præceptum DEI est, ut Pastores agnoscant Oves suas, necessaria omninò videtur ad eum finem, ordinatio catalogi Parochianorum, in libro ad id specialiter, vigore Ritualis Romani, comparato, in quo scilicet describantur loca, domus, & animæ, in sua Parochia reperibiles, unà cum statu earum. Quod faciliè singuli animarum Rectores consequi poterunt, si strenuè tempore visitantes suam Parochiam, singulorum nomina in prædicto libro connotaverint.

C A P U T VIII.

De limitibus Parochiarum.

141. **C**UM ex limitum inter Parochiales Ecclesias ignorantia, maximalis & discordia, non sine boni regiminis jactura, & valoris Sacramentorum periculo quotannis oriatur, idèò huic malo ad mentem S. Concilij Trident: occurrere cupientes, quàm primùm in præsentè Synodo, plenam à Præfectis scrutinijs de statu Ecclesiarum habuerimus informationem, mox Commissarios, pro circumscriptione nondum dislimitatarum Parochiarum ex Cancellaria nostra dabimus; ad quam proindè indigentes hujusmodi beneficio recurrent.

C A P U T IX.

De bonis Ecclesiarum.

142. **I**nvaluit per calamitatem temporum, quædam audacia, arendandi, imò etiam in hypothecam concedendi bona immobilia, & oppignorandi mobilia Ecclesiarum: cum scilicet quisq; laborem & difficultates adjunctas curis familiaribus horret, ac refugit, in alienosq; humeros ex suis detrudit; commoda verò, & proventus, vel ex alieno labore consecratur: contrarium certè passim evenit; ut & commodis illis, proventuq; frustretur, & bona ipsa dev. stet, litibusq; ac prætensionibus ineluctabilibus involvat, & penè alienet. Quapropter omnes contractus ejusmodi de bonis Ecclesiarum, absq; consensu nostro factos, irritos, & nullos declaramus, uti quidem sunt: & in virtute S. Obedientiæ præcipimus, ut bona Ecclesiarum in cujuscunq; possessionem, ad quodeunq; tempus illigata, quantocyus omni optimo modo, vindicentur, nec in posterum arendentur, aut oppignorentur sub amissione beneficiorum quæ persumant, & alijs pænis arbitrio nostro imponendis.

C A P U T X.

De Residentia Parochorum.

143. **I**nolevit pluribus in locis Diocesis nostræ pravus mos, Sacris Canonibus, & primævo instituto planè contrarius; quòd scilicet Parochi residentiam suam, non ad Ecclesiam; sed in prædijs Parochialibus, milliari integro, & ultra quandoq; distantibus, cum summo ad Ecclesiam Recurrentium incommodo, & periculo Infantium baptizandorum, ac Infirmorum continuent, ibiq; nimium sæpe in actus externos, gub-

burnationem Domûs & Familiz, toti effunduntur, ac *DEO militantes*, contra doctrinam Apostoli *negotijs seculi implicantur*. Quocirca huic inconvenientiz obviam euntes, districtè & sub pœnis arbitrarijs præcipimus, quatenus omnes Beneficiati, non in prædijs, sed ad Ecclesiam residentiam suam habeant, ut suâ ope indigentibus præstò esse possint ad eorum requisitionem.

144. Multò magis sub interminatione Judicij Divini omnibus Personis Ecclesiasticis, quacunq; dignitate, & præeminentiâ fulgentibus, interdiciamus, nè ministeria sæcularium suscipiant, aut in rebus eorum Procuratores existant, uti expressè prohibet Capitulum incipiens *Sa erd tibus*, nè Clerici vel Monachi *in Corpore juris contentum*, nève in sortem Domini vocati, sæcularibus negotijs sese immiscendo, cum status Clericalis dedecore, OEconomos, Agentes, domûs Magistros, & Administratores, vel alio quovis titulo famulatum iisdem præstare præsumant, innovando hac in parte pœnas Constitutionibus Synodalibus sancitas.

C A P U T XI

De Beneficijs incompatibilibus non retinendis.

145. **B**eneficiorum incompatibilium retentio sacris Canonibus & Tridentino Concilio evidenter contraria, adeò in nostra invaluit Diœcesi, ut improbæ cupiditatis famâ, usq; ad Urbem percrebrescente Sanctissimus D. Noster Clemens XI. feliciter modernus, non sine gravi animi dolore, speciale Rescriptum in calce libri apponendum, hac super re publicari mandaverit. Quod nos cum ea, qua par est,

veneratione suscipientes; omnes, & singulos beneficia inter se incompatibilia, & Personalem residentiam requirentia insimul retinentes, seriò præmonemus, ut in spatio sex Mensium à Synodi præsentis Conclusionè computandorum, dicta beneficia omninò dimittant, & ab hujusmodi exosa, ac per Sacros Canones improbatâ retentione se expediant.

146. Nisi fortè alicui S. sedis Apostolicæ suffragetur dispensatio, quam vigore Concilij Tridentini intra idem tempus, absq; alia intimatione Nobis præsentare tenebuntur: aliàs in casu contraventionis huic Nostro decreto, seu veriùs Apostolicæ dispositioni, elapso sex mensium spatio, utpotè post tot præmissas admonitiones, pro vacantibus declarabimus, aptisq; mox conferemus Personis: Retentores verò ipsos, pœnas in eodem decreto appositas, incurrisse declarabimus.

C A P U T XII.

De Provisoribus Ordinandorum, & eorum Provisis.

147. **Q**uemadmodum Provifores ad suarum Ecclesiarum titulos, suscipientes idoneas Personas, inscriptam ijs, & deservitam punctualiter exolvant, est necesse mercedem, quæ ducentis florenis annuatim cum victu tribuendis, minor esse non debet, ita Provisi nullo modo Ecclesias titulares, seu Provisionales deserere poterunt, nisi biennio saltem, sub maturiore Proviforum disciplina exercitati, ad aliorum regimen idonei comprobentur. Sed nec tunc ab hujusmodi Ecclesijs, sine nostra facultate, transmigratio conceditur; nisi sibi de stabili vivendi modo, per collationem alicujus beneficii provideatur.

148. Porro sicut Parochi non omnia onera, in suorum Vi-

cariorum humeros deponere debent, ipsi ad exteriora toti effusi, sic nec eorum Provisi, reddant se Ecclesijs inutiles, sed præter consveta obsequia, duas Missas singulis septimanis, juxta foundationem Ecclesiarum, & Rectorum ordinationem, recitandi, obligationem sibi Authoritate Synodi, impositam intelligant.

C A P U T XIII.

De Pactis Clericorum se invicem percutientium.

149. **D**E venerunt ad Nostram noticiam Quorundam non parvi ausus, quod scilicet Viri Sacri mutuis se, quandoq; iñibus contundunt, cumq; tuberibus, ac vibicibus deformati, excommunicationis evidentiæ signa dederint, mutuâ conciliatione, censuras auferri putantes, in ijs Sacrosancta Missarû sacrificia absolvunt, ac per id contractis irregularitatibus alligantur. Cui malo sedulò occurrere cupientes, hujusmodi transactiones, uti de jure nullas, nec à censuris & irregularitatibus aliquomodo relevantes, rescindimus; & pro nullis declaramus: non enim aufertur censura, nisi potestatis superioris interveniente absolutione. Quare sicut omnes tales transactiones, quocunq; tempore factas, ad Nos Officiumq; Nostrum revocamus; ita nè in futurum fiant, seriò interdicimus.

C A P U T XIV.

De Regularibus jus sepulturæ

per Confraternias apud se tribuentibus.

150. **C**ertis relationibus cognovimus, quosdam Regulares, participationes meritorum suorum, sive Confraternias (ut vocant:) offerendo Personis sæcularibus, unâ iisdemque sepulturæ, in Ecclesijs suis conferre, per quod uti manifestè eos inducunt ad sepulturam, apud se eligendam, ita excommunicationem Papalem incurrunt. Proinde sicut ipsos Regulares ab istis malis, quærendi eleemosynas artibus dehortamur; ita Sacerdotibus sæcularibus districtè, injungimus, ut sicubi ejusmodi Confraterniarum chartas deprehenderint, ad Nos deferant, ut contra earum distributores juxta SS. Canonum dispositionem procedere possimus.

C A P U T XV.

De vita, & honestate Clericorum.

151. **A**D scopum & objectum attributionis, quod S. præfatus Synodus spectabat, pervenimus: huc enim universæ constitutiones, sancita, & quocunq; titulo nominatæ collimant leges, ut vita Cleri ad omnem honestatem, vocationi suæ correspondentem, virtutumq; Sanctimoniam componatur: stimulum addente Divino eloquio: *Eritis mihi Sancti, quia Sanctus sum ego Dominus, & separavi vos à ceteris populis, ut essetis mei. Levit. 20.*

152. Porro sanctitas hæc non in externa solum, Ecclesiastici hominis benè ad extra compositi specie consistit, sed internam quoq; animæ cum DEO requirit conjunctionem. Quamobrem non modò ebrietatem, utpotè perennem vitiorum scaturigi-

nem, nimium cremati, & omnis computationis usum, omnis avaritiæ speciem; cum fæminis, etiam quæsito consanguinitatis prætextu, ac titulo cohabitationem, aliâq; plenius in Epistola Pastoralis descripta, Ecclesiasticum hominem infamantia vicia, summopere avertentur;

153. Verùm etiam Iectioni Sacræ, casuum resolutioni, conscientiæ discussioni quotidie aliquid temporis tribuere assuescant. Quod ut efficacius consequi valeant, omnes, & singulos animarum Rectores, imò universum Clerum in Domino hortamur; & nihilominus auctoritate hujus Synodî statuimus, & mandamus;

154. Quatenus Personæ Ecclesiasticæ, si non singulis annis, saltem quolibet biennio, ad aliquod Religiosum domicilium sese conferentes, in eo exercitia Spiritualia, sub perito aliquo artis hujus ex fonte Magistro, absolvant. Non est certè felicior modus, ac medium efficacius, ad excutiendas profanas levitates, ad sæculares fumos, ac vanitates dissipandas, ad DEUM sibi sincerâ pietate, solidisq; virtutibus adstringendum, ad totam deniq; vitæ & honestatis regularem, & ordinatissimam sui status dispositionem componendam; quàm hæc Sacra, & Divinissima solitudo, quæ si toto pectore, sinceroq; ad Divinos amplectendos instinctus, animo suscipiatur; impossibile videtur quempiam, sine divite Spiritûs Sancti fructu, morumq; suorum duraturâ emendatione, de hoc asceterio rediturum.

155. Posito hoc interni hominis cum DEO benè compositi fundamento; tum demùm exterioris formam, non modò in morum gravitate, conversatione exemplari, actione irreprehensibilis; verùm etiam in cultu corporis à SS. Canonibus præscripto, nimium in consuetudine decente, vestitu honesto, qui neq; sit vilis nimium & brevis, neq; deliciosus, sed mediocris, sublato excessu sæculari, & retentâ dignitate statûs Ecclesiastici, conservare studeant: ab armorum offensivorum gestatione, baculorum usu, maxime ferro factorum, vulgò *Szokady* dictorum omninò abstineant

136. Usus quoq; annuli Clericis omnibus jam olim per Concilium Lateranense datum Cap: 12. & Cap: Clerici Officia de vita & honestate Clericorum: prohibitum, exceptis duntaxat ijs, quibus competit ex Officio dignitatis, Nos quoq; innovando decretum Synodi Kotowicianæ prohibemus, cum ea explanatione, quam Sacra Congregatio Rota II. Febr: 1623 & 1628. 20. gbris: adhibuit, ut scilicet, intra Missarum solemnias solus Episcopus annulum retineat, aliæ omnes Dignitates, ut Doctores, Protonotarii participantes, imò Cathedrales Canonici, atq; Prælati deponere protunc annulum teneantur.

C A P U T XVI.

De Ieiunijs.

157. Inter multos refrigerantis in DEUM Charitatis effectus, relaxationem ieiuniorum merito numeramus, quæ prætextu infirmitatis, ac debilitatis pleriq; excutiant, qui tamen ad vitia satis virium dignoscuntur habere, meliores longè futuri, si debiliores essent. Conscientias igitur RR. DD. Parochorum, Confessariorumq; obligamus, nè faciliè, nec sine gravi causa, partem illam disciplinæ Ecclesiasticæ relaxent, nec alimenta vitij subministrent.

158. Dispensati verò ad esum certis diebus carniū, aut lacticiniorum; per quadragesimam ad scandalum aliorum imbecilliorum, in observandis legibus Ecclesiæ, indulgentiâ illâ non abutantur, oculisq; se hominum, cum illis cibis vetitis, comesturi subducant.

159. Alterum est in hoc puncto, cui omni conatu Pastores animarum obniti debent, nè privatâ devotione adinventâ, & superstitionem quoq; aliquam redolentia jejunia, quisquam ita assumat; ut illa quidem mordicus retineat; consæta verò, &

ab Ecclesia imperata dispensationibus subreptitijs eludat. Deniq; vigiliis Festorum B. V. Mariæ, jam olim Synodo Provinciali, & Diocesana, sub bonæ memoriæ Decessore nostro Alexandro Sapielha, sancitas innovamus, & in usum ac obligationem mittimus.

C A P U T XVII.

De Librorum impressione, venditione, & eorum censura.

160. **I**n Bibliothecis hujus Urbis, nè libri Hæretici, scandalosi, suspectivè perniciem sanæ Doctrinæ, bonorumq; morum invehentes, occultari valeant, aut Typis edantur; pro eorum censura, recognitione, & revisione Perillustres, Reverendissimum, & Admodum Reverendos Dominos Georgium An-cuta I. U. Doctorem, Canonicum Vilnensem, Vicarium nostrum generalem, & Alexandrum Zebrowski S. Theol: & J. Utriusq; Doctorem, Archidiaconum Albæ Russiæ, Iacobum Cyboni præpositum Congregationis Missionis domus Vilnensis: pro libris verò Germanicis Illustrem, Ad: RR. DD. Petrum Schenselt Magistrum Cæremoniarum Cathedralis Ecclesiæ, Præpositum ad Ædes Sanctissimæ Trinitatis, Parochum Hoduciscensem, Andream Horn Vice-Decanum dictæ Cathedralis Ecclesiæ, designamus: quiter, aut quater in annum, librarías Officinas revidebunt, libros prohibitos, aut approbationem non habentes tollent, & pænarum Trident: extensionem, ac declarationem urgere facient.

C A P U T XVIII.

De Archivio Cleri.

161. **C**um in Juribus, Privilegijs & munimentis Ecclesiarum, ac Parochiarum, totius Diocesis consistat

moles, pro eorumq; custodia pia Fundatorum sollicitudo; perpetuum constituerit Cancellarium; idè ut Archivi; rectum, clausura, rerumq; omnium in eo reperibilium ordinatissima dispositio, & nitida per literas Alphabeticas singularum in repertorio speciali descriptio, ac in unoquoq; loculo, uniuscujusq; Parochiz & Decanatus, scriptorum collocatio, quàm optimè conserventur, Perillustri Admodum Reverendo Domino Ioanni Bychowicz, Cancellario Diœcesis, & ejus successoribus sub Officij amissione, sermò authoritate Synodi injungimus. Et nihilominus Commissarios ad præmissorum lustrationem Perillustres Reverendissimos & Admodum Reverendos DD. Martianum Szaniawski Scholasticum Prælatum, Christophorum Bialozor J. U. Doctorem, Georgium Casimirum Ancuta Officialem nostrum generalem, Canonicos Cathedralis Vilenfes, Alexandrum Zebrowski Archidiaconum Albæ Russiæ designamus.

C A P U T XIX

De Seminario Cleri.

162. **S**eminarij Diœcesani sollicitudinem, recti regiminis methodum, proventuumvè rationem decretis S. Concilij Tridentini nobis tantopere commendatas, nè in hoc calamitoso Patriæ statu videamur deposuisse; pro eorum lustratione Commissarios ex V. Capitulo Perillustres Reverendissimum, & Admodum Reverendum Dominos Boguslaum Corvinum Gosiewski Decanum Prælatum, Adamum Kiełpiński Canonicum, Vilenfes Fratres Nostros, ex Clero Perillustres, Illustrem Admodum Reverendos Dominos Ioannem Bychowicz Cancellarium Diœcesanum, Alexandrum Zebrowski S. Theol. & J. U. Doctorem Archidiaconum Albæ Russiæ, Ioannem Tosiakiewicz Protonotarium Apostolicum, Canonicum Smolenscensem deputamus. Qui tempore sibi commodo, præviâ obdesti-

pati.

natione, ad seminarium descendentes perceptorum & expensarum rationem; boniq; regiminis Juventutis prædictæ, ad præscriptum ejusdem Concilij cognitionem, fideliter institutas & annotatas, in spatio trium Mensium, ab impressione præsentium; Nobis exhibere tenebuntur.

C A P U T XX.

De Officio B. Michàélis Giedroyc.

163. **P**ORRECTæ Nobis debitâ cum supplicatione VV. Canonico-
rum BB. MM. de pæniti: preces, quibus ad obtinendum pro
Diœcesi Officium, de B. Michàele Giedroyc, ex eodem ordine,
hujus M. D. Litt: Patrono, Synodi implorant opem; cum ob
decretum S. Rituum Congregationis sint extra sphæram jurisdicti-
onis nostræ, ideò eo fine supplicandum esse, ad S. Sedem Apo-
stolicam, precesq; Synodi in volumine legum inferendas appro-
mittimus, & declaramus.

C A P U T XXI.

De Fanis Dissidentium, Infideli-
um Synagogis, eorumq;
sepultura.

164. **I**N Christiano & Catholico Regno, eam sumunt tum
Dissidentes, tum Infideles, audaciam, ut in nostra
nominatim Diœcesi, non appellatâ Ecclesiasticâ superioritate, li-
berè sibi fana, Synagogas, & Moschæas erigant, collabentesq;
restaurent, in despectum veluti Sapetæ Fidei, & contumaciæ suæ
ostentationem: Declaramus proindè istiusmodi ædificiorum ere-

PARS

77

tionem, restorationem ad Nostram Pastoralem jurisdictionem pertinere, nec quopiam Officio, aut dignitate, Nobis inconsultis multò magis vetantibus, concedi posse, Illustres deindè De-
canos & RR. DD. Parochos obligamus, ut nunquam talia ædificia erigi permittant; invocato etiam brachij sæcularis, (si fuerit opus:) auxilio; nobis Officiòq; nostro quàm primum significent; si quid uspiam hoc in genere fuerit attentatum. Quæ verò hactenus absq; scitu & consensu Nostro, recenter sunt erecta, deferantur pariter ad nostram notitiam; ut congruis remedijs dignitati, juribusq; dominatricis fidei consulamus. Famulitia utriusq; sexus apud Infideles, jure tam Canonico, quàm Civili Patriæ nostræ, Synodorumq; constitutionibus, atq; comitiorum multoties prohibita, quia nondum penitus tolli potuerunt, auctoritate etiam præsentis Synodi prohibentes, RR. DD. Parochis districtè injungimus, ut nullo modo Christianos & Christianas specialiter nutrites, famulari apud eosdem permittant. Dediscunt enim ibi omnem Christianitatem, & in Atheos, imò bestias evadunt.

165. Quia verò perfidi Judæi, eam sumunt audaciam, ut suorum cadavera turmatim, cum ejulatibus ad sepulturam comitari, contra antiquam prohibitionem minimè vereantur, Lutherani quoq; & Calvinistæ tum Vilnæ, tum etiam in alijs digentes locis, penes Ecclesias catholicas per Urbem & oppida, cum facibus & cantu, hujusmodi tuorum deductionem instituunt, cum ijs solim, extra portam Vilnensem ad permissum sit, idèò, nè dictæ inconvenientiæ, publicæq; adinstar processionum deductiones fiant, omninò, & sub pænis gravissimis arbitrio nostro intelligendis, auctoritate præsentis Synodi interdiciamus.

CAPUT XXII. De Sagis & Maleficis.

Qua-

166. **Q**uantis erroribus & criminibus obnoxia sint judicia, quæ in sagas & maleficos formare solent Personæ sæculares, eaq; rudes *exempli causâ* Cætus Rusticorum, alijvè juris peritiâ, & debitâ ad hoc notitiâ minimè commendati, etsi in Epistola Pastoralis, sat abundè declaratum; nihilominus hîc etiam Pastoribus animarum inculcamus; quatenus & à pernicioso illo, cum Dæmone commertio, in concionibus & catechismis dehortentur, ac deterreant, & cognitiones in sagas, utpotè ad nos Officiumq; nostrum pertinentes nullo modo à sæcularibus exerceri permittant.

C A P U T XXIII. De Taxa Fori Judicialis.

167. **C**um in Ecclesiastico Tribunali lex Domini immaculata convertens animas, reddendo unicuiq; quod suum est, suos quoq; Operarios deservitâ nolit fraudari mercede, & post longam causarum audientiam, jejunos dimittere, minimè sinat; ideo, nè & Partes nimis graventur exactionibus, aut aliquando vexatoriè, se gravari querulentur, & Cancellariæ Alumni vicium habeant, & quo vestiantur: ut ait Apostolus; spectatis utriusq; extremi circumstantijs, & maturâ deliberatione ponderatis, omnibus Processibus & Instrumentis expediendis in cancellaria sequentem in moneta corrente præscripsimus Taxam.

Taxa Cancellariæ.

168. **C**itatio simplex in media filura *florenus unus, & medius.*

Monitorium simplex *florenus unus & medius.*

Monitorium viâ robore *floreni duo.*

Monitorium cum duobus terminis per decretum rationabili ex causa, post primam Citationem concessum. *floreni tres.*

Citatio cum tribus terminis, quæ non debet dari sine expreso mandato nostro, aut Officij nostri, *floreni tres.*

Protestatio ad Acta ingrossata, & extradita cum sigillo, *floreni duo.*

Mandatum Procuræ, *florenus unus & medius.*

Inscriptio causæ ad registrum unius, sive plurium, dummodo ex una citatione vel rotulo, *florenus unus.*

Remissoriz pro examine Testium sine controversiæ ingrossatione, in una filura, *floreni sex.*

Pro examine cujuslibet Testis super simplici propositione examinati *floreni duo.*

Si verò super articulis quantumvis magnis, *floreni sex.*

Copiæ pro viginti quatuor rigis in media charta ex utraq; parte scriptâ, *florenus medius.*

Similiter solvatur, quidquid in acta insinuat, pro media charta.

A Notis judicialibus uniuscujusq; instantiæ; terminatæ decreto interlocutorio in præliminaribus dilationibus, *florenus unus.*

Decretum Excommunicationis sine controversia, in contumaciam latum, *floreni sex.*

Literæ executoriales cum sententia, post auditas serias partium controversias latâ, *floreni octo.*

Declaratoriz Excommunicationis cum insertis tribus Canonicis monitionibus in notorijs, absq; processu judicio, *floreni decem.*

Decretum ex audita utriusq; Partis controversiâ cum aliquot instantijs latum, extensum in tribus & ultra quandoq; filuris, *floreni viginti.*

Decretum amplius cum omnibus actibus, examinibus, Testium inductionibus, replicationibus, duplicationibus, triplicationibus, &c: in decem, viginti, aut triginta filuris, ad proportionem immediati Decreti, taxari debet.

Instrumentum Appellationis, *floreni sex.*

Audi.

Audientia Juramenti in Cancellaria, ejusq; expleti testimoni-
um, authenticum *floreni semiduo*:

Pro sublevatione ad tempus *floreni tres*.

Pro absolutione à censuris post præstitam de stando Juri sub-
missionem, & Parti satisfactionem, *floreni quatuor*.

Interdictum in Ecclesias, & illius relaxatio, pro unoquoq; in-
strumento, *floreni tres*.

Suspensio ab Officio & beneficio, *floreni tres*.

Inhibitio cum expressione causæ, *floreni tres*.

Inhibitionis relaxatio, *floreni tres*.

Arrestum & Arresti relaxatio pro unoquoq; *floreni tres*.

Inscriptio Provisionis cum ejus transumpto, *floreni tres*.

Pro Dimissorialibus sinè reditu *floreni octo*.

Pro Formatis, seu testimonialibus ordinum, *florenus unus & medius*.

Instrumentum approbationis pro excipiendis confessionibus
florenus unus.

Commenda alicujus Ecclesiæ, *floreni sex*.

Literæ Cridæ, *floreni tres*.

Institutionis seu investituræ literæ, *Imperialis unus*.

Resignatio beneficii Actis ingrossata, & per extractum extra-
dita cum juramento, *floreni quinque*.

Indultum celebrandi in Ecclesijs non consecratis, *florenus unus*.

Indultum celebrandi extra Ecclesias, *floreni semiduo*.

Indultum copulandi sinè bannis, *discretioni Recurrentis committitur*

Indultum diebus vetitis vescendi caribus, *floreni duo*.

Pro Confirmatione Testamentorum ad centum florenos, *flo-
reni sex*. *

Reliqua Instrumenta ad proportionem præmissorum taxabun-
tur: emergentium verò hac super re perplexitatum declarati-
onem Officio nostro plenariè committimus.

* Ultra centum quot quot sint, *floreni decem*.

C A P U T XXIV

De Casibus reservatis.

169. **C**Asus Papales ex praxi publicandi Bullam Cænæ Domini inferius apponendâ, distinctè patebunt: casus verò Episcopales, in Diocesi nostra jam olim reservati, ad Ordinem meliorem digesti, in sequente proponuntur Tabella.

Tabella Casuum Reservatorum.

1. **C**Rimen Clericorum habentium beneficia curata, & ordinariè, non residentium personaliter, sine nostra facultate.
2. Crimen Clericorum non satisfacientium pijs legatis.
3. Crimen publicè in judicio pejerantium.
4. Crimen falsificantium sigilla, & manuum subscriptiones.
5. Crimen falsum testimonium in judicijs, dicentium, & extra Judicium in scripto dantium.
6. Crimen Sodomiticum, bestialitatis, incestûs, cum Consanguineis, vel affinibus in primo gradu.
7. Crimen stupri violentium Virgines.
8. Crimen procurantium abortum.
9. Crimen raptûs Virginis, aut uxoris alienæ, sive cujuscunq; mulieris.
10. Crimen homicidij deliberati, voluntarij, & ad illud operam, vel consilium navantium.
11. Crimen Parentes percutientium.
12. Crimen Incendiariorum.
13. Crimen Magiæ, veneficiorum, incantationum.
14. Crimen divortia inter conjuges sive per veneficia, sive quibusvis malis artibus procurantium, ac foventium.
15. Cri-

15. Crimen Jurâ, Privilegia, & munimenta Ecclesiarum, nec non suppellectilem post intestatos sacerdotes rapientium, vel viliora pro melioribus supponentium.

C A P U T XXV.

170. **S**ententias à Summis Pontificibus Alexandro VII. Innocentio XI. prohibitas in praxi sæpius occurrentes, in compendium redactas complectens, juxta quas judicium in Sacramento pœnitentiæ formare non licet.

Alexandri VII.

1. **V**ir equestris duellum potest acceptare, nè timuisse videatur.
2. Licet ab Hæresi alijsq; criminibus Bullæ cœnæ absolvere; modò sint occulta.
3. Potest Sacerdos unâ misâ pro duplici stipendio satisfacere, nec est hoc contra justitiam & fidelitatem.
4. Potest sacerdos obligatus stipendio, per alium obligationi satisfacere, collatâ ei parte sui stipendij, aliâ sibi reservatâ.
5. Peccata in confessione oblita, vel ob instans, vg: periculum vitæ omissa, non tenemur in sequenti confessione exprimere.
6. Per confessionem voluntariè invalidam, & sacrilegam, impletur præceptum Ecclesiæ.
7. Potest quis propriâ autoritate substituere, qui pro se pœnitentiam in confessione injunctam adimpleat.
8. Licet occidere falsum accusatorem, testem, judicem, si aliâ viâ Innocens calumniam, decretumvè iniquum evadere nequeat.
9. Non peccat Maritus propriâ autoritate occidens conjugem in adulterio deprehensam.
10. Restitutio beneficiatos non recitantes Divinum Officium,

N

non

- non obligat ante sententiam Judicis.
21. Potest aliquis Beneficiatus, obligationi recitandi Officij per alium satisfacere.
 22. Dare Collatori pro collato beneficio, non est simonia; si Collator non pro beneficij, sed pro emolumentorum temporalium exigit collatione.
 23. Jeiunia Ecclesiæ non obligant sub mortali.
 24. Mollis, sodomita, bestialis sufficienter se accusant in Confessione fatendo procurasse pollutionem, nec tenentur exprimere peccati speciem.
 25. Potest accipere Judex pro ferenda sententia in favorem unius Partis, si utraq; Pars litigans, habet pro se opiniones æquè probabiles.
 26. In die jejuniij qui sæpius modicum quid comedit, & si notabilem quantitatem in fine comedat, non frangit legem jejuniij.
 27. Iter unius diei, etiam non necessarium excusat à jejunio.
 28. Restitutio fructuum ob omissionem horarum suppletur per elemosynas, aliquando olim factas.
 29. Valet officium pro officio, etiam parvum pro majore.
 30. Osculum ob delectationem sensibilem ex eo ortam, si non sit periculum ulterioris consensûs, maculæquæ carnalis, est veniale.
 31. Annuum legatum, pro anima relictum non durat plusquam decem annos.

Innocentij XI.

1. **C**omedere & bibere ad satietatem, ob solam voluptatem, modo non obfit valetudini, non est peccatum
2. Opus conjugij ob solam voluptatem, caret etiam veniali defectu.
3. Vocare DEUM in Testem mendacij levis, non est culpa gravis.

4. Jurare, sine animo jurandī, licet.
5. Licet viro honorato occidere inuasorem, calumniatorem, si aliter calumniam vitare nequeat, qui se alapā, fustevē percusserit.
6. Licet furem occidere, pro conservatione unius aurei.
7. Licet procurare abortum, ante animationem fœtus, nè puella deprehensa grvida occidatur, aut infametur.
8. Licet furari non tantum in extrema, sed etiam in gravi necessitate.
9. Famuli & famulæ possunt occultè heris suis surripere, ad compensandam operam suam, quam majorem judicant salario suo.
10. Non tenetur quis sub mortali ad restituendum, quod ablatum est per parva furtiva iterata, licet ad magnam summam pervenerit.
11. Qui alium inducit ac movet ad inferendum grave damnum tertio, non tenetur ad restitutionem damni illati.
12. Usura non est ultra sortem aliquid exigere, tanquam ex benevolentia & gratitudine debitum, sed solum, si exigatur tanquam ex justitia debitum.
13. Veniale est, detractoris auctoritatem, falso crimine illi vicissim imposito elidere, vel ut quis suam justiciam, & honorem defendat.
14. Dare temporale pro spiritali non est simonia, si temporale non detur tanquam pretium, sed tanquam motivum obtinendi spirituale.
15. Copula cum conjugata, consentiente Marito, non est adulterium, sufficitq; confiteri se fornicatum esse.
16. Famulus cooperans hero ad grave peccatum, v.g. scalas tenens ascensuro, humeris suis levans, januam aperiens, non peccat mortaliter, si id faciat metu sui domini, nè malè tractetur, gratiā excidat, aut domo expellatur.

17. Præceptum colendi festa non obligat sub mortali, secluso scandalo & contemptu.
18. Satisfacit præcepto Ecclesiæ de audiendo sacro, qui duas ejus partes, imò quatuor simul à diversis celebrantibus audit.
19. Qui non potest recitare matutinum & laudes, licet reliquas horas possit, ad nihil tenetur.
20. Præcepto communionis annuæ satisfit per sacrilegam Domini manducationem.
21. Non tenemur Confessario interroganti, fateri peccati consuetudinem.
22. Licet Sacramentaliter absolvere dimidiatè tantum Confessos, ratione magni concursus pœnitentium &c: Die aliquo Festi, vel Indulgentiæ.
23. Consuetudinario non est neganda vel differenda absolutio, modò ore significet, se dolere, & proponere emendationem.
24. Potest aliquando absolvi, qui in proxima peccandi occasione versatur, quam potest, & non vult omitt-re.
25. Proxima peccandi occasio, vel non fugienda, vel etiam querenda; quando honesta causa, utilitasvè temporalis, aut Spiritualis occurrit.
26. Absolutionis est capax, etiam ignorans culpabiliter mysteria primò fidei ut SS. Trinit: & Incarnat: D. N. IESU Christi.

Circa has sententias.

171. **A**Dverte imò hanc Tabellâ, exhiberi illas duntaxat sententias, quæ magis in praxi occurrunt: reliquas omitti, quæ ad speculationem magis, & ad scholam pertinent: sicut & omnes prohibitas Alexandri VII; non, quòd eas, vel tutas putemus, vel censurâ eximamus, sed quòd, ad praxim & notitiam quorumvis Sacerdotum non ita necessarias fore judicamus. Qui tamen illas nôsse velit, inveniet ad finem *Meduliæ Tbe-*

Theologia moralis, P. Hermani Busenbaum & alibi.

Adverte 2dò. Plerasq; relatarum sententiarum aut brevitatis gratiâ verbis superfluis imminutas, aut æquivalentibus ad planiorem intelligentiam explicatas, salvo per omnia earum sensu.

Adverte 3tiò. Finem hîc recensendi fuisse, nè deinceps ullus Confessarius per ignorantiam, gravia peccata pro levibus, mortalia pro venialibus judicet, seq; pariter ac pœnitentes decipiat.

Adverte 4tò. Iltas sententias ita prohibitas esse, ut nec publicè privatimq; sinè censura excommunicationis, ipsi Summo Pontifici reservatæ doceri, sustineri, ac defendi possint: nec sinè gravi Peccato mortali practicari in Sacramento pœnitentiæ, imò nec ad regimen propriæ conscientiæ adhiberi. Proindè cùm dicitur *valet, veniale est, non est peccatum, non tenetur, licet, &c.* omnia in contrario sensu intelligenda sunt, aliàs qui in sensu relato eas secutus fuerit *z.g. Licet furari, licet furem occidere &c. &c.* Sciât etiam hanc consequentiam sibi imminere, licet perire, ac in æternum damnari.

C A P U T XXVI.

De impedimentis matrimonia dirimentibus, sive irritantibus, & nulla facientibus.

172. **U**T horum noticiam Curati animarum, omnesq; Confessarij ob casus sæpè contingentes, & sibi familiarem faciant, & suis subiectis benè inculcent; summam impedimentorum, cum brevi declaratione subiicimus.

*Error, conditio, votum, cognatio, crimen.
Cultûs disparitas, vis, ordo, ligamen, honestas.*

*Ætas, affines, si clandestinus, & impos,
 Raptatæ sit mulier, nec parti reddita tutæ.
 Hæc socianda vetant, connubia, facta retractant.*

1. **E**RROR circa personam, ut cum pro Rachele obtruditur Lia, persona una pro alia, non autem circa qualitatem personæ, zg: si ignobilior pro nobiliori, pauper pro divite continget; esset tamen error dirimens, si absolutè nollet consentire in personam, nisi tali conditione affectam.

2. *Conditio* error circa conditionem personæ, ut, si liber contrahat cum servâ, vel libera cum servo propriè dicto, quo nomine venire non debent famuli, neq; coloni, originarii nec adscriptitij glebæ.

3. *Votum* solenne castitatis per susceptionem zg: Subdiaconatus, vel per professionem solennem in religione approbata; sponte emissum. Nam votum coactè emissum non dirimit, nec simplex votum, nisi vota simplicia Soc: IESU.

4. *Cognatio* legalis sive adoptio in Filium, aut Filiam, alibi quidem tantum dirimit ad gradum secundum inclusivè, at in regno nostro hoc impedimentum vim non habet. *Spiritualis* quæ contrahitur ratione Sacramenti baptismi aut Confirmationis, zg: inter baptizantem & baptizatum & ejus Parentes, item inter suscipientes seu Paternos, & susceptam prolem proliq; Parentes. Inter levantes verò virum & feminam omninò nulla. Idem tene de Sacramento Confirmationis. *Carnalis deniq; cognatio*: ab eodem stipite proximè descendantium, dirimit usq; ad quartum gradum lineæ transversæ inclusivè. In primo gradu lineæ transversæ, nemo potest dispensare, ob jus naturæ vetans, in reliquis ex justa causa, potest summus Pontifex; in linea verò recta omnes jure naturæ gradus sunt prohibiti, ac indispensabiles.

5. *Crimen* est triplex, imò homicidium alterius conjugis per alterum, armis, veneno, consilio vel imperio patratum, acce-

accedente cooperatione vel consensu personæ tertix: homicida talis impedimento dirimente cum illa tertia persona contrahere prohibetur. Excipe tamen, si cædes tentata sit, sed non perfecta, seu sinè intentione matrimonij, vel cum intentione, sed non significatâ externis, vel non communi consilio, sed ab altero tantum, non dirimit matrimonium; nisi etiam adulterium præcessit, tunc enim, etiamsi unus tantum eadem perfecit altero ignaro, dummodò fuerit intentione Matrimonij, verè dirimit.

2dò *Adulterium* vivente unius conjugis, per alterum conjugum cum tertia persona commissum, cum mutuo consensu de præsentis, vel promissione de futuro matrimonio, post mortem conjugis; sed ad hoc impedimentum consciscendum requiritur, ut promissio sit acceptata, ut uterq; sciat alterum conjugatum esse: omnis ignorantia vera excusat ab hoc impedimento, dubitatio non excusat.

3tò *Crimen est raptus*, cum Persona quavis violenter abducitur, aut libidinis aut matrimonij ineundi gratiâ; duratq; tamdiu impedimentum, quâmdiu rapta in potestate est Raptoris: si subindè etiam liberè consentiat; ex eò tamen pro juita uxore haberi non potest, nisi libertati priùs restituatur, & tum deinum benevolè consentiat, tunc valet Matrimonium.

6. *Disparitas cultûs*, hoc est religionis, dirimit matrimonium inter baptizatum, & non baptizatam, etiamsi cathechumenum & vicissim. Hæresis alterius conjugum, impedit quidem cohabitationem, si periculum sit perversionis, non tamen dirimit.

7. *Vis* sive gravis metus injustè incussus irritat Matrimonium in utroq; foro, sive ab alterutro contrahentium incutiat, sive à tertio quopiam. Declarationes hujus impedimenti vide apud Theologos, nominatim P. Busenbaum & P. Milunski. *Ligamen*, quo quisquis ligatur conjugii adhuc viventi.

8. *Honestas*, sive justitia publicæ honestatis, ob quam nemo potest contrahere cum Consanguineis illius, cum qua contraxit sponsalia vel matrimonium tantum ratum, sed non consummavit, scilicet ob mortem supervenientem, vel ob professionem religi-

osam

osam, vel aliam ob causam, unde nemo potest ducere filiam ejus, cum cujus matre sponsalia contraxerat, vel matrimonium ratum habuerat, & vicissim: neq; sororem sponsæ: neq; sœmina nubere filio, cujus Patri sponderat, ratovè tantum matrimonio se junxerat, ejusdem fratri: si tamen vel sponsalia fuerunt irrita ob defectum consensûs, vel mutuo consensu dissoluta, hoc impedimentum vim non habet. Aliàs si ex sponsalibus tantum, sed veris, ac legitimis oriatur; impedit tantum in primo gradu: si ex matrimonio rato, usq; ad quartum; oritur deniq; etiam ex matrimonio clandestino.

9. *Ætas* cujus defectus in mare putatur ad annum 14. infœmina ad 12. nisi malitia suppleat ætatem: hoc est, doli & Officij maritalis capacitas, juxta prudentium arbitrium.

10. *Affines*, ob hoc impedimentum non potest ducere in uxorem ullam, ex consanguineis primæ uxoris suæ, usq; ad 4tum gradum superstes maritus: nec Relicta nubere ulli, ex Consanguineis prioris mariti, usq; ad quartum: si autem hæc affinitas contrahatur per copulam illicitam, non extenditur ulteriùs; quàm ad secundum gradum inclusivè *vg.* fornicatus cum matre, non potest ducere filiam, neq; nepotem, neq; sororem, neq; amitinam, consobrinam, multò magis germanam; idem exiltima de sœmina, quod non potest nubere fornicatoris fratribus, amitinis, sobrinis, germanis.

Maritus peccans cum sorore vxoris suæ, non tantum germanâ, sed etiam amitinâ & sobrinâ, non potest amplius debitum à sua conjuge petere ante dispensationem, quàmvis possit, & teneatur reddere.

11. *Clandestinus* cum deest assistentia proprii Parochi, alterutrius sponсорum, vel alterius Sacerdotis habentis potestatem à proprio Parocho, & ducum ad minimum Testium, quorum nomine recipi possunt sœminæ; atq; pueri modò rationis compotes. Vagabundi possunt contrahere coram quovis Parocho, vel si alteruter Sponсорum sit vagabundus; tenetur tamen

tamen Parochus diligenter de eorum conditione inquirere, & petere licentiam ab Episcopo assistendi talibus matrimonijs, aliàs validum quidem erit matrimonium, sed Parochus graviter peccabit.

12. *Impos* Ob frigiditatem, vel naturæ aliud vitium, quæ si sint perpetua, perpetuum efficiunt impedimentum: *si temporanea* 7.g. ex morbo, aut diaboli malignitate, mediantibus veneficijs, ideòq; si antecedit matrimonium, tamdiu matrimonium contrahendum sub valore impedit, quamdiu durat. *Si superveniat* matrimonio rato; non dirimit. De rapta muliere dictum n. 5. verbo *Crimen*.

C A P U T XXVII.

Praxim publicandi Bullam Cæ-
næ Domini Feriâ 5tâ
magnâ insinuans.

173. **N**Aywyższy Pasterz Kościoła Bożego dnia dzisiey-
szego zwykł wyklinać wszystkie Heretyki, y złych
Katolikow, która to klątwę nakazuje we wszystkich kościołach
różnych czasow, ośobiwie dziś publikować, ato dla informa-
cyi wiernych, żeby wiedzieli, iako ostrożnie poczynać sobie
maia, ażeby w pomienione klątwy niewpadali.

1. Wykliná tych, ktorzy czytają księgi Heretyckie, bez do-
zwolenia zwierzchności kościelney wyraźnego, y tych ktorzy
Heretykow bronią, y pomocy dodawiają, także Schyzmatyków,
y tych ktorzy się wyłamują z posłuszeństwa najwyższej Sto-
licy Rzymskiej Pasterza.

2. Wykliná y tych, ktorzy się powadze, y mocy najwyższ-

go Pasterza Kościoła Bożego sprzeciwiają, iakowi są ci, którzy od sentencyey jego, ad Concilium appellują, którzy Listy od Stolicy Apostolskiej dane fałszują, którzy ludzie iakiejkolwiek kondycyi y stanu do Rzymu idących ex voto, iako to Pielgrzymow, albo ztamtąd powracających biją, ranią, kaleczą, albo inszym sposobem onym szkodzą albo do tego pomoc, radę, y fawor dają.

3. Wykliną y tych wszystkich, którzy nowe cła w ziemiach swych, niemając na to zupełney władzy, ustawiają, albo onych aukcyę czynią.

4. Wykliną y tych, którzy dodać zbroi, oręża, kul, prochu, ołowiu, konopi, żelaza y wszelakich wojennych rynsztunkow, y innych materyi do tego służących Turkom, Tatarom, y innym nieprzyjaciółom Kościoła Bożego; imienia Chrześcijańskiego, oraz y tych, którzy sekreta Rzeczypospolitych Chrześcijańskich dla informacyi nieprzyjaciela wydają, na szkodę y zgubę Chrześcijan.

5. Wykliną y tych, którzy kaleczą, ranią, zabijają, w więzieniu trzymają, albo *hostiliter* traktują. Kardynałow, Patriarchow, Arcybiskupow, Biskupow, Stolicy Apostolskiej Legatow, albo ich z swoich Państw, Dyecezyi, z ziemie, y mieysc wyrzucają, y tych, którzy do tego są pomocą, radą y faworem.

6. Wykliną y tych, którzy udających się w sprawach swych do Stolicy Apostolskiej ranią, znieważają, kaleczą, zabijają, albo rozbijają na drogach, y tych, którzy do tego są pomocą, y do exekucyi listow Stolicy Apostolskiej, albo inszych expedycyi są przeszkodą.

7. Wykliną Sędziow, którzy kościelne y Duchowne osoby krom dyspozycyi prawa duchownego, do swego sądu pociągają, albo pociągać dopuszczają, którzy wolność kościelną dopuszczają znosić, wyniszczać, ścisnąć, z kąd Kościół Rzymski, albo ktorychkolwiek Kościołow prawa iawnie, albo potajemnie cierpią praesudicium.

Wykli-

Wykliná y tych, ktorzy dobra duchowne Stolicy Rzymskiey Apostolskiey, y ktorychkolwiek uzurpuia, iáko to dżieżięćiny, ábo powinnych penſyi nie płacá, fundacye, zapisy, y wszelkie prawa Kościołom, ábo ich osohom służące záttrzymuia, y onych wydać niecheá.

Ná ostatek wszystkich Heretykow, Lutrow, Kalwinow, Nurkow, Aryanow, Schysmatykw, y iákieykolwiek Sekty Herezyarchow wykliná, czartu w moc podaie.

C A P U T XXVIII.

Praxim expediendæ Inquisitionis, & Testium examinis declarans.

174. **C**Um injure magna sit vis Testium, & per eos efficacissima, litesq; planè dirimens habeatur probatio, præsertim, si eorum examen legitimè reperiatur expeditum; ideò nè in hujusmodi Commissionibus, & nomen æstimationè Commissariorum vapulet, & partes gravem, ob illorum imperitiam, sumptuum patiantur jacturam; litesq; per consequens, propter iteratas Inquisitiones, immortales reddantur; omnibus & singulis ad præmissum Officium designatis, sequentes regulas proponendas decernimus, & eas manuteneri mandamus.

1. Exhibitum sibi authenticum, legitimi superioris instrumentum accipiens Commissarius, semel, & iterum illud relegere debet, ut probè intelligat, à quo? ad cujus instantiam? contra quem? in quâ causâ committitur negotium: debet enim servare expressam mandati formam, quia aliàs actus foret nul-

lus C. *cum dilecta* 22. de *rescrip: Soesius in lib: 1. decretal: tit. 29. n. 21.*

a. Antequàm ad locum expediendæ inquisitionis sese contulerit, præmittet tempestivè literas innotescentiales; ad videndum & audiendum in tali loco & termino pro parte Actoris vel Rei Testes recipi & jurare, in hac forma.

Oznáymuiemy tym naszym obwieszczeniem, komu by o tym wie-
dzieć należało, a mianowicie NN. z iednej strony, y NN. z
drugiej, iż co Wzrad Konsystorski (si per Decretum Officij no-
stri emanavit Commissio) vel Iasne Wielmożny Im. X. Bi-
skup Wileński (si directè à nobis) w sprawie NN. o rzecz NN.
z Aktorajm pomienionego NN. toczacey się, & è contra (si est
mutuus Actoratus) rozkazał nam odprawić Inkwizycyę; tedy
Ja vel My temu aktowi ażeń N. Miśłaca N. Roku teraz-
nieyszego, na godzinę N. zrana na mieyscu N. nánáczamy,
na którym terminie, aby obie strony tak powołowa cum suis
articulis, iako zápozwaná cum Interrogatorijis, ad videndum &
audiendum Testes recipi, & jurare: Testes zas ad deponendum
secundum Articulos, & Interrogatoria, prawnio juramento. per-
sonaliter, legitime, & peremptoriè stawáli, tym naszym listem
zápozywamy. Dan: &c.

3. Literas huiusmodi debet partibus insinuare & ad valvas
Ecclesiæ unius vel plurium, prout res postulat affigere, Clericus
aut aliquis minister Ecclesiæ, qui nomen, cognomen, Officium,
& quòd literas huiusmodi legitime sit exequutus, scribat in ijs-
dem innotescentialibus.

4. Advertat Commissarius, ad evitandos scrupulos, ut termi-
nus pro juramentis Testium designetur die iuridicâ, nimirum
feriâ secundâ, quartâ aut sextâ. *Ianidl: pag: 116.* Examina verò
post præstita juramenta, semper continuari possunt etiam die
feriatâ.

5. Vigore innotescentialium in loco & termino legitime con-
stitutus, si commodè fieri potest, missam de Spiritu S. celebret,
vel

T E R T I A

96

vel audiat unâ cum Partibus & Testibus, petendo Spiritum S. ut actui imminenti gratiâ suâ assistere dignetur: aliâs absq; missâ, tempore tamen matutino (propter iuramenta à ieiuniis præstanda) in præsentia Partium, funder iurisdictionem; exhibitione & lectione instrumenti authentici, & in ejus fundamento, pro termino hodierno editarum, & legitimè executioni mandatarum literarum innotescentialium.

6. Fundatâ iurisdictione annotet Testes præsentis partis Actores primò, tum Citatæ, ac Partium contra eos, & dicta eorum, protestationes & exceptiones in hac vel simili forma.

Coram Me vel Nobis Commissarijs vigore innotescentialium, legitimè executioni mandatarum, in loco & termino hodierno, congregatis post fundatam iurisdictionem, in fundamento Decreti vel mandati Uc: Uc: comparentes personaliter, vel per legitimum Mandatarium cum mandato Procura Partes produxerunt Testes. Actorea N. N. N. ad probandum, Citata N. N. N. ad evadendum sibi objectas; quos ego vel Nos, salvis protestationibus & exceptionibus Partium contra eos, & dicta eorum, ad Iuramentum admisimus in hac rg: forma.

Forma Juramenti.

IA NN. przysięgam Panu Bogu Wszechmogacemu w Troy-
cy S. Jedynemu na tym iż o co będę pytany na tej Inkwizycyi w
sprawie NN. Aktora NN. z Pozwanym NN. o rzecz NN. toczący
się, tedy mam prawdę powiadać nie mam prawdy ~~ni~~ niwczym utać,
a to dla żadnych respektów, przyjaźni, nie żądając się na żadne dary
lub upominki, od ktoreykolwiek strony, y na tym, iako nie iestem
namówiony, nie proszony, informowany, zkorumpowany, lecz
co wiem, y iako wiem w tej sprawie, tak zeznam podług Bo-
ga y S. sprawiedliwości, niwczym sumnienia mego nie zawodzić,
na czym iako sprawiedliwie przysięgam, tak mi Boże dopomoż.

7. Videat porro Commissarius, an utraq; Pars sit præsens præstationi iuramenti: nam sine præsentia Partis, iuramentum & actus totus nihil valet: testimonij enim essentia in iuramento, præsentem eo, contra quem testes inducuntur, præstando consistit. *L. iussurandi C. de test.* nisi fortè altera pars legitime citata, venire pro termino neglexerit, quo casu eam pro contumace declarabit, ac in ejus contumaciam poterit audire iuramenta testium. *Cap: 2. ubi Abb. tit. eod. Ianid: pag: 115. n. 12.* Hoc tamen sciendum, quòd si negotium, de quo sit inquisitio, favorem partium principaliter respiciat, tunc ijs consentientibus iuramentum remitti potest, & eo casu testes sine iuramento, sub fide tamen, honore, & conscientia deponere possunt, *per text. in c. tuis, quest. 39. & ibi Gl: in v. remittatur de testibus. Lud: Engel: lib: 1. tit. 20. & 21. n. 42.* quod locum non habet in criminalibus, & ubi vertitur interesse Gloriz DEI, boni Ecclesiarum, communitatis, &c: Item de valore matrimonij, ac ubi proceditur viâ inquisitionis ad cognoscenda delicta & similibus, in quibus depositio testium absq; iuramento nulla est.

8. Quodsi Pars comparens protestetur contra actum commissionis, contra testes & dicta eorum, nolitq; auscultare iuramenta testium: Commissarius describet Ipsius protestationem in actis; ad examen nihilominus procedet.

9. Quodsi infirmitatem, aut aliam legalitatem justam opponet, propter quam ad audienda iuramenta testium non poterit adesse: detur terminus ad comparandum, vel saltem ad Procuratorem mittendum, cum mandato Procuratoris: sciat tamen Pars legalitatem interponens, eam suo tempore iuramento coram Officio comprobari, alias ad damna alteri parti causata, restituenda teneri.

10. De numero Testium sciat Commissarius, sufficere eos in omni causa duos, aut tres, dummodò sint omni exceptione

T E R T I A

93

maiores, ad plenam probationem; si tamen plures Partes vel-
lent inducere, eos non repellat, nisi numerum quadragenarium
excederent, effrenatam enim multitudinem Testium, jura refre-
nari cupiendo, non permittunt, hinc inde numerum quadra-
genarium excedere. *c. in omni c. licet de Test. & L. ubi
numerus ff: eod. Iamidl. pag: 123.* hinc ad summum septem
digniores, si una pars seligeret, altera totidem in contra, ulte-
riori verò testium productioni renuntiarent, optimum esset,
nisi magnitudo causæ aliud svaserit.

11. Si tamen queruletur Pars, testes suos non venire, extradat
contra eos citationes, imò monitiones, & annotet in actis dili-
gentiam Partis in ijs producendis, dabitur enim ipsi campus po-
stea, eosdem adcitandi & producendi coram Officio: alias si re-
signabit eorum productioni, amplius eorum productio non con-
cedetur.

12. Juramenta hujusmodi præstantur in hac Provincia à Testi-
bus Nobilibus stantibus, & manu dextrâ pectus tangentibus:
ab hominibus verò Plebeis conditionis genuflexis coram ima-
gine Crucifixi corporaliter.

13. Præstitis juramentis Pars, contra quam testes producuntur,
debet dare interrogatoria Judici aut Commissario, non Parti:
quæ tamen si petita dare recusaverit, Commissarius ipse debet ea
formare, positis ob oculos articulis causæ ex libello, protestati-
one, alijsq; deductis in judicium. *Lud: Engel: ubi supra n: 46.*
aliter enim confecta nihil valent. Interrogatoria hæc scribat de
verbo ad verbum in actu Commissionis hoc modo: *Post Iura-
menta produxit Actor Articulis, Citatus Interrogatoria in te-
nore sequenti: & scribat hujusmodi Interrogatoria.*

14. His habitis removeantur Partes & Arbitri, ac instituat
examen singulorum testium seorsivè, & primò examinabuntur
testes ex parte Actorea, tum à parte Citata inducti.

15. Testi inducto proponat Examiner; quàm periculosum

sit dicere falsum testimonium: & quòd falsus testis tribus sit obnoxius, *DEO*, Cujus contemnit præsentiā, *Iudici*, Quem fallit mentiēdo, *Parti* quam testimonio falso lædit, uti habetur *c. 1. de crimin. falsi* moneatq; ut salutē animæ suæ consulat deponendo.

16. Testem simplicem doceat primò mysteria fidei, juramenti; gravitatem, tum eum ad juramentum admittat.

17. Si duo sint Commissarii, unus inquirat, alter notet responsiones testium. Et quidem primò singulorum scribat nomen, cognomen, Officiū, ætatem, distantiam loci, frequentationem Sacramentorum, *vg:* quando confessus communicavit &c.

18. Magnum Iudici præstaret favorem, si adhuc quæreret testem: *Iesli sę znošit z innemi šviadkami? dōo iesli go nduczano? y kto go nauczał? iako mǎ odpowiadac? ktorey stronie lepiy sprzyia? czy niechce šviadczyć z menšwišci ku ošobie? czy nie mǎ šwego interešsu do tey šprawy? kto go prošil? czy wziǎł zǎ to iǎki upominek &c. &c.*

19. His annotatis exponet testi primum articulum interrogando: quid nam sciat de eo? & unde hoc sciat? an ex visu? auditu? quisnam ipsi narravit? quo tempore? quo loco hoc vidit? vel audivit. Si ex auditu: quæratur, à quo audivit? gravisnè erat Persona, an levis? & ita, unde ille novit? item an sciat benè, an tantum credit & arbitratur. Sic peracto singularum circumstantiarum primi articuli examine, describet totum ijs verbis, & idiomate, quibus, & quo respondit testis, unà cum rationibus & probationibus à teste depositis, & præleget testi descripta: num ita se res habeat? necnè? potest enim in continenti testis se corrigere, non autem ex intervallo, nimirum post dimissionem ex examine, nisi fortè dicat se eris̃sse in prima depositione; tunc enim probato errore, poterit admitti, eritq; depositio illius ultima vera, prima falsa, uti habetur in *c. 7. de Test: cogendis* Soesius in lib: 2. tit. 20. n. 41.

20. Examinato primo articulo, examinet secundum eodem modo, tum tertium & alios, usq; ad finem, annotando in terminis testium responsiones, non autem *affirmativè, negativè*; cum hæc faciant difficultatem, maximè si articulus habeat aliquot puncta.

21. Examine completo, imponat testi silentium, nè dicat de his, super quibus erat examinatus: ut caveatur aliorum testium subornatio: & expediatur testis. Alius introductus examinetur eodem modo: & scribantur verba ipsius propria, quæ etsi eundem sensum habuerint cum primo teste, non scribatur tamen taliter: *iste testis respondit ad primum vel secundum, sicut primus*, nam ex tali scriptura argueretur testis de condictione, & sic posset reprobari à Judice.

22. In actu Commissionis post interrogatoria descripta scribatur sic: *secundum hæc interrogatoria examinatus est primus testis G. D. NN. citatus, juratus, reducto sibi in memoriam juramento de dicenda veritate, expositorq; quod falsus testis &c:* (uti n. 14. annotatum) *Confessus v.g: pro Paschate, nulli Parti consanguineus, amicus utriusq; non deponit causâ amicitiæ, favoris, odij, sed purè propter DEVM, non est informatus, non condictionis cum contestibus, nihil accepit pro testimonio: recognovit & respondit ad primum:* hic scribet responsionem, tum ponetur ratio &c.

23. Testis (Idem dicendum de Commissario) non debet quidem accipere munera, ut se favorabilem uni exhibeat Parti præ alia: tenentur tamen Partes, tam testes de longinquo vocatos, quam Commissarium proprijs sustentare expensis, & tam testi, si uno alterovè die immoretur ob hanc causam, quam Commissario pro rato temporis, & laboris, præter sustentationem, justam providere mercedem: nec hoc dicitur testium aut Commissariorum corruptio, cum ijs acceptis Commissarius quod æquum scribere, & testis deponere, etiam contra suum teneatur Provisorem: nec pro eo indignationis remaneat locus.

24. Prædictis ita conscriptis, concludet Commissarius inquisitionem in hac vel simili forma: *Quæ omnia in occluso Rotulo Vilnam 7g: remittendo, ei aperiendo diem N. mensis N. Anni currentis coram NN. præfixi, in quo termino ut Pars utraq; ad videndum & audiendum Rotulum aperiiri, testimonia publicari, in principali negotio definitivam ferri, personaliter, legitimè ac peremptoriè compareret, per seorsivas citationes, auctoritate mihi hæc super re traditâ, injunxi.*

25. Subscribet se Commissarius, componet & obsignabit Rotulum, remittens illum per certum à Partibus conducendum Cursorem, cum obligatione, nè ulli tradat, aut communicet Rotulum, sed directè ad locum designatum referat; inscribendo exteriorem titulum in hac forma.

Rotulus inquisitionis in causa NN. ad instantiam NN. contra NN. & è contra, (si est mutuus Actoratus) expedita, aperiendus die N. mensis N. Anni præsentis, si tunc &c: alias &c coram VV. Officio Consistorj Vilnensis remittitur 7g: Vilnam

26. Poterit etiam iste Rotulus Parti expedienti inquisitionem, ut pro termino præfixo referatur ad locum debitum, reddi: quod in his Partibus habetur in usu. Citatio verò Partium ad aperiendum Rotulum concipitur hoc modo.

My niże, na papiße wyrażeni Kommissarzy, oznajmiamy tym naszym zapowiemy, iż po odprawionej w sprawie NN. z sedney, a z drugiey strony NN. orzecz w dekreście (si Commissio peragitur ex Decreto) vel w Instrumencie Łasnie Wielmożnego Imci &c: wyłanym wyrażenaz, kommissyji, onę zapieczętoną na do urzędu (vel alias &c:) odrywać, termin owożenid oney dzień N. Miesiąca N. Roku N. na miejscu N. nāznaczylişmy: nāktorim terminie, aby obie strony, tak p-wodowa, iako zapozwana ad videndum & audiendum aperiiri Rotulum inquisitionis, ulteriorem in causa procesum, audiendarq; in principali negotio sententiam definitivam Vilna coram Officio, vel alias &c: personaliter, legitimè, & peremptoriè: Stanowily się, powaga. Przeg.

*Urzędu Iśnie Wielmożnego w Bogu Ndyprzewielebniejszego
Legomości Xędzi Biskupa Wileńskiego zapożyczamy Dani: NN.
Anno, Mense, die NN. N. &c:*

Citationes hæc per executorem, uti innotescantiales supra n.
3 debent Partibus tradi, & una cum instrumento Commissionis
authentico, ac innotescantialibus Rotulo includi &c: &c:

C A P U T XXIX.

De observatione Constitutionum Synodaliū.

175. **H**abetis jam Fratres dilectissimi, probè exploratum,
præsentis congressūs finem, in quo, & luctuosam
pestiferā extinetorum lue, Fratrum nostrorum deflevimus stragem,
& pijs eorum Manibus, devota exolvimus suffragia, &
hostili contaminata labe renovantes Sancta Sanctorum, novam
Ecclesiasticæ Hierarchiæ lati spectavimus faciem: satagendo
pro viribus Nostris, ut & quod perierat, sedulo requiri,
& quod abiectum reduci, & quod contractum alligari, & quod
infirmum consolidari queat, mediante hac sanctâ Synodo, & in
ea, prævijs maturâ deliberatione ac consilio, emanatis; debitè
& legitime publicatis Constitutionibus. quid amplius Nobis faciendum
restat, nisi ut earum commendemus, & inculcemus observantiam.
Quocirca geminamus primò verba Doctoris gentium.
*Ad Gal: 6, Quicumq; hanc regulam sicut fuerint, pax super
illos & misericordia, & super Israel DEI* Tum demum auctoritate
Nostrâ Ordinariâ, & respectivè in casibus contingentibus
Apostolicâ, ut ejusdem Sanctæ sedis Delegatus, universam
Diacresim Nostram in DEI nomine, tenore præsentis decreti
strictè & in virtute S. obedientiæ obligamus, quatenus omnes

& singuli, ad quos pertinebit, prædictas Synodi hujus constitutiones, cum eo observent fervore; nè adjunctarum ijs pænarum habeatur locus: uno contextu requirentes, ut hæce earum pagellas, singuli procurent, illas & ipsi frequenter, præsertim in Decanalibus congregationibus relegant, & populum concernentes, publicè illi denunciare non omittant; quas ubi cum Synodo exoptato concludimus fine, eas Sanctissimo Domino Nostro D. Clementi XI. Salvatoris IESU Christi in terris Vicario; ut Sanctæ Sedis autoritate immutentur, corigantur, emendentur, aut si suæ placuerit Sanctitati, approbentur, debitâ cum reverentia, & plenâ resignatione subijcimus.

CONSTANTINUS

Episcopus imp.

SER-

S E R M O P A S T O R A L I S.

*Illustrissimi Excellentissimi ac
Reverendissimi Domini
D. Loci ORDINARIJ Vilnensis
&c: &c.*

*Post missam in Synodo solemniter celebra-
tam ad initium primæ Sessionis Habitus.*

Stetit IESUS in medio Discipulo-
rum & dixit: Pax Vobis. *Ioan: 20.*



Ustra sex qui jam peregi, tempus implens
indigni mei Præfulatus, quem inter tot, &
tantas iniquitates temporum, adversitates
Fatorum, contradictiones hominum susti-
nendo, sicut me subinde tædebat vivere,
ita oportuit non semel mori. Ecce mise-
rante æternâ bonitate Divinâ, ex omnibus
illis eluctatus, congregatis hodie in unum ad præsentem Syno-
dum, Venerabilibus Fratribus, & Filijs Charissimis sto adhuc in

medio Vestrum, vivus, an redivivus, post iteratos meæ mortis rumores; & voce Pastoris Pastorum vos compello: *Pax Vobis.*


Hæc est illa pax, quam Dominus noster à morte redux ad vitam, ratificavit, & confirmavit, quam prius morte suâ & sanguine subscripserat, atq; obsignaverat; imò quam vix primò natus, mundo per Angelos pacis promulgaverat: *In terra pax hominibus bonæ voluntatis.* Meministis credo illius vocis harmonicæ, quæ non ita pridem serenabat æthera, mulcebat pectora. cælo terras miscebat, & permutabat. Hæc ipsa, aut saltem illius Echo, post elapsi mensem vestris hodie resonat in auribus. cum Ego in hac ætate, parvulus adhuc meritis, infans etiamnum eloquio, unctus tamen & Christus Domini vocationis Officio, in medio Vestrum constiti; atq; ingemino: *Pax Vobis.* Excipit illicò lætissimis acclamationibus hoc jubilum S. Greg. Nazianz: *O chara pax! O dulcis & res & appetitio, quæ bonum es ab omnibus laudatum, sed quod pauci custodiunt!* Prof. & bonum, quo vix ullum melius, imò bonorum optimum, etiam Ethnicis vatis suffragio: *Pax optima rerum,* quas homini novis, se datum est; & Magni Augustini oraculo: *nihil est aliud vita beata, quam pax æterna;* æternitatem scilicet in mortali vita auspiciatus est, qui pacem cum DEO colit, cum proximo curat, in se ipso, ac secum tuetur, & sollicitè conservat. Quid enim optabilius, & beatius, quam DEUM habere benevolum, & faventem hominem nullum infensum, ac offensum, se ipsum sibi quietum, atq; tranquillum experiri, quod ita clarè S. Leo Papa explicat. *Tunc est vera pax hominis, & vera libertas, quando & caro animo judice, & animus DEO Præfæ gubernatur.* Quod si cupiditates rationi subijcere, affectus ad legem Domini componere non cogitamus, frustra jactamus verbis *Pax, Pax,* & non est Pax; quia ut ait Propheta: *non est pax impijs, dicit Dominus.* Vera ergo Pax, non nisi sicut rosa de spinarum hirsutis erumpit, sicut favus Samsonis in dentato discincti Leonis ictu, ab armatis aculeo apibus elaboratur, sic nemo, nisi bellator & victor

viſtor, pacem veram obtinuit, Pax bello paratur. Pax nimirum, quæ à DEO venit, non inermis eſt, ſed bellicoſa, debellans peccata, ait S. Hieronymus, & doctus Sylveira, addit reflexè: *niſi gladius præceſſerit qui deſecet vitia, pax non ſequitur.*

Ad Togatum quendam Conventum, ad Comitium pacificum vos convocatos eſſe putatis Fratres Chariffimi? non fallimini; convocati enim eſtis Paſtorali buccinâ ad prælium Domini Exercituum, omnis ſacer populus ſicut vir unus. Bellum vobis impero cùm pacem anuntio; oleam pacis oſtendo, ſed ad lauros Martis, & ſudore multo, & Sangvine rigandas voſ. Nectamen, ſive nomina contundo, ſeu res perturbo. Quis mitior Agno, qui coram tondente ſe obmutuit, & non aperuit os ſuum, cum duceretur ad victimam. Idem tamen, ut tolleret peccata mundi, cœu durus Præliator in terram irruit: ex ore ſuo non blanditias, & lenitatem; ſed gladium ancipitem, & bis acutum evibravit. Ille, qui nominatus eſt, Princeps Pacis, & Pater futuri ſæculi, ille qui ab Apoſtolo Pacis incarnatæ (ipſe enim eſt pax noſtra) titulo ſalutatus eſt, Ille inquam de ſe ait: *non veni pacem mittere ſed gladium;* & quaſi non ſatis eſſet ferrum in cadēs, & internecionem ſtringere; ſlammis etiam non abſtinuit, quin glaſſaretur: *ignem veni mittere in terras!* Cum Moyſe proinde hominum omnium mitiſſimo, hodie concitor; ut vos excitem. *Qui Domini eſt, jungatur mihi;* quicumq; ſe in Clerum, ſive ſortem Domini vocatum agnoſcit, qui zelum gloriæ ejus proſitetur, qui Ovium ejus integritatem, atq; ſalutem, ſuo pectore, ſuâ annonâ, id eſt vitâ, debere ſe tueri intelligit, jungatur mihi, mecum ſociet curas, jungat ſenſus, conatus omnes, & promptam voluntatem intendat, & pertranſeundo à porta, ad portam, ab ingreſſu præſentis Synodi, uſq; ad exitum, gladium acutum in utramq; partem vibret, & ſtringat in corda inimicorum Regis, interficiat omnes peccatores terræ, id eſt peccata, quæ dominantur in plebe, abuſus, qui irrepſerunt in Eccleſia, conſuetudines pravæ, quæ vim legis ſibi arrogant, & præſcri-

scribunt. En Fratres Charissimi hostes nostri, quos præsentī prælio vincere, atq; profligare debemus. Hostes nostri, ut præcavet S. Bonaventura sunt triplices. Bellum quoq; nobis cum ijs pariter triplex, scilicet Domesticum, Civile, & Campestre gerendum est. Primum cum Carne; civile cum tentatione mundi; campestre hostile cum Dæmonibus. Hostes nostri sunt, qui DEO, ac Domino nostro hostilitatem jurârunt, in eamq; conjurârunt. Non putate à me indigitari tantum Dissidentes ab Ecclesia in articulis fidei, atq; ita, aut in SSS. Trinitatem blasphemos cum Mahomete, aut Messæ Christi Divinitati rebelles ludæos, aut Divinitati VERBI infensos cum Ario, vel Processioni Spiritûs S. cum Photio, vel Sacramento Altaris cum Calvino, vel Sanctorum invocationi, meritumq; justificationi cum Luthero, vel sedi Apostolicæ, & Vicariæ DEI in terris potestati, perduelles omnes in unum. Bellandum quidem cum omnibus istis, gladio Verbi DEI, non quidem læviagto, & expolito ad splendorem per eloquentiam (quanquam nec hoc illaudabile est, ubi esse potest) nec artificiosè vibrato, sed animosè districto; in Virtute Spiritûs, & boni exempli, atq; irreprehensibilis conversationis, ut nullus adversariorum possit quidquam mali dicere de nobis. Quod dignè fit, si opus facimus Evangelistæ, bene vivendo, bene docendo, moribus & verbis instruendo, sicut ipse Magister noster (ut legitur in Actis Apostolorum) *qui prius facere cepit quam docere.* Sunt porò alij, sunt magis noxij, ijq; longè frequentiores hostes, crimina scilicet Christianorum, ut nulla immanior bestia est, legis, ac professionis suæ obliato Christiano. Hæc dum longè lateq; porrecta intueor, infinitam multitudinem, sicut Stellas cæli, quas numerare nemo potest, aut arenam in litore maris, videor mihi videre, & cum Propheta exclamare Osee 4: *non est misericordia, nec scientia DEI in terra, maledictum, & mendacium, & homicidium, & furtum, & adulterium inundaverunt, & Sanguis, Sanguinem tetigit.* Infernales istæ copię, in tantum excreverunt, ut il-

ut illis, non pagi, non oppida, non urbes, non loca ulla sufficiant, omnis hominum ætas, omnis sexus, omnis conditio, omnis status suis sceleribus in Deum armatur, atq; insolefcit. Incipiunt simul sapere, simulq; peccare pueri, pergunt adolefcetes, non cessant juvenes & viri, senes pleriq; prius vitam, quam arma in Deum deponunt. Nec virorum tantum ista ferocia plenus est mundus, penetrat etiam ad molliorem, & ad vitia procliviorcm sexum. Quid dicam de alijs statibus, & conditionibus? Finem non habet potentiorum superbia, infirmorum livor ac malitia, inter pares odia, ac immortales exercentur inimicitiz; cupiditas non expletur rapinis, ac usuris; ebrietas post tot fortunatum, virum, vitarumq; naufragia, non relinquitur; adulteria, incæstus, & ejusmodi fœdissima commercia, pudorem ferè omnem, metumq; exuerunt, dilatarunt os suum in Cælum, posuerunt blasphemias, atq; perjuriam. At castra Domini Exercituum, & Sacra militia Clericalis, proh dolor! hereditatem, ac possessionem Domini sui vastari, atq; perfundari, id est animas pretioso Sangvine Divino comparatas, scelerum atrocitate, æternum patitur interire! Audite ergo cæles, ad quos spectare dignoscitur, gravissima maximi Pontificis Gregorij M: exprobratio: *Ecce mundus Sacerdotibus plenus est, sed tamen in messe DEI rarus valde invenitur operarius, quia Officium quidem Sacerdotale suscipimus, sed opus Officij non implemus; fructus quippe Ecclesie in stipendio quotidiano percipimus, sed tamen pro æterna Ecclesia minime in prædicatione laboramus. Pensamus ergo, cujus damnationis sit percipere mercedem laboris, pensamus cujusnam atud Deum sit criminis, peccatorum pretium manducare, & nihil contra peccata prædicando agere, pensamus qui unquam per linguam nostram conversi, qui de perverso suo opere nostrâ increpatione correpti, penitentiam egerunt? Quis luxuriam ex nostra eruditione deseruit? quis avaritiam, quis superbiam decimavit? Quasi diceret, ecce clericalis militia, ecce Castrorum acies ordinata, pro Ecclesia, & DEO excubat, seu*




excubare se dicit, stipendia adnumerata singuli recipiunt, disciplinâ militari omnes imbuti sunt, & tamen arma rubigo consumpsit, aut longa desuetudo inutilia reddidit. Sunt arma, sunt viri, sunt Castra, sunt milites, Inimici nihilominus DEI vivunt. Vivunt, & confortati sunt, & multiplicati, cum grandi nostro opprobrio, & confusione.

Atq; utinam hostilitas in Deum armata, in populis tantum sæculoq; subsisteret! utinam plebem tantum profanam, in Sanctum Sanctorum Dominum incitaret, ac secum raperet! Illud atrocius est, quod nec finè uberrimis lacrymis, nec finè bile, ac vehementi cordis stupore eloqui possum. Illi ipsi, qui à Domino in socios belli electi, corporis ejus stipatores, lateris custodes constituti, ejus cælesti annonâ enutriti, ejus stipendijs ditati, ejus armis instructi, sunt illi inquâ, qui se Sacramento fidelitatis obstrinxerunt, *Filij Ephraim intendentes arcum, conversi sunt in die belli:* Et quod Moyses simili gemitu deplorat: *Incrassatus est dilectus meus, & recalcitrauit; impingvatus, dilatatus, dereliquit Deû Factorem suum, & recessit à DEO Salutari suo:* idest Sacerdos, qui sacer veluti Dux, populis, ad expugnanda vitiâ esse debuerat & verbo, & operis exemplo, idem ad hostium castra, turpi defectione transfugit. *sicut populus, sic Sacerdos.* Ille otio, & ignavâ dissolutus emarcuit, ut incurius exterioris honestatis, sic longè magis internæ pietatis, & virtutum culturæ; somno tantum, & ventri, utinam non venerit deditus; nesciunt forsân tales, quoniam *corpora eorum* (juxta Apostolum) *sunt membra Christi,* & S. Hieronymo attestante; de nullo peccato legitur dixisse Deus: *penitet me fecisse hominem,* nisi de peccato carnis, pro quo totum mundum diluvio delevit. *Per agrum hominis pigri transivi, & per vineam viri stulti* (ait Spiritus S.) *& ecce totum repleverunt urtica, & operuerunt faciem ejus spinæ, & maceria lapidum destructa erat:* istorum ignavorum veluti describens OEconomiam, quasi visitâisset semiruta, atq; inornata Tempia, squallida in suo situ, dispersa sacraria, araneis, pulvere, centonibusq;

nibusq; obſita altaria, atq; in ruinam inclinata, undiq; ſtillantia ædificia, deſertos agros, vacua promptuaria. Verbo, ubi nullus ordo, ſed quaſi ſempiternus horror; neglecta Sacrorum locorum cura, nulla deniq; erga Sancta Sanctorum reverentia, adeò, ut forſan de noſtris temporibus longè ante verè prædixerit D. Chryſoſt: *olim templi foribus inſcriptum erat ſilentium, nunc autem à foro nihil differt Eccleſia*: Emere quid aut mercari lubet, magis idonea Eccleſia, quàm forum? ſæpe enim de his rebus, quàm in iſtis Officinis loqvuntur. Nunc Eccleſia Domus, imò domo aliquà profanà magis; nam in Domo quidem Ordo ſervari ſolet, hic verò magis tumultus, nihilq; à caupona differt, Tanta turba, tantus riſus, quantus in foro. Alius, ut otium fugeret, otio deterioribus occupationibus manus, animumq; applicuit; tenet poculum de mane, uſq; in profundam noctem, & qui ad vineam Domini conductus eſt, in vinea Sodomorum, & in ſuburbijſ Gomorrhæ fatigatur à vino, ſeu ab ignobiliore potu, non recepturus diurnum denarium, ſed perditurus cum denario, & ſubſtantiam, & famam, & conſcientiam. Noſſent utinam iſti D. Chryſologi ſententiam, quâ vitium iſtud probroſiſſimum confixit: *Ebrietas in alio crimen eſt, in Sacerdote ſacrilegium, quia alter animam ſuam necat vino, Sacerdos Spiritum Sanctitatis extingvit*. Hæc ſcilicet omnium fertile eſt ſeminarium, imò radix, quæ ſæpe: numero in Corpore ſubdito peccato, excitat quoq; infamem libidinem ſicut Apoſtolus clarè demonſtrat hanc eſſe legem peccati membris noſtris inſitam, hanc eſſe legi Divinæ, atq; rationi oppoſitam rebellionem.

Affinis luxuriæ luxus, à pace Chriſti quosdam divellit, & in Perduellium acie conſtituit: Cernitur enim (ait S. Bernardus) in nonnullis Sacerdotibus, veſtium cultus plurimus, Virtutum aut exiguus, aut nullus. S. Aug: hoc quoq; olim jam inculcaverat. *Corporis luxus, id eſt hominis exterioris ornamenta, quânto magis appetuntur, tantò magis ſunt interioris hominis de-*



trimenta. Consentit eidem S. Doctori, ex Grecis disertissimus Isidorus Pelusiota: *Paria, & gemina sunt prorsus, inutili, inaniq; circa vestes ambitione efferri, ventrig; ac gula per voluntatem ancillari.*

Alius quidem, numerata jam dedecora evitando, omnem Sollicitudinem, atq; applicationem, ad opes cumulandas transfudit. Subtrahit etiam decoræ honestati, ne dicam cultui Divino, & Decorî Domus DEI, quod suæ cistæ, aut visceribus terræ incrementis apponat; non modò Pauperes Domini, seu verius Dominum in suis Pauperibus fame conficit, sed etiam se ipsum damnabili conficit jejuniò, unde suam fortunam impingvet; Ecclesiæ, & suis subtrahit necessitatibus, unde vel ingratiissimæ, ac dissolutæ ex sanguine posteritatis luxum nutriet, vel primo occupantium, ac diripientium, sine ullo metu Bullæ cænæ Domini illaqueat, & strangulet conscientias. Contra hos iusto invehitur Zelo Pius II, Pont: max: *Avari verè nulli, nisi post mortem prosunt.* Salubrius foret sequi doctrinam S. Aug: *Divitia si desunt, non per opera mala quarantur; si autem adsunt, per bona opera servantur in Cælo, sicut & divini præcepti meminisse oportet: Nolite thesaurizare Vobis thesauros in terra, ubi erugo, & tinea demolitur, & ubi fures effodiunt, & furantur. Thesaurizate autem vobis thesauros in Cælo, ubi neq; erugo, neq; tinea demolitur, & ubi fures non effodiunt nec furantur.*

Advertendum verò est diligenter, bellum intestinum sicuti in Rebus publicis miserum esse solet, in quo tam sit miser qui vincitur, quàm qui vincit; ita in mundo minori, in unoquoq; nostrum, nihil tali intestino bello, & felicius & gloriosius esse potest, cum Spiritualis homo, carnalem subigit, internus homo externum vincit, homò qui secundum Deum creatus in virtute Sanctitatis, hominem qui corrumpitur in desiderijs, & concupiscentijs suis castigat, & in servitutem redigit, mortificat, atq; debellat.

⚡ Bellum intestinum ansa esse dicitur, quâ bellum externum attrahi-

attrahitur, caput esse putatur, cui corpus bellorum externorum, facile substruitur. Ego verò, intestinum bellum in se, benè, fortiter, sapienter, ac feliciter gestum, caput esse censeo omnium externarum victoriarum. Sicut enim frustra gladium in extraneum hostem vibrat, qui intra se periculosiorem hostem, ac proditorem habet, & turpe, est Doctori, cum culpa redarguit ipsum; ita postquam interiores in potestatem rediguntur, & omnes in suam militiam ordinati fuerint, in suam etiam potentiam, copiasq; recensiti, nullus Omnino externus sit, licet potentissimus, validissimus, & ferocissimus, non formidabitur. Hoc Propheta dicebat; *stemus simul, & quis est Adversarius meus, qui noceat mihi.*

Sunt præterea nobis, & bella socialia, quæ pro socijs proximis secundum Deum, pro ovibus inquam nostris gerere debemus obstitendo calamitatib; temporum, quæ eos premunt, obstitendo inquam opportuno, cum adest auxilio, consilio, solatio, sive vivant, sive periclitentur, & ægrotent, sive moriantur, nostro subsidio non egere non possunt. Bellum nobis sociale, pro miseris, & pupillis, pro afflictis, & oppressis, contra potentes Exactores, Raptores; qui Sangvine, & lacrymis Pauperum vescuntur, qui devorant plebem, sicut escam panis. Bellum est contra eos, qui bona Matris, & sponsæ nostræ Ecclesiæ invadunt, rapiunt, diripiunt, usurpant, & retinent. Bellum tamen illud, defensivum esse debet, non offensivum; Civile etiam, cum civilitate, ac mansuetudine Domini nostri IESU Christi gerendum, qui in tali apud hortum Getsemanicum bello, allisit quidem, & prostravit ad terram, sed non mactavit; aurem etiam quam Petrus acinace suo ressecavit, clementissimè restituit, maluitq; ipse occumbere, quàm noxam ullam suis Adversarijs, in vita, sanitate, & honore inferre.

Intellexistis ex hactenus dictis, Bellum nostrum multiplex, & unum, quia perpetuum: *militia est enim vita hominis super terram*, hominis maximè DEO dicati, seu Sacerdotis. Bel-

lum esse nostrum, contra potentissimos hostes, aut pauciores, aut debiliores, quia & Dæmones militare nomen sibi arripiunt, ut in Evangelio cum interrogaretur, *unus quod tibi nomen?* ille ait, *legio*: & peccata juxta Origenem, *viros hostibus præbent*.

E contra, adsunt Angeli Socij, adest Christus Dux, & hortator, unicum restat, ut ad hoc bellum armemini. Porrigit gladium contra æternum hostem, sive perfidias, sive hæreses, sive crimina sæculi, Propheta Domini Ieremias, unicujq; vestrum, sicut olim Iudæ Machabæo Duci, & Sacerdoti in visu nocturno (nam somnia figurarum sub luce Evangelica evanuerunt) *Accipe unusquisq; sacerdos, gladium aureum, gladium Sanctum, in quo deicies Adversarios populi mei Israel*. Porrigit gladium & hesternus Ensifer Hierosolimitanus, longævus Simeon, quem Sanctissimæ DEI Genitrici Virgini, ita porrexerat, ut ejus, & animam stringeret: *Tuam ipsius animam pertransibit gladius*. Hic est gladius, quem intestino bello adhibeatis in hostes internos, id est in vestras concupiscentias, in vestros prævios impetus, corruptaq; naturæ passiones stringatis, donec ponatis inimicos Vestros scabellum pedum vestrorum. Porrigo deniq; & Ego, indignus licet, Propheta Domini, ut Ieremias, & Simeonis inclinatam Senectutem, licet non passibus æquis insequens, gladium illum, quem non quidem in re, sed in verbo Machabæus senior filijs suis testamento legabat: *Vos ergo Filij confortamini, & viriliter agite in lege; quia in ipsa gloriosi eritis. Retribuite retributionem Gentibus* (scilicet qui gentiliter in Patrimonium Christi manum extendunt) *& intendite in præceptum legis*.

Hoc eodem stylo obsecro vos, & hortor per viscera misericordiæ DEI nostri, in quibus nos visitavit, & fecit redemptionem; ac spondeo, talibus bellis, non victoriam, non amplissima de Cælo victoriæ præmia, non triumphos, in superno illo triumpho, defuturos. Deniq; totum sacrum cætum Synodalem Doctoris Gentium accommodata Valedictione ultimis alloquor Verbis.

Vos

Vos Scitis, à primâ die qua ingressus sum ad hanc Cathedralam, qualiter vobiscum per omne tempus fuerim, serviens DEO, & meæ dilectissimæ Diœcesi in continua Sollicitudine, in laboribus plurimis, in tribulationibus, & angustijs, in persecutionibus, & tentationibus, in exilijs in itineribus sæpè periculis ex genere, periculis intra; & extra Patriam, periculis à falsis Fratribus. Vestris in oculis, & coram DEO meo, bonum certamen certavi, cursum consummavi, fidem Servavi, in reliquo spero reponendam mihi coronam justitiæ.


Ego scio propter jam inclinatam ætatem meam, Deus autem melius scit, quia amplius non videbitis faciem meam, vos omnes, quos ad præsentem S. Synodum frequentes cerno congregatos.

Attendite ergo Vobis, & universo gregi, in quo vos Spiritus S. posuit Præpositos, regere Ecclesiam DEI, quam acquisivit sanguine suo. Non in comæssationibus, & ebrietatibus, non in cubilibus, & impudicijs; avaritia, verò quod est idolorum servitus, nec nominetur in vobis, sed induimini Dominum nostrum IESUM Christum.

Et nunc commendo vos DEO, & verbo gratiæ ipsius, qui potens est ædificare, & dare hæreditatem in Sanctificationis, ut sitis perfecti in ætatem plenitudinis Christi, non quibus adhuc ut ait Doctor gentium lacte opus sit.

Qua propter Charissimi, mente integrâ, fide firmâ, virtute robustâ, parati ad omnem DEI voluntatem simus, conservantes fortiter Dominica mandata, in simplicitate innocentiam, in charitate concordiam, modestiam in humilitate, diligentiam in administratione, vigilantiam in adjuvandis laborantibus, misericordiam in fovendis Pauperibus, in defendenda veritate constantiam, in severitate disciplinæ censuram, ne aliquid ad exemplum bonorum desit in vobis.

Et pax, quæ exuperat omnem sensum, custodiat corda vestra, & intelligentias vestras in Christo IESU, cui sit honor, & laus, & gloria in sæculorum sæcula,



S E R M O

habitus in Synodo Diœcesana
a Perillustri, ac Reverendissimo Domino
GEORGIO CASIMIRO
A N C U T A

Juris Ultriusque Doctore, Cano-
 nico & Officiali Generali Vilnensi,
 Præposito Regiæ Capellæ Sancti
 Casimiri.

Dedit Talenta unicujq; secundùm pro-
 priam virtutem *Mat: Cap: 25. V. 15.*



ad animarum regimen,

Ocationem Ecclesiasticam, grande Talen-
 tum esse, ille forsitan ignorat, qui quan-
 tum in ea, à Cælesti Rege acceperit ?
 quantumquæ ex accepto debeat non per-
 pendit. Quoscunquæ Dominus ad hanc
 vitæ conditionem, statumquæ vocavit,
 dedit eis talentum honoris, in plebe sua
 collocando cum Principibus populi sui,
 & judicium, vocando simul Aaron, ad
 Offe-

Offerendas hostias placationis, ad immolandum sacrificium benè placens, atq; perfectum, quod nec Angeli præsumunt, multò minus Reges, aut Principes Terræ, edocti Saulis, & Ezechix Regum supplicio. Dedit eis talentum sufficientiæ temporalis, quin imò, quot eis dedit talenta, sive corporis, sive animi, sive naturæ, sive gratiæ, sive fortunæ, in illius vocationis dorem, tot dotes assignavit. Quis non videt, hoc Talentum unum, æquivalere talentis quinque, duo exsuperare, collectam omnium summam adæquare, siquidem tantis alijs circum vallatur: Dedit unicuique talenta. Sanctus Apostolus Imā Corinth: imò, Divisionem gustarum, ministracionum, operationum, istam talentorum distributionem vocat: *Alij quidem datur per Spiritum sermo sapientiæ, alij autem sermo scientiæ, secundum eundem spiritum, aliter fides in eodem spiritu, alij gratia sanitatum, alij operatio virtutum, alij prophetia, alij discretio spirituum, alij genera linguarum, alij interpretatio sermonum.* Longum esset explicare singula ad captum, summatim attingo aliqua. Ille pollet talento exemplaris modestiæ, atquè Sanctimonix, alter morum suavitate, atquè comitate animos hominum sibi conciliat; alius de corporibus hominum genios malos fugat, alius naturali prudentiâ œconomicâ administrat, alius animos hominum dexterrimè tractat, litigia componit, abolet dissidia, pacem restituit; alius sapientiam datam sibi, in sacra Cathedra pro concione, alius pro tribunali pænitentix, in excipiendis Fidelium Christi confessionibus demonstrat, alius consilio potentior, alius hortamento; quid hæc omnia? nisi Talenta? quorum verò omnia, nisi ad vocationem Ecclesiasticam, ritè atquè perfectè obeundam. O quanta talenta accepimus? sed & O quantum? ex hoc talentorum talento debemus? à nemine solum capitale expectatur, duplum ad minimum, à quovis exigitur, qui accepit quinque talenta, totidem alia repræsentare tenetur, cui duo credita, alia duo in lucro adferre, cui unum duntaxat datum est, vñ si ex uno, alterum non lucrificerit! sed

de hoc circa finem. Nunc o Fratres in Christo Venerabiles, illud expendamus, quid est: *Vnicuique secundum propriam Virtutem?* Non dat Dominus talenta, nisi secundum Virtutem, & quidem propriam Virtutem, virtus ergo, & virtus propria vera, atque legitima est talenti mensura, tantumque quisque habet talenti, quantum virtutis. Sicut prius dantur dentes, quam panis, digitus quam annulus, Corpus quam vestis, manus, & sinus, quam dona, sic & prius intenditur virtus, quam talentum etiam Ecclesiasticæ vocationis. Non dubito unum quemque vestrum, virtutem prius optasse, quam Prælaturam, prius vitæ Sanctimoniam, quam ejus dignitatem, ac splendorem, prius gratiam suæ vocationis, quam fructus beneficiorum; nec in ullum, præposteram illam, quæstus rationem cadere potuisse, *quænda pecunia primum est, Virtus post nummos.* Vobis O Sanctioris Romæ Filij convenit, quod de suis majoribus Romanus scriptor Aurelius maximus, chartis consignavit: *Majores nostri omnia post religionem habuerunt.* Hæret vobis alto in pectore, tenacique memoria, oraculum Domini omnino imperiosum *querite imprimis Regnum DEI*, de quo alibi, *regnum DEI intra vos est*, Regnum inquam per quod regnat Deus, in animabus vestris, omnes sensus, & membra corporis, omnes potentias animæ, omnes intellectus operationes, omnes oculorum ietus, omnesque aliorum sensuum ætus, veluti numerosissimum populum, in obsequio continet, & sceptro nutus sui gubernat, atque moderatur. Virtus est regnum DEI, quam ille inter suos titulos recenset, *Dominus virtutum, Rex virtutum*, quo titulo magis, quam regnis omnibus terrarum, ipsoque regno Cælorum gloriatur, nec enim omnia regna terræ, sine virtute quidpiam sunt aliud, quam chaos vitiorum, nec ipsum cælum, regnum esset, ac regia DEI, nisi virtutum esset professio, & patria. Quid adhuc virtus est? est illa lex æterna, quæ sub lege vivitur, est mos gentis Divinæ, est tota ratio & forma in DEO, & secundum Deum agendi, atque vivendi. Quid virtus? est dispositio boni
ad Op-

ad optimum, juxta illam legem vivam, quæ est ipse Christus, in moribus suis, & actibus; est procedere è virtute in virtutē, ex merito in meritum, è bono in melius, virtus dispositio boni ad optimum. Quid deniquè virtus? est constans atquè perpetua voluntas, juxta legem, rationesquè æternas, & juxta exemplar DEI Incarnati vivendi. Si virtus est voluntas; non igitur erit virtus, illud virtutis naturale simulacrum (quo sæpe ita fallimur) ut ignavos atq; phlegmaticos, irites atquè humiles, prædicemus, arrogantibus adscribamus magnanimitatem, iracundis & impatientibus zelum, dissolutis, modestiæ limites egressis, sævitatē morum, atquè illam lætitiā, quæ solius bonæ conscientiæ, comes incedit individuas; non negaverim equidem virtutum semina, in natura insita esse, eaque exteriores in actiones erumpere, verum tamen nec semen, aut germen è terra pullulans, jam culmum esse, aut frugem plenam, scintillam jam flammam, aut ignem, nec aliquam inclinationem naturæ, jam virtutem esse, idest voluntatem agendi, juxta legem, æternasquè rationes, & juxta exemplar DEI Incarnati, illud nobis cælitus à Patre datum, eamquè voluntatem constantem, atquè perpetuam. Rursus si virtus constans est voluntas? excludatur meritò à Virtutis Nomine, illa temporanea bonitas, quam, quis vel inter prima statūs Clericalis assumpti exordia, aut certè aliquando, tactus & compunctus, interiori, Divino admonitu profiteretur, nec tantum simulat, verum etiam ex animo exercet. Non est virtus, brevis quidam impetus bonæ mentis, non vapor ad modicum parens, non fulgur momentaneum, & in ietu oculi evanescens fulgetrum. Virtus boni operis est perseverantia, undè parum refert virtutis, si manè tantum ores, & psallas, at in decursu diei nomen Domini, malis moribus blasphemies, sub vespere verò ad sales vanitatis, & voluptatis, in earumque gratiam lascivias. Non incepta duntaxat, nec interpolata boni voluntas, est virtus, sed constans atquè perpetua, non artificio quodam efficta, ac simulata, propter oculum Vigilantissimi Pastoris, propter virgam

attendentis Prælati, propter vanam gloriam observantis proximi, propter temporale emolumentum (quod illo artificio venatur) ipsius simulatoris. Non dantur talenta nisi juxta virtutem, quasi diceretur, tantum datur talenti, quantum est virtutis, quidquid enim recipitur per modum recipientis recipitur; quanta virtutis capacitas, tanta & abundantia talenti. Nunquid non acceperat, & Absolon formam, & Goliath pro statura vires corporis, & Balaam prophetiam, & Achitopel consilij præsentiam, & Iudas acquirendi industriam, & Nabal opes, sed quia virtus, quæ tanta dona susceperet, & firmo veluti margine contineret, non adfuit omnibus istis, melius erat talenta enumerata non habuisse: singulis illorum talenta sua, versa sunt in talentum plumbi, aut molam asinariam, ad collum, quod eos profundius mergeret in stagnum sulphuris, & in lacum ignis, omni calamitate redundantem. Vestram appello experientiam, nunquid non quotidie cernitis, in unoquoque suum talentum, eo splendidius eminere, quò veriore & majore virtute sit præditus. Talenta in manu virtutis, idem faciunt, quod in ista umenta; sed si imperitâ, atque ignavâ manu tractentur, quid efficiant? omnino nihil: sumat verò Apelles penicillum, Bezeleel calum & malleum, Apollo citharam, aut eo verior, & dignior David; ô Deus! ô quanta, hinc imaginum venustas, ac vivacitas, illinc ex auro & alijs metallis vasorum soliditas, atque pulchritudo, qualis erat arca fæderis, aut admirabilia illa vasa templi salamonici, illinc quantum reddit Cithara melos, qualem harmoniam, quantâ aures, animosque mulcet suavitate? atqui eadem Cithara, in manibus indocti streperet, idem calum, atque malleus otia retur, idem penicillus monstra pingeret, & oculorum sbominaciones. Talentum in virtute, Civitas in monte, lucerna super candelabrum; talentum extra virtutem, civitas in vallem præcipitata, lucerna modio oppressa. Quis enim sine virtute talentum, aut ritè suscepit, aut exercuit graviter, aut fideliter Domino suo conservavit? Numquid non longè sæpius, ille ter-

& ejus professionem, religioso nihilo inferior, non regulâ cujuspiam Sancti Patris, sed Sanctorum Patrum Canonibus adstrictus: ille & militiæ clericali deditus, & pro castris Domini exercituum, contra hostes invisibiles excubat in acie, & talenta ad negotiationem accepit, & artificium illud nobilissimum professus est, de quo Sanctus Hidelbertus: *ars arrium est regere hominem, animal semper varium ac mutabile.* Regere autem in conscientia, & in officio Christiano continere, & cum omnium attingat munia, omnium requirit virtutes, sive singulorum, sive universorum, virtus propria non commodatur ab aliquo, ad obtentum, non imputatur per humanum favorem, sed proprio Marte, proprijs meritis, propriorum talentorum exercitio, ad gradus, & sublellia Ecclesiæ eluctandum: *virtuti* (ajebat Comicus) *deceat niti non fautoribus;* propriam deniquè virtutem uniuscujusquè censeo, quæ tam suo statui & professioni congruit, quàm personæ; & sua quemquè vestis, statum à statu, ut nomen & vultus, hominem ab homine, sic propria virtus professionem à professione distingvit, ac discernit. Nemo sanus delphinas sylvis appingit, fluctibus apros, nemo cervos in aëre venatur, & è metallorum fodinis volucres laborat effodere, in proprio elemento cujusque rei facienda conquisitio, & in propria virtute, sui statûs talentum exercendum. Nemo retibus arat, aut aratro piscatur, proportionata ad quodvis opus adhibeantur media, proportionatæ ad talentum status sacerdotalis, ejusquè Pastorale Officium adhibeantur virtutes. Regere hominem animal semper varium, ac mutabile, in conscientia, & in Officio Christiano continere, est cultûs Divini studium insatiabile, ut colatur, & à nobis & ab ijs, qui nostræ curæ crediti sunt, colatur inquam ritè, decenter, perpetuò, in Spiritu, & veritate, non verbo tantum & affectu, sed opere & effectu. Virtus propria est charitas, erga proximum insatigabilis, omnium salutem quærendo, omnium animabus consulendo, nec temporalia, ubi fas est denegando, omnia se omnibus exhibendo. Virtus propria est circa se

ca se ipsos cautela, & securitas, nihil indulgendo passionibus animi, nihil voluptatibus corporis, nihil vanitatibus mundi, nihil illecebris diaboli, nihil carni, & sanguini, conscientiae puritatem, propter se, ac Deum, morum, & actionum honestatem, etiam propter proximum conservando, providentes bona, non tantum coram DEO, sed etiam coram hominibus. Virtus propria viri Ecclesiastici, est æquanimitas? in prosperis, cum hominum favor, temporum felicitas, abundantia rerum, ac DEI adspirat benedictio, nihil per insolentiam, animique resolutionem designando. Virtus demum sacerdotis est, magnanimitas in adversis pro DEO, & Ecclesia, rerum penuriam, temporum calamitatem, hominum odia potentum, ipsius inferni furias, ac insultus, obfirmato pectore perferre. Ea virtus Ecclesiastici viri quintuplex, quæ talentorum quinque numero correspondet. En vocatio Ecclesiastica, unum talentum, & multiplex, unum ex multis acervatum & in unum conflatum. O grande talentum! quod tantis dignè æstimatur Virtutibus, imò talibus virtutum margaritis: ô grande talentum! quod tanti valet, quanti ipse qui accepit, nam talenti huius jacturam, Deus sibi, nonnisi ipsius perditoris æterna venumdatione compensat: tanti est talentum, quanti cælum, & quanti Deus in gloria sua, quia huius talenti recta negotiatione, gloria cælestis, Deusque ipse paratur, *ego ero merces tua magna nimis.* Dum hæc apud vos dissero, ut ad studium Ecclesiasticæ Virtutis promoveam, quo maxime promoventur, ac incitantur mortalium animi, vivens, ac vivax exemplum omnium, quæ in hanc sententiam dici possunt, Antistes noster talentatissimus, æquè ac virtuosissimus, titulo utroque Illustrissimus, ob oculos nostros versatur. De eius heroica anima, quod cælestis sponsus de sua sponsa dixerat fas est etiam prædicare: *multæ filia congregaverunt divitias, & talentorum 10 meritum, tu supergressa es universis.* Præsidet enim Sanctæ huic Synodo, virtute sublimior, quàm dignitate, & altiores meritum, quàm honorum gradus cœnitus, Sanctitatis Nomen cætui

cætui nostro impertit, ille ut ad virtutis modum, talenta accepit, quam miramur, ita & ad eandem mensuram, in lucrum Domini expendit, & in eodem modo atque mensura ad exhibitionem ultimæ rationis conservat. Merito igitur ad eandem mensuram, nostrum omnium talenta exigit, & imprimis ipsam exigit mensuram, hoc est virtutem Ecclesiasticam, summus inter nos utriusque arbiter, & censor, remunerator, & vindex, pro ea sollicitudine, quâ pervigilat, tanquam rationem pro se, suisque redditurus, hanc Synodum collegit, idest universale talentorum lustrum, & virtutis instituit arbitrium, ipse ad explorandam talenti cujusque sinceritatem, lapis lidius, ipse ad mensuræ, virtutis inquam justitiam, authentica quædam mensura divinitatis caractere consignata. Quod enim honoris Divini studium, quem zelum salutis proximorum, in Apostolis Apostolicisque viris memoramus, quantam æquanimitem pro se, & magnitudinem animi pro Ecclesia, in summis quibusque primorum sæculorum heroibus? quantam & integritatis propriæ sollicitudinem, in liliatis innocentiz Præsulibus, ut non eadem in uno Antistite nostro nisi intueri nolimus, ac suspicere, manibus ipsis non possimus attrectare, illum constantis, ac perpetuæ voluntatis in bono, voluit esse normam, providentia, cui ad tres supra septuaginta annos, hunc animi, hunc Corporis vigorem servavit. Merito scilicet utriusque viribus viget, ac valet, cui hucusque non pes à recto deflexit, non manus ab opere DEI defecit, ac vacillavit. Nostrum est nostrum, o Fratres Charissimi! tantæ virtutis ita præcepta capeßere, ut simul exempla percipiamus, ac sectemur, bonitatem verò æternam, ardentissimè deprecemur, ut illud exemplar, quod tam vivum dedit, & tam vivax esse voluit, sæculis majus jubeat esse, atque diuturnum. Nos interim post tanta exempla, qualia vix prisca tulerunt sæcula, nostrum quibus omnino beatum est, non perperam nobis, professionem nostram accipiamus. neque nomen ejus malè interpretemur, O clerus sæcularis, quasi verò sæculum, &
vir-

virtus nihil habeant commune. Sæculares quidem estis, in sæculo commorando, sed non in sæculo, aut juxta sæculi nequam leges, & maximas conversando. Quid refert (ajit *Tertulianus*) ubi (imò quod in sæculo) sitis, quàm extra sæculum estis. In sæculo quidem estis, sed non aliter, quàm Loth mansit in Sodomis. Iob in terra Hus, David cum habitantibus Cedar, Ionas in ventre ceti, Daniel in lacu leonum, ipse Christus inter mortuos liber, sicut rubus ardens in ignibus, absquè nutrimento viroris, sicut lilium inter spinas, citra violationem candoris, tali ratione, & vos in sæculo estis, ac esse debetis, quos neque flamma ignis adurat, aut afflet, nec belluæ maris, ejusvè fluctus perdant, nec dens leonis, etiam calumniæ speciem dentis habente lædat, non suis illecebris Cedar incolæ pervertant, non ullæ spinæ saucient, aut lædant: *nolite* (ajebat Apostolus) *conformari huic sæculo nequam sed reformamini Spiritu mentis vestræ*; meminisse enim debetis, vel non ita vocari, sæculares, ut Spirituales (quod vocatione complexi estis, & ex communi appellatiõe, olim iam audire cepistis) aliquando esse desinatis. Novimus à subacta Asia Scipionem, alterum Asiaticum, alterum Affricanum ab Affrica fuisse appellatum, Drusum Germanicum pariter à Germania, & à Dacia Decium Trajanum; vestra illa sit gloria coram DEO, & hominibus sæculares, sed à sæculo in vobismet per virtutem Christi subacto, à sæculo sed sub potestatem DEI. ejusquè jugum redactò appellari, nihil obest ob promiscuam inter homines mansionem dei sæculares, si ipse Spiritus Christi, quem vos amatis & prædicatis, & regula sit vobis, & clausura. Veniet tempus, & forsitan prope est, atquè in foribus; quo nec sæcularibus nomen suum damno, nec Spiritualibus, quin etiam regularibus erit præsidio. Non nominis enim ratio nobiscum inibitur, sed talentorum, non quo quisquè nomine fulserit insignitus, sed quomodo bona Domini sui dispensaverit? tunc apparebit, quantum lucrifecerit.



ORATIO SYNODALIS

*Perillustres Reverendissimi Domini Domini***JACOBI SZCZUKA,**

Canonici Vilnensis Præpositi

Grodnensis.

Anno 1717. die 5. Februarij tempore Synodi Diœcesanæ habita.

Spectaculum facti sumus mundo & Angelis & hominibus. *Epist: 1. ad Corint: Cap: 4. Ver: 9.*

Suprà augusta Imperatorum diademata, altius
 excelsis Regum solijs, fulgentibusq; Principum
 tyaris, vestrum amplissimum Sacerdotij imperium;
 vestra ligandi solvendiq; in terris Majestuose potestas
 eminentiori exposita spectaculo transcendit cuncta mundi
 fastigia attingit, imò adæquat cælestis Hemisphæ-
 rij culmina. Illustrissime Antistes. Illustrissimi, Reverendissimi,
 Perillustres Admodum Reverendi Domini: Cæteri; vestris titulis
 dignissimi Auditores. Eminent hæc Majestas Ecclesiastica
 tantò superius suprà consuetam Regnantium sortem, quantò propius,
 assimilatur Numinibus, *Vos Dij estis, & Filij excelsi; Vos*

evexit nos titulis, iam lucem mundi, iam salem terræ, iam lucernas arduentes appellans monensq; *Matt. 5. Sic luceat lux vestra coram hominibus ut videant opera vestra bona, & glorificent Patrem vestrum, qui in celis est.* Sed si contraria agimus, commissum susceptumq; onus non adimplemus, pertimescimus Salvatoris oraculum. *Omnis plantatio, quam non plantavit Pater meus celestis, eradicabitur, cæci sunt, & Duces cæcorum, cæcus si cæco ducatum præter, ambo in foveam cadunt,* facile hic de parvo exemplo morumq; perversitate loqui, Dominum intelligemus, si hæc strictius perpendere non gravemur. Sed quantò huic spectaculo profundius inhæreo, tantò majora se offerunt Evangelica Christi æternæ veritatis decreta: *Matt: Cap: 23. Væ vobis quia similes estis sepulchris dealbatis, quæ à foris patent hominibus speciosa, intus verò plena sunt ossibus mortuorum, & omni spurcia; a foris quidem patetis hominibus iusti, intus autem pleni estis hypocrisi & iniquitate.* Imò vereor ne nostrum quempiam sequentia eodem in loco à Christo pronuntiata concernant monita. *Omnia ergo, quacunq; dixerint vobis servate, & facite, Secundum verò opera eorum nolite facere; dicunt enim & non faciunt, alligant enim opera gravia & importabilia, & imponunt in humeros hominum. digito autem suo nolunt ea movere.* Quantum verò Angelis spectaculum facti sumus, mentis fideiq; aciem intendamus. O quàm immensam hæ Angelicæ potestates in nostri muneris Officijq; dignitate contemplantur excellentiam? quàm eminens suprà communem mortalium sortem intuentur fastigium, quantis prosequantur nos studijs! Cernunt hi cælestes Cherubini ipsum cælum in nostras transferri manus, eo instanti, quo tremendum incruenti Sacrificij holocaustum dicamus. Nōrunt hi ipsum Dominum (*qui est Sacerdos in æternum*) collocasse solium suum in cordibus iustorum, *quorum anime in manu DEI sunt:* qui pacem ponit fines Ecclesiæ, & frumenti adipe satiat nos. O utinam hisce supernis epulis satiati fiamus templum Spiritus Sancti, imò cælum in nos transformari senti-

est. Infernalis ille capitalisq; DEL, & hominum hostis, sub profanæ mundanæq; deceptionis Splendoribus, vitiorum monstra malè cautis hominibus insinuare consuevit. Quis non experiat mendaciorum avaritiâq; esse fautorem Mercurium, effrænata iræ furentem Martem, ebrietatibus insatiabilem Bacchum, aliarumq; larvarum scelera, authore peccati Diabolo mundo invexisse. Non cessant hucusq; ejusdem inimici Principis terrarum infernales artes, & toti humano generi intentare, & singulari astu in Ecclesiasticos sævius assurgere, movereq; ferociore insultus & prælia. Non ignorat callidus ille inimicus malum superiorum exemplum, originale quoddam delictum esse, eosq; æternæ Veritatis cernens constitutos esse Administros, illorum defectus, profanos mores, vitam scandalosam, & si quæ occurrunt vitia, cæteris hominibus malitiosè proponit, imitandaq; svadet. Et quod deterius est, multis grata sunt sacerdotum delicta, ut ijs excusent sua, & ut minuant vitiorum suorum facinora, audacius exaggerant aliena delicta, & sæpius malitiosè confingunt. Neq; tam curiosè eminentiores Ecclesiasticorum virtutes, bonaq; exempla, quàm vitia advertuntur. Et preut hæc potestas sacerdotalis sublimioris honoris fastigio excellit cætera honorum culmina, ita ob regiminis difficultatem, immensosq; labores, ardua est, & plena periculi. Ut verò condignè collaboremus Evangelio secundum virtutem DEL, perpendamus vocationem nostram, quàm grande animarum depositum, pretio Christi sanguinis redemptarum manibus nostris gestamus. Offerunt se nobis certamina cum Hæreseos belluis, quæ perversâ doctrinâ magnam Stellarum partem de cælo militantis Ecclesiæ in luctuosam egerunt ruinam; debellanda non solum peccatorum monstra, sed etiam orthodoxæ fidei exterminanda ignorantia, hostesq; Ecclesiæ & DEL, vestrà vigilantia, vestrà fidelitate devincendi.

Animet nos ad hunc Apostolici zeli fervorem DEL & Proximam amor, indefessâ veritatum æternarum trutina: *suavia elo-*

quia

quia Domini super mei & favum, mandatorum DEI, præceptorumq; Ecclesiæ rigor, indispensabilis deniq; vi characteris suscepti strictissima obligatio. Quod si hæc non moveant, moveat timor Judicii gehennæq; æternæ, quia hic sanguis de manibus tuis requiretur.

Compungat mentes animosq; nostros Sancti Gregorij supremi Ecclesiæ Capitis monitum: *Ad exteriora enim negotia delapsi sumus, & aliud ex honore suscipimus, atq; aliud ex Officio actionis exhibemus, ministerium prædicationis relinquimus, qui honoris nomen, non virtutis tenemus.*

Ne quem verò mea hæc offendat oratio, cum ad Vos peculiari respectu hic meus dirigitur sermo mihi quoq; dico, cum me Sacerdotem vobiscum ejusdem characteris agnosco.

Horret animus, pertimescit Spiritus, dum ad Judæ Apostoli Catholicam Epistolam, Spiritus Sancti utiq; digito exaratam, convertitur; qui plus impendimus sollicitudinis privatis commodis excessibus profanis; taceo inexplebilem quorundam Ecclesiasticorum colligendarum divitiarum aviditatem, publicas uturas, insatiabiles ebrietates, aliq; sexcenta iniquitatum monstra, præterire non possum, quin sacrum præfati Apostoli textum fideliter referam. *S. Iudas Epist: sua ver 12. Hi sunt in epulis suis macula convivantes, sine timore semetipsos pascentes, nubes sine aquâ quæ à ventis circumferuntur, arbores autumnales; infructuosæ, bis mortuæ, fluctus feri maris, despumantes suas confusiones sydera errantia, quibus procella tenebrarum servata est in æternum.*

Declinabimus euademusq; procul dubio has & similes animadversionum censuras, si sedulo spectemus Illustrissimi hujus congressus scopum.

Convocavit nos in hanc urbem ad Ecclesiam hanc in Ducatu nostro matrem Optimi Pastoris, paternus & vigilans Apostolicus Zelus, qui cupiens videre sponsam suam sine nœvo, in amplissima hujus suæ Diœceseos vastitate, cum Illustrissima sacri
sui

sui Senatûs assistentia, ut quæ sunt debilia, stabiliat, quæ minantia ruinam, fulciat; quæ vitiosa refecet, dissoluta & defectuosa ad pristinum Ecclesiasticæ disciplinæ redigat vigorem, sacrorumq; Canonum observantiam.

Rex qui sedet in Solio judi. ij. dissipat omne malum intuitu suo
Prou. 20. Cap: Conscendisti Illustrissime Præsul, primusq; magni Ducatus Litvaniz eminentissimus Senator, jam dudum amplissimis beneficijs tuis cumulatam per triginta proximè annorum curriculum Pontificatus tui splendoribus, & eximijs doctrinis Illustratam Cathedram tuam. Certè si quid adhuc devium repensibile sit, intuitu tuo cuncta dissipaturus.

Sapientia filijs suis vitam inspirat, & qui illam diligit, diligit vitam. Ecclesiaste Cap: 4. Ver: 13.


Inspirasti magne Constantine filijs tuis sapientiæ consiliorumq; vitam, per præsentem Illustrissimum congressum Synodalem sicut Aquila provocans ad volandum pullos suos & super eos volitans expandisti alas vigilantissimæ sollicitudinis tuæ. Habes tuo nomini obligatos, tuæq; Pastorali authoritati strictiori vinculo addictos, quos ipse tuis virtutibus, Sanctissimisq; exemplis enutritos conspicias; jamq; nos singulos sub tui Præfulei honoris auspicijs in sortem ministerij, & in partem laborum tuorum vocatos intueris.

Quibus quantisq; consilijs ex statione Senatorij culminis Patriam suffulisti; quanto fervore & zelo Ecclesiam (strenuè ejus defensâ immunitate) protexisti; taceo ego, sera & immortalis loquatur posteritas.

Quem itaq; septuaginta Roma, Zelozissimum Antistitem non semel in Urbe Præsentem, summisq; Pontificibus intimum solij Assistentem venerabatur & coluit. Eundem hodie noster cætus vigilantissimum Pastorem adorat.

Vive tot sæcula, quot in æno celebras & numeras Constantinos, donec ad immarcescibilem plenus dierum meritorumq; eucharis coronam.

Ast quoniam cecidit fors super Mathiam, & Mathias excelsis
 T
 supra



suprà sortem in Republica & Ecclesia fulgens meritis norma Apostolici zeli & victima charitatis factus, omnium voto divinâ disponente providentiâ destinatus Coadjutor, Tuis ille in columis assistat annis; fulciatq; fessos Pastoralis solitudine humeros. Vos verò Almi hujus Capituli sacriq; Senatûs quotquot purpuratos Catones intueor, non deviabo, si vos singulos ut clarissimas ideas toti huic Hierarchiæ Ecclesiasticæ in spectaculum virtutum imitandarum proponam. Quos alios Episcopali cum Senatoria dignitate conspicuos, Alios propter eminentes scientias rarasq; qualitates in prima sydera Ecclesiæ assumptos, alios in Reipublicæ arduis negotijs conspicuos Consiliarios, alios ex Senatoria stirpe; primisq; Regni familijs junctos; Universa hæc par Regnis Provincia spectaculum exemplaris vitæ pietatisq; in vobis colit & intuetur.

In his omnibus Regi Regum, Pastori Pastorum, à quo omne datum optimum & omne donum perfectum desursum est descendens à Patre Luminum; (Ep: S. Iaco: Cap: 1.) fiat Laus, Honor, Virtus & Gloria.


Ad M. D. T. O. M. G. B. V. M. S. L.
O. C. H. SS. OOq;. Venerationem

ALLOCUTIO

Illustrissimi ac Reverendissimi,
Domini Loci Ordinarij

post completum sermonem: *Fratres dilectissimi &c:* ex Pontificali Romano, habita in ipsa conclusione Synodi juxta dicta numero: 107.

Noverunt credo dilectiones vestrae, necessitate Canonicae Synodionis Conc: Tridi: quotannis Synodum Diocesanam, omnino debere celebrari, sed quia in hac strictioris Observantiae legis obligatione videtur me dispendiare, tum juxta consideratio, extensae nimis in lingua & latum amplitudinis Diocesis meae, ut vix intra quinquennium, seu ad minus triennium illa expediri possit; tum ratio praevectae aetatis meae, & legis naturae indispensabiliter juxta voluntatem Divinam brevi adimplenda. Qua propter absolutam jam feliciter per DEI singularem gratiam praesenti Synodo: omnibus ac singulis Charitatibus Vestris ultimum valedicendo, a Datore omnium bonorum, & DEO totius consolationis, omnia prospera vobis evenire ex animo opto, atq; enixe Fraternitates Vestras rogare contendo, quatenus coram Divina majestate, in SS. sacri-



cijs, tam in vita superstitis, quam exuti corporis mortalitate, velint meminisse mei. Si quem autem ex vobis, quomodocunq; offendisse contigit, meæ humanæ fragilitati, in charitate Fraternali, ignosci flagrantissimè postulo.

Iam ergo finitis per DEI gratiam feliciter nostris Comitibus Synodalibus, nunc possum jactari ad exemplum Sancti Pastoris, quod sim utiq; Pastor bonus, quia cognosco oves meas, & cognoscunt me meæ ita, ut paratus sim animam meam ponere pro Ovibus meis, quodocunq; opportuna se offeret occasio.

ORDO ECCLESiarUM

&


CATHALOGUS UNIVERSI CLERI

Dioecesis Vilnensis.

Ecclesia Cathedralis.

Illustrissimi, Reverendissimi, Perillustres Admodum | Reverendi Domini Prælati & Canonici hujus Ecclesiæ capitulariter descripti.

Perillustri Reverendissimus D. Petrus Połubinski *Præpositus.*
 Perillustri Reverendissimus D. Boguslaus Gosiewski *Decanus.*
 Illustrissimus Reverendissimus D. Alexander Horain *Episcopus Samogitiæ, Archidiaconus.*



Illustrissimus Reverendissimus D. Mathias Ancuta Episcopus
Misinopolitanus, Coadjutor, Suffraganeus, *Custos, Reverendissimus M. D. Litt.*

Perillustres Reverendissimus D. Martianus Szaniawski, *Scholasticus.*

Illustrissimus Reverendissimus D. Carolus Pancerzyński, Suffraganeus albae Russiae, *Cantor, Notarius M. D. Litt.*

Perillustres A. R. D. Christophorus Bialkozor S. Theol: *Licent: Canonicus.*

Perillustres Reverendissimus D. Michäel Zienkowiez Nominatus Suffraganeus Samogitiae, *Canonicus.*

Perillustres Reverendissimus D. Ludovicus Ogiński Nominatus Episcopus Smolenscensis, *Canonicus.*

Perillustres A. R. D. Petrus Karp. *Canonicus.*

Perillustres A. R. D. Iacobus Szczuka, *Canonicus.*

Perillustres A. R. D. Andreas Wołodkowiez, *Canonicus.*

Perillustres Reverendissimus D. Georgius Ancuta I. U. Doctor, *Canonicus & Officialis Generalis.*

Perillustres A. R. D. Franciscus Gieczewicz, *Canonicus.*

Perillustres A. R. D. Dominicus Przeclawski, *Canonicus.*

Perillustres A. R. D. Christophorus Polubiński, *Canonicus.*

Perillustres A. R. D. Hilarius Gintowt, *Canonicus.*

Perillustres A. R. D. Adamus Kiełpiński, *Canonicus,*

Perillustres A. R. D. Ioannes Bychowicz, *Cancellarius Diocesis.*

Perillustres A. R. D. Alexander Zebrowski S. Theol: & J. U. Doctor, *Archidiaconus Albae Russiae.*

Vice-Praelati, & Vicarij ejusdem Ecclesiae.


A. R. D. Emmanuel Przekopski, *Penitentiarius qui & Vice-Custos.*

A. R. D. Petrus Rozewski, *Concionator Cathedralis.*

A. R. D. Andreas Horn *Vice-Decanus.*

A. R. D. Martinus Kamiński, *Vice-Cantor.*

A. R. D. Andreas Szegisznar



A. R. D. Michâél Matkiewicz,
 A. R. D. Simon Zawadzki.
 A. R. D. Simon Gaylewicz.
 A. R. D. Simon Dowiat.
 A. R. D. Iacobus Arawinko.

Decanatus Vilnensis.

Vilnæ *Illustres Admodum Reverendi*
Domini Præpositi Parochi & Com-
mendarij.

Ecclesia Parochialis S. Ioannis	Ioannes Tolscikiewicz Protho-
	notarius Apostolicus, C. S.
Ecclesia Præpositalis S. Petri in	Petrus Procewicz <i>Canonicus,</i>
Antokole.	Reg: Later: S. T. D.
Ecclesia Præpositalis S. Stephani	Carolus Ludkiewicz.
Ecclesia Parochialis S. Augustini	Canonici Reg: BB. MM. <i>de penit:</i>
in Zarzecze.	
Ecclesia Præpositalis SS. Trini-	Petrus Schensfelt C. S. Magr:
tatis.	Cær: Cath:
Ecclesia Præpositalis SS. Nico-	Michâél Dąbrowski C. S.
demi & Iosephi.	
Ecclesia Præpositalis S. Mariæ	Andreas Szegsznar.
Magdalenæ.	

Extra Vilnam Paro-

chiales.

Ławaryszki.
 Rudomina
 Turgiele.

A. RR. DD. Par-

ochi.

Adamus Wyfogird.
Filia Ecclesie S. Ioannis.
 Andreas Kurczbach.

Nie-

Niemenczyn,

Meyſzagola.

Altaria.

Kiernow.

Altaria.

Podbrzezie.

Miedniki.

Rukonie.

Cudźciszki.

Decanatus

Poboyſk.

Szeſzole.

Nidoki.

Zmoydki.

Owanta.

Altaria.

Skiemiany.

Bolniki.

Widzieniſzki.

Malaty.

Incurki.

Illustrissimus Episcopus Samo-
gitæ qui supra.

Simon Raczkowski.

Vacat.

Nicolaus Cwieciński. Can: Reg.

Ioannes Przyiałowski.

Alexander Deborowski.

BB. MM. de penit.

Samuel Wiſcicki Can: Reg.

BB. MM. de penit.

Vacat.

Ioannes Bychowiec

Cancell: Diœcesanus.

Poboyſcensis.

Illustres, A. RR. DD.

Decanus & Parochi.

Matthias Eygird Decanus &
Parochus.

Petrus Eymont.

Jacobus Swielewicz.

Christophorus Dowalewicz.

Gabriel Merlo Januſzkiewicz.

Vacat.

Stanislaus Moniuſzko Can: Reg.

BB. MM. de penit.

Vacat.

Perillustres A. R. D. Liberius


Glinda Præpositus Infulatus.

Can: Reg: BB. MM. de penit.

Carolus Merecki.

Florianus Sobolewski.

Du-



Dubiński.
Szyrwinty.
Giedroycie.
Musniki.
Upniki

Decanatus

Oszmiana;

Zuprany.
Soły.
Oskowiec.
Worniany.

Gierwiaty.
Smorgonie.
Cicin.
Olszany
Krewo
Altarię 2.

Łosk.
Traby.
Altaria
Surwiliſzki.
Narwiliſzki.
Grauzyſki.

Petrus Wężyk Ambrozewicz.
Adalbertus Szepiotowski.
Nicolalus Sawiniwicz Decanus
Georgius Dackiewicz. (Viln;
Vacat.

Oszmianensis.

Illustris, A. RR. DD.
Decanus & Parochi.

Perillustris Reverendissimus D.
Boguslaus Gosiewski.
Vacat.

Stephanus Swirkowski.
PP. Ord: Prædicatorum.
Georgius Kurezbach *Decanus &*
Parochus.

Adalbertus Nicolaus Bohusz.
Mathias Woronowski.
Filia Smorgonensis.
PP. Ord: S. Francis: Min: Convē.
Vacat.

Petrus Matusiewicz.
Stanislaus Baranowski.
Michaël Szwarc.
Antonius Wołmiński
Martinus Domucewicz. (C: Pllt:
Vacat.
PP. Franciscani.
Vacat.

Deca-

Decana
tus

Swirensis.

*Illustris, & A. RR. DD. Decanus
& Parochi.*


Swir.	Illustrissimus Coadjutor, Suffraganeus Vilnensis.
Altaria ima.	Petrus Białtyński.
Altaria ada.	Adalbertus Bohusz.
Międzyoś.	Carolus Szemioth.
Altaria.	Alexander Kałusowski.
Postawy.	Andreas Szczęśny.
Zadźwiewie.	Iosephus Szylf.
Komaie.	Ioannes Bołondźwicz.
Łyntupy	Simon Mamulewski.
Altaria.	<i>Vacat.</i>
Swiranki.	<i>Vacat.</i>
Bystrzyca.	Stephanus Pałzkiewicz.
Michałiszki	Canonici Reg: BB, MM. <i>de paulis.</i>
Zodźiszki	Casimirus Juniewicz.
Daniuszow.	<i>Filia Ecclesie Sotensis.</i>
Woystom.	Nicolaus Koźioł, <i>Decanus & Parochus.</i>
Kurzeniec.	Martinus Bazarewski.
Kobylnik.	Ioannes Kobjernicki.
Kościeniewi- cze.	<i>Vacat.</i>
Niechaniszki.	Martinus Załozka.

Decana
tus.

Lidensis.

*Illustris Decanus, & A. RR.
Domini Parochi.*

Lida,	Laurentius Bordyński <i>Decanus, & Parochus.</i>
	Bialo-




Białohrud.	<i>Vacat.</i>
Wawiora,	<i>Vacat.</i>
Dylewo,	<i>Vacat.</i>
Wasiłiszki.	Martinus Łuczewski.
Iszczolna.	Iacobus Prokopowicz.
Bielica,	PP. Ord. Prædicatorum.
Zołudek	Ioannes Borowski.
Różanka	Antonius Narkiewicz.
Kamionka	Basilus Strutyński.
Lackie.	Stanislaus Opielski.
Nowydwor	Michaél Orzechowski.
Zabłocie.	Michaél Grycewicz.
Zyrmony.	Mathias Witkowski.
Horodna.	Iosephus Olszewski.
Nieciecza.	Antonius Kałusowski.

Decana
tus

Radunensis.

*Illustris Decanus, & A. R.R. Dni.
Parochi.*

Radun.	Mathæus Porcik.
Altaria,	<i>Vacat.</i>
Eyżyzski,	Bartholomæus Hrynciewicz.
Dubicze,	<i>Filia Radunensis.</i>
Nacza.	Michaél Ławrynowicz.
Soleczniki,	<i>Vacat.</i>
Altaria.	<i>Vacat.</i>
Bieniakonie	Dominicus Konopka.
Hermaniszki	Ioannes Kołakowski.
Blotno,	<i>Filia Hermaniscensis.</i>
Trokiele,	Simon Januszkiewicz.
Dworzyszcze	<i>Filia Trokielensis.</i>



Gieranony *Illustrissimus Episcopus Samogitiae. Vice-Prelatus*
(Iacobus Naruszewicz.


Subotniki, *Illustris Ioannes Dąbrowski.*
Zygmunc- *Petrus Wzorek.*
izki.

Lipniski. *Idem.*
Iwie, *Vladislaus Mackiewicz Decanus & Parochus.*
Dudy, *Filia Iwienfis.*

Decana *Wilkomirienfis.*

tus *Illustris Decanus, & A. R.R. Dni:*
Parochi.

Wilkomirz. *Antonius Kosiakowski.*
Alt: Towiany *Illustrissimus Suffraganeus Vilenfis.*
Dziewiałtow *Ioannes Szymborski.*
Sieliki *Georgius Iacewicz.*
Pogiry. *Thomas Walentynowicz.*
Szaty. *Laurentius Strehcyko.*
Zeymy. *Andreas Medeksa,*
Kieydany. *Casimirus Petruszewicz.*
Opitołoki. *Casimirus Surblewicz Comendarius.*
Remigola. *Petrus Sacewicz Perpetuus Vicarius.*
Altaria. *Vacat.*
Poniewiez. *Stanislaus Jałgowski, Perpetuus Vicarius.*
Troupie, *Vacat.*
Rogow, *Stanislaus Januszkiewicz.*
Neostadium, *Casimirus Strawiński Decanus, & Parochus.*
Onikszty, *Perillustris Reuerendissimus D. Boguslaus Gosiewski*
Altaria. *Vacat.*
Kowarsk, *Thomas Koziell.*
Kurkle, *Canon: Reg: BB. MM. de panit.*



Widziński

Traszkuny,

Pompiany

Decana

tus

*Filia Wilkomirienfis.*PP. Ord: S. Francisci min: *de observantia.*PP. Ord: Carmelit: *ant: observantie.*

Kupiscensis.

*Illustris Decanus, & A. RR. DD.**Parochi.*

Świadość

Szymance,

Kupiszki,

Subocz,

Wobolniki,

Poswol,

Krynicyzn,

Podbirze,

Birze,

Poniewonie,

Rakiszki,

Abele,

Krewno,

Dusiaty,

Sicuruki,

Juzynty,

Skopiszki,

Uciana,

Użpole,

Wizuny,

Komayki,

Ponedele,


Wenusow,

Hanuszyszki.

Poniemonie

seu Kwerki,

*Illustris Melchior Bohufz C: Litvonia.**Ioannes Ziolkowski Commendarius**Michaël Piotrowski.**Casparus Chlewicki.**Casimirus Czaykowski, Decanus, & Parochus.**Stephanus Stangur.**Iosephus Marćinkiewicz.**Antonius Ribinski C: S. Proth: Apostolicus.**Idem.**Laurentius Ralewicz Can: Reg: BB. MM. de panit.**Adamus Iosephus Fiszer.**Simon Tołwiński.**Petrus Casimirus Boniszko.**Martianus Kosieradzki.**Capella.**Michaël Mazurkiewicz C. Reg: BB. MM. de panit.**Illustris Iosephus Puzyna C: S. S. Theol: licent.**Idem.**Filia Vcianensis.**Iosephus Jusiewicz.**Dawid Podubryniewicz.**Martinus Gostkowski.**Vacat.**Filia Abelenfis.**Ord: S. August: Can: Reg: BB: MM. de panit:**Deca-*



Decana
tus

Bracławienfis.


*Illustris Decanus, & A. RR. DD.
Parochi.*

Hodućiszki,	<i>Illustris Petrus Schenfelst Magister C. Eccl: Cath:</i>
Swinciany,	<i>Joannes Neystadt.</i>
Altaria,	<i>Idem.</i>
Dawgieliszki	<i>Michaël Urbanowicz.</i>
Lymgmiany.	<i>Casimirus Gašiorowski.</i>
Koſtyniany.	<i>PP. Ord: S. Franc: Convent:</i>
Kukuciszki	<i>Jacobus Węckowicz.</i>
Łabonary.	<i>Filia Kukuciscensis.</i>
Tauroginy.	<i>Georgius Raximowicz.</i>
Sołok.	<i>Illustrissimus Episcopus Hieropolitanus.</i>
Jęziorosa.	<i>Joannes Tołwinski.</i>
Dryświaty.	<i>Joannes de Węda.</i>
Bracław.	<i>Perillustris A. R. D. Dominicus Przecławski, C. Vilnens:</i>
Druia.	<i>Perillustris Stephanus Dębkowski.</i>
Ikazń.	<i>Stanislaus Sinicki.</i>
Pohost.	<i>Filia Ikaznensis:</i>
Widze.	<i>Adalbertus Narbutowicz, Decanus.</i>
Twerecz.	<i>Thomas Trzeszewski.</i>
Miory.	<i>Ludovicus Dziakonski, BB. MM. de parit:</i>

Capellæ in hoc Decanatu.

*Sieniszki, Rymszany, Suginty, Dukszty,
Smółwy, Suwiek, Opsa, Mile.*

Deca-



**Decana
tus**

Trocensis.

*Illustris Decanus, & A. RR. DD.
Parochi.*

Olkieniki.	Iacobus Ioannes Miśiewicz, <i>Decanus.</i>
Troki Prz- positura	Perillustris A. R. D. Marcianus Szaniawski.
Troki Abba- tia.	Perillustris A. R. D. Carolomanus Myśliński, Abbas Ord: S. Benedicti.
Anuszyfski.	<i>Vacat.</i>
Piwofszuny.	PP. Ord: S. Benedicti.
Punie.	Michaël Piotrowski, <i>Commendarius.</i>
Olita.	Franciscus Ludkiewicz, <i>Commendarius.</i>
Daugi.	Valentianus Dyrwoniszko.
Przelaie.	<i>Filia Daugiensis.</i>
Niemonoy- cie.	Martinus Pukiński.
Nietowiszki.	Georgius Kasperowicz.
Łyszkow.	Adamus Tomaszewicz.
Merecz.	Georgius Juszkiewicz.
Altaria.	<i>Idem.</i>

**Decana
tus**

Semnenfis.

*Illustris Decanus, & A. RR. DD.
Parochi.*

Urdomina.	Michaël Obuchowski, <i>Commendarius.</i>
Łozdziecie.	Andreas Widmont.
Siemno.	Michaël Borkowski.
Balwierzy- fski.	Stanislaus Piotrowski.

Udria.

Udrya.
 Metele.
 Sereie.
 Święte. Ie-
 ziora.
 Wieysieie.
 Leypuny Ca-
 pella.
 Berzniki.
 Seyny.
 Punsł.

Mathæus Ambrożewicz.
 Carolus Andrzejkowicz.

Idem.

Vaca.

Vacat.

Vacat.

Andreas Mrayski.

PP. Ord: Prædicatorum.

Carolus Budrewicz, *Decanus.*

**Decana
 tus**

Grodnenfis.

Illustris Decanus, & A. RR. DD.

Parochi.

Grodno.

Perrillustis Iacobus Szczuka, C. Vilnensis.

Altaria duz.

Vacant.

Præceptura

Idem Perillustis Canonicus.

Xenod.

Ozd.

Stephanus Makowski.

Ieziora.

Czernicki Commendarius.

Kwasowka.

Petrus Konopka.

Eysimonty.

Adalbertus Siechnowicz.

Brzostowica

Basilius Strawiński.

minor.

Krynki.

Ioannes Zebrowski, *Commendarius.*

Odelk.

Franciscus Kaczkowski, *Commendarius.*

Kuznica.

Michaël Wyrwicz, *Commendarius.*

Sokolka.

Adamus Rokicki, *Decanus.*

Szudziśłowo

Ioannes Borowski, *Commendarius.*


Sokolány.

Mathias Kobyliński.

Indura.

Perillustis Stanislaus Kaczkowski, C. *Posnaniensis.*

Kon.



Kończyn.	Stanislaus Łuba.
Dąbrowka.	Stanislaus Barszczewski.
Altaria.	<i>Vacat.</i>
Nowydwor.	Simon Koc.
Altaria <i>ima</i> .	Andreas Dąbrowski.
Altaria <i>2da</i> .	Babiński.
Krasnobor.	Michaël Kulikowski.
Lipsk.	Gabriel Wnorowski.
Zaleście.	<i>Vacat.</i>
Sidra.	Paulus Pieńczykowski.


Decana

Caunenfis.

tus

Illustris Decanus, & A. RR. DD.
Parochi,

Kowno.	Perill: Stephanus Dębkowski, <i>Cust: Præl: Samog:</i>
Præpositura	Adalbertus Dowgiało, <i>Decanus.</i>
S. Crucis ex- tra civitatē.	
Iezno.	Vladislaus Pjecewski.
Stokliszki.	Georgius Chłusowicz.
Wysocki	PP. Ord: Prædicatorum.
Dwor.	
Sumiliszki.	Georgius Ryzgiewicz.
Zyżmory.	Franciscus Zub.
Zosle.	Casimirus Pieciukiewicz.
Poporcie.	PP. Ord: Prædicatorum.
Kormiałowo	Stephanus Brzozowski, <i>Commendarius.</i>
Łopie.	<i>Filia ejusdem Ecclesiæ.</i>
Giegużyn.	<i>Vacat.</i>
Skoruple.	Vladislaus Okmiański.




Wadziagotki.	Paulus Petrus Nowomicyński.
Rumfyzki.	Alexander Silewicz.
Uzugoście.	<i>Vacat.</i>
Dorsuniszki.	Florianus Golgont.
Preny.	Michaël Borowski.
Bersztany.	<i>Filia ejusdem.</i>

Decana
tus

Olwitensis.

*Illustris Decanus, & A. RR. DD.
Parochi.*

Olwita.	Perillustris Michaël Zienkiewicz, C. <i>Vilnensis.</i>
Grażyski.	Ioannes Michaël Monkiewicz.
Kalwarya.	<i>Filia Grażysensis.</i>
Wiżayny.	Casimirus Wiłowicz.
Łankieliszki.	Hyacinthus Niewiardowski.
Poiewonie.	<i>Filia Olwiten;</i> Antonius Pacewicz; Commend:
Bartniki.	<i>Filia Olwiten;</i>
Wisztyniec.	<i>Vacat.</i>
Filipowo.	Ioannes Iakowicz.
Przerost.	Casimirus Truskolaski.
Bakalarzow	<i>Vacat,</i>
Raczki.	Franciscus Iakinowicz.
Ianowka.	Casimirus Modzelewski, <i>Decanus.</i>
Wilkowisz-	Matthæus Klimowicz.
ki.	
Pilwiszki.	<i>Filia Wilkowiscensis.</i>
Suwałki.	<i>Capella Patrum Camaldul;</i> Eremit:



Decana
tus

Połocensis.

Illustris Decanus, & A. RR. DD.
Parochi.

Dołhynow.	Casimirus Szymkiewicz.
Dokszyce.	Iosephus Boniewicz.
Parafianow.	Dominicus Krutulski.
Głębokie.	Casimirus Wołczek.
Lepel.	Franciscus Zaborowski. C. S.
Kublicze.	Ioannes Pietuch.
Altaria.	Matthæus Ambrożewicz.
Wołkołata.	Iosephus Kleczkowski, <i>Decanus.</i>
Altaria.	<i>Vacat.</i>
Duniłowicz.	Casimirus Kościel.
Zadoroż.	Nicolaus Iawszewicz.
Dźwisna.	Ioannes Łuniewicz.
Połock.	PP. Soc: IESU.
Bieszeńkowicze.	<i>Vacat.</i>
Serwecz.	<i>Vacat.</i>


Decana
tus

Novogrodenfis

Illustris Decanus, & A. RR. DD.
Parochi.

Nieśwież.	Ernestus Casimirus de Latour C. S.
Altaria <i>ima.</i>	Iosephus Benedykiewicz.
Item Altarix	<i>Vacant.</i>
pres.	

Kleck.



Kleck.	Michaël Zaleski.
Niedzwiedzi ca.	Petrus Leszczyński.
Lipsk.	Sebestianus Kosmowski.
Kroszyn.	Antonius Tyszkiewicz. C: S:
Siemno.	Stanislaus Kuczycki.
Nowogro- dek.	Valentinus Gieczewski <i>vicarius perpetuus</i> ,

Altaria <i>ima</i> .	Felicianus Ancuta.
----------------------	--------------------

Altaria <i>ida</i> .	<i>Vacat.</i>
----------------------	---------------

Swoiatycze.	Szczerbiecki
-------------	--------------

Iskoldz.	Perillustis Hilarius Gintowt C. <i>Vilnensis</i>
----------	--

Snowia.	Georgius Minkowski.
---------	---------------------

Mir.	Ioannes Koncewski <i>Decanus</i> .
------	------------------------------------

Altaria.	<i>Vacat.</i>
----------	---------------

Swierzno.	Martianus Buialski.
-----------	---------------------

Mikołajew- szczyzna.	Michaël Hrynkiewicz.
-------------------------	----------------------

Niehniewi- cze.	Kuczycki <i>Qui supra</i> ,
--------------------	-----------------------------

**Decana
tus**

Stonimensis.

Illustris Decanus, & A. RR. DD.

Parochi.

Stonim.	Perillustis Adamus Kielpiński C. <i>Vilnensis</i> .
---------	---

Darewo.	Antonius Kotowski.
---------	--------------------


Mysz.	Ioachimus Malachowski.
-------	------------------------

Lachowicze.	Perillustis R. D. Petrus Połubiński <i>Præpositus</i> <i>Prælatus Vilnensis</i> .
-------------	--

Altaria.	Romanus Franciscus Pawłowicz.
----------	-------------------------------

Stwołowicze	Ioannes Skrodzki.
-------------	-------------------

Wa *Altaria.*



Altaria.

Zadzwiecie.

Horodysz-

cze

Staro-Ielna.

Wsielub.

Zdzigioł.

Dworzec.

Rohotna.

Mołczadz.

Decana

tus

Vacat.

Nicolaus Szylls Commendarius.

Ioannes Szczuka.

Perillustris Christophorus Połubiński C. Vilnensis.

Stanislaus Bielewicz.

Franciscus Georgius Iotkowski *Decanus.*

Malcher Staszkiewicz.

Andreas Malewicz.

Petrus Milewski.

Rozanensis

*Illustris Decanus & A. RR. DD.**Parochi.*

Rożana.

Łukonica.

Łyskow.

Porozowo.

Zelwa.

Mofty.

Dereczyn.

Miedzyrzecz

Kosów.

Olszewo.

Łahiszyn.

Janów.

Decana

tus

Vacat.

Dominicus Makowiecki.

Ioannes Petrus Iankowski *Decanus**Vacat.*

Gabriel Szmitch

Ioannes Patyński.

PP. Ord. Prædicatorum.

Antonius Podbereski.

Vacat.

Ioannes Tomaszewicz.

PP. Soc. IESU.


PP. Benedictini.

Wołkovyscensis

*Illustris Decanus & A. RR. DD.**Parochi.*

Wołkowysk. / Martinus Wołk.

Hnie-




Hniežno.	<i>Vacat.</i>
Swistocz.	Adamus Skrzetuszewski.
Isławka.	Casimirus Cimochowicz.
Brzostowica maior.	Illustrissim ^{us} Pancerzynski Episcopus Hieropolitanus.
Altaria.	<i>Vacat.</i>
Szydłowice	Nicolaus Iuszkiewicz.
Reple.	Michaël Kozłowski.
Wolpa.	Perillusttris Ioannes Bychowiec <i>Cancellarius</i>
Altaria.	Ioannes Mocarski.
Łunna.	Filia Wolpensis.
Roś.	Iacobus Rynkiewicz. <i>Decanus.</i>
Krzemienica	RR. Dñi. Canonici Regulares Lateran.
Mseibow.	Paulus de Rachetty.
Strubnica.	Antonius Czartoszewski.

Decana
tus.

Vitebscensis.
Illustris Decanus & A. RR. DD.
Parochi

Witepsk.	Laurentius Ruszkowski <i>Commend.</i>
Borysow.	Simon Gabriel Łoykiewicz. C: S:
Czereia.	Bartholomæus Ihnatowicz.
Łukoml.	Mathias Piotrowicz.
Altaria Rud- nosiele.	RR. DD. Missionary.
Siенno.	Patres ord. S. Francisci convent.
Bielica	PP. ord. Prædicatorum.
Ostrowno.	Idem.
Sorzyca.	Capella in bonis V. Capituli Vilnensis.

De-



**Decana
tus**

Orszanensis.

*Illustris Decanus & A. RR. DD.
Parochi.*

Orsza.	Nicolaus Daszkiewicz <i>Decanus.</i>
Hory Horki.	Perillustr. Petrus Połubiński <i>Præp. Præl. Catb. Vilm.</i>
Mscisław,	PP: Carmelitæ <i>ant. obser.</i>
Czausy,	Idem.
Szkłów.	PP. Ord. Prædicatorum <i>Provinciæ Russiæ.</i>
Mohylow.	Marcus Szaszkiewicz.
Altaria 1.	Stanislaus Iankowski.
Altaria 2.	<i>Vacat,</i>
Bychow.	Canonici <i>Reg. Lateran.</i>
Stary By- chow	Idem.
Białynicze,	PP. Carmelit. <i>ant. Obser.</i>
Starosielec	Ioannes Kawinski.
Tołoczyn.	Iosephus Chruszczewski.
Obolce.	Martianus Moyfes Stancewicz <i>Commend.</i>
	Antonius Woronowski <i>Vicarius.</i>
Smolany,	PP. Ord. Prædicatorum.
Dąbrowna,	PP. Ord. S. Franc: <i>min. de observ.</i>
Kadżyn.	Stanislaus Iankowicz:
Worockow.	Stanislaus Iankowski.
Malatycze.	PP. Ord. Prædicatorum.

**Decana
tus.**

Minscensis.

*Illustris Decanus & A. RR. DD.
Parochi.*

Minsk

Mińsk.	Illustrissimus Carolus Pancerzyński Eppus. Hierop:
Altariæ 2.	
Iwieniec.	Michaël Mocarski. <i>Qui et Decanus.</i>
Wołma.	Paulus Kasperowicz.
Choſchſa.	Florianus Diamentowicz.
Naliboki.	Franciscus Czerniewski.
Derewnia.	<i>Vacat.</i>
Kamien.	<i>Vacat.</i>
Algaria.	Michaël Mocarski.
Pierſzaie.	<i>Vacat.</i>
Altaria.	<i>Vacat.</i>
Wiſzniew.	Adamus Witkowski.
Zabrzezie.	Stanislaus Baranowski.
Rakow.	PP. Ord. Prædicatorum.
Koydanow.	Antonius Szymanski.
Vzda.	Antonius Rawinski.
Stolpce.	PP. Ord. Prædicatorum.
Puchowicze.	Nicolaus Przeradowski. C. S.


**Decana
tus.**

Radofzkowienſis.

Illustris Decanus & A. RR. DD.

Parochi.

Radofzkowicze.	Simon Głuchowski. <i>Qui & Decanus.</i>
Zaſław.	Bartholomæus Bucholtz.
Łokoyſk.	Georgius Matulewicz.
Hayno.	Perilluſtris Andreas Wołodkowicz C: Vilnenſis.
Korzeń.	Andreas Kalinowski.
Ziemiń.	PP. Ord. Prædicatorum.



Chotaiewi. PP. Ord. Prædicatorum.

cze.

Illa.	Georgius Lyntupski.
Lebiedziow.	Boguslaus Kaminski.
Altaria.	Idem.
Horodziłow.	Ioannes Kociel. C: S:
Hruzdow.	<i>Vacat.</i>
Chożowa.	Iacobus Mofarski.
Krasnesioło.	Stephanus Woynowski.

Decana


Bobruyscensis

tus.

Illustris Decanus & A. RR. DD.
Parochi.

Bobruysk.	Illustrissimus Ludovicus Ogiński Nomin. Epp ⁹ Smol ⁹
Hłusk.	PP. Ord. S. Franc: min. de obser
Strzelzyn.	Capella VV: Capituli Cath. Viln.
Rzeczycza.	PP. Ord. Prædicatorum.
Homel.	Benedictus Chanecki.
Możyr.	Simon Puciata.
Petrykow.	Thomas Szylański <i>qui & Decanus.</i>
Dawidgrodek.	<i>Vacat.</i>
Cimkowicze	Georgius Xau: Cepriński Ciekawy.
Śluck.	Petrus Sławkowski.
Altaria 1.	Ioannes Doynowski.
Altaria 2.	Konarski.
Kopyl.	Filia, Michâel Duszewski. <i>Commend:</i>
Altarię 2.	<i>Vacant.</i>
Bohuszewicze.	Ioannes Drowdwił.
Berezyna.	<i>Vacat.</i>

Deca-

**Decana
tus.****Augustoviensis***Illustris Decanus & A. RR. DD.
Parochi.*

Augustow.
Grabowo.
Bargłow.
Raygrad.
Goniądz.
Præpositura
Hospitalis
ibidem.
Trzciana.
Dobrzynie.
wo.
Iasionowka.
Brzozowa
maior.
Brzozowa
minor.
Dolińskow..
Altaria.

Ioannes Sliżewski.
Christophorus Kramkowski.
Idem.
Paulus Chrośtowski *Decanus.*
Andreas Lewicki.
Ioannes Iaworowski.

*Illustris Simon Furs. C. Uladislau:
Ioannes Chrysofthomus Bogucki C. Livon.*

Paulus Pienkowski.
Valentinus Kramkowski.
Idem Sacramenta administrat.


Ioannes Kiełłpsz.
Matthæus Perkowski.

**Decana
tus****Knyszynensis***Illustris Decanus & A. RR. DD.
Parochi.*

Kalinowka.
Knyszyn.
Altaria.

Valentinus Kramkowski.
Stephanus Baranowski.
Gołębiewski.

64



Biblioteka Jagiellońska



std/0029767

